

MATEO

É Mbamba Fwéñ

Mateo a ngá tsili

Mébárán Yesukristo

1 ¹Ábá mébárán Yesukristo; é mwán David, é mwán Abraam. ²Abraam a ngá byéñ Isaak, Isaak ní ya Jakob, Jakob ní ya Judá ya Judá bóbéñan. ³Judá bá Tamar bá byéñ Fares ya Zara, Fares ní aá byéñ Esrom, Esrom ní ya Aram. ⁴Aram ní a ngá byéñ Aminadab, Aminadab ní ya byéñ Naasón, Naasón ní ya Salmón. ⁵Salmón bá Raab bá bá byéñ Booz, Booz bá Rut bá bá byéñ Obed, Obed aá byéñ Esaí. ⁶Éde, Esaí a ngá byéñ kéza David.

David bá é miningá a mbé ngéá Urias, bé ngá byéñ Salomón. ⁷Éde, Salomón a ngá byéñ Roboam, Roboam ní ya Abías, Abías ní ya byéñ Asa. ⁸Éde, Asa a ngá byéñ Yosafat, Yosafat ní ya Yoram, Yoram ní aá byéñ Uzías. ⁹Éde, Uzías a ngá byéñ Yotam, Yotam ní ya Akas, Akas ní ya Ezekías. ¹⁰Éde, Ezekías a ngá byéñ Manasés, Manasés ní ya Amón, Amón ní ya Yosías. ¹¹Éde, Yosías a ngá byéñ Yekonías ya Yekonías bóbéñan é tám bé ngá ke ya bó mikómm á Babilonia.

¹²Éde, bé tóó mikómm á Babilonia, Yekonías a ngá byéñ Salatiel, Salatiel ní ya Zorobabel. ¹³Ané Zorobabel ní a ngá byéñ Abiud, Abiud ní ya Eliakim, Eliakim ní ya Asor. ¹⁴Éde, Asor a ngá byéñ Zadok, Zadok ní ya Akim, Akim ní ya Eliud. ¹⁵Éde, Eliud a ngá byéñ Eleazar, Eleazar ní ya Matán, Matán ní ya Jakob. ¹⁶Éde, Jakob a ngá byéñ José, María nnóm, María te éñe a ngá byéñ Yesus éñí bá lwée ná Kristo.

¹⁷Édo ná, mimyee mí bot míse atéé ye ébe Abraam akekwiñ ébe David, mí ne awóm ya mí nii; atéé ye ébe David akekwiñ é tám bé ngá ke ya bó á Babilonia, myá mí ne fe awóm ya mí nii; atéé ye é tám bé ngá ke ya bó á Babilonia akekwiñ ébe Kristo, myá mí ne fe awóm ya mí nii.

Ábyálá Yesus

¹⁸Ábyálá Yesukristo é ngá bɔban aaná: É tɔɔ ná ñiá María bá José bé belé atsiŋɗ áluík, ve kaa ná bé yemán ané fám ya miningá, éde bé ngá koan ná a ntɔɔ abum amú é nguu Mfúfúp Nsísim. ¹⁹Ve, nnóm José, ñí a tɔɔ nzósoó mot, kaa ki ñí ákómo álére osoán á bot été, ané a ngá kík ná aa lík ñí áswēññ.

²⁰Ve ñí eé tém mam méte, véa, ángel Ntí a ngá yéne ébe éñe á biyéyemm, eé dzó ñí ná, “Á José, é mwán David, o táa kɔ wɔɗɗ ná o ñɔɗ ñu ngéá María, amú ná ábum a ne dí, á ñɔɗ dɔ ya é nguu Mfúfúp Nsísim. ²¹Éde, aa ye byēñ mwán fám, wa ye fe ñí yo eyola ná Yesus, amú ná aa ye koro é bot bēñ ébe mísémm myeba.”

²²Dzam te áse é ngá bɔban á mfá ye ná é dzáláaban édí Ntí a ngá dzó ébe nkúlu medzó ná,

²³“Dággán, endúnn ngwan dá ye ñɔɗ abum,
é byēñ fe mwán;
bá ye fe ñí álwée eyola ná Emanuel,”

Dá yíli ná, “Nzamá a ne ya bía.”

²⁴Véa, niané José a ngá vee óyó, éde a ngá bɔ amvála ané ángel Ntí a ngá mánan ñí, á ñɔɗ é miningá weñ. ²⁵Ve, eé ndzí ñí áyem ané miningá akekwiñ ané a ngá byēñ mwán fám, éde a ngá yo ñí eyola ná Yesus.

Befas atéteñ

2 ¹Édo ná, Yesus a ngá byála á Belén, dzeá ye ábeɗɗ sí ye á Judea, mélú Erodes á mbé kéza; véa, éñe befas atéteñ bé ngá sian á Yerusalen, bée sɔ é vóm nlódzóp wá kwíñ, ²bée síli ná,

“É kéza bejudio a ngá byála a ne ó vé? Amú ná bía yén ótéteñ weñ é vóm nlódzóp wá kwíñ. Éde bí sɔ ná bía nzu ñí ákaɗ.”

³Niané kéza Erodes a ngá wók dɔ, ané a ngá nzaman bábe bot bése béye á Yerusalen. ⁴Éde a ngá kóan betébosú befára bése ya beyágale métsiɗɗ béye áyɔɗ, ané a ngá síli bó é vóm Kristo aa ye byála. ⁵Ané bé ngá yalan ya ñí ná,

“Á Belén, dzeá ye á Judea; amú ná néa, éñe é ne ntsilann ébe nkúlu medzó ná,

⁶‘Á wa, Belén, sí ye á Judea été,
We sés avítsaɗ amvála enziɗ énzénzanɗ
ye é meá má dzwée á Judá été.
Amú ná Ndzwée aa ye sɔ ébe wa,

Éní aa ye kálá áyɔŋ dam Israel.’ ”

⁷Éde véa, Erodes a ngá lwée befas atéteñ áswañ, ná a túga yem é tám bé ngá yén otéteñ. ⁸Éde a ngá lóm bó á Belén, eé dzó bó ná,

“Kenján áfas ya nkée á mfá mwán te. Ané, niané mína koan ya ní, míni kat ma á mfá ye ná ma me ke fe ní ákaŋ.”

⁹Éde niané bé ngá mana wók nkóbo kéza, ané bé ngá ke. Véa, éñe otéteñ bé ngá yén á mfá nlódzóp wá kwíñ ó ngá ke bó ósú, akekwiñ ané ó ngá ke sian ya átébe é vóm mwán a mbé á yóp. ¹⁰Éyɔŋ bé ngá yén otéteñ, ané bé ngá bíra sán ya abwiññ mesán.

¹¹Niané bé ngá níí á ndá, bé yén mwán bá María, ñiá mwán, éde bé ngá kútbe ó sí, bé nga kaŋ ní. Éde bé ngá kúu biwála mítam byeba, bé nga vé ní dás; koŋ, mbwánn enum ya mekémle mé mirra. ¹²Ané bé ngá lére bó á biyéyemm ná bé táa bera búlán ébe Erodes, éde bé ngá búlán é sí deba nzenn fé.

Bá ke mbíí Égipto

¹³Éde, niané bé ngá ke, véa éñe ángel Ntí a ngá yéne José á biyéyemm eé dzó ní ná, “Tébegé, ó ñɔŋ mwán bá ñiá, o kén mbíí Égipto. Tɔbɔgé ó wéñ akekwiñ ané ma ye wa kat, amú ná Erodes a nkún dzéŋ ná á ywíñ mwán.”

¹⁴Véa, José a ngá tébe, a ñɔŋ mwán bá ñiá á alú, a kén Égipto; ¹⁵éde a ngá tɔbo ó wéñ akekwiñ ané Erodes a ngá wú, á mfá ye ná é dzam Ntí a ngá kóbo ébe nkúlu medzó, ná, “Me ngá lwée é mwán wóm Égipto,” é dzálában.

Erodes aa ywíñ bwán

¹⁶Édo ná, Erodes eé yén ná befas atéteñ bé kpógo yaá ní, ané a ngá bíra yéa. Éde, a ngá mánan ná bé ywíñ é bwán bése bé mbé á Belén ya mévóm má boman ya ní, atée ye á míbú mí beañ ye ásigi ásí, amvála ané é tám a ngá mana fas ébe befas atéteñ. ¹⁷Ané édí nkúlu medzó Jeremías, é ngá dzálában, éyɔŋ a ngá dzó ná,

¹⁸ “Kíŋŋ e ngá wógó á Ramá,
Ebi ya abwiññ miyónn.
Rakel aa yi é bwán béñ,
Éé ngá kómo ki ná bé vwála ní á nlém,
Amú ná bé sés fe.”

Bá búlán á Nasaret

¹⁹Ve, niané Erodes a ngá wú; véa éñe ángel Ntí a ngá yéne José biyéyemm Égipto, ²⁰eé dzó ní ná, “Tébegé, ñɔŋŋe mwán bá ñiá, o kén á sí ye Israel, amú ná é bot bé ngá dzéŋ éniŋ mwán, bé mana yaá wú.”

²¹Ané a ngá tébe, a ñɔŋ mwán bá ñiá, éde a ngá sian á sí ye Israel.
²²Ve, niané a ngá wók ná Arkelao á nga dzwée yaá á Judea éyian
 éséá Erodés, éde a ngá kɔ wɔŋŋ ná á ke ó wéñ. Niané bé ngá lére ñí á
 biyéyemm, ané a ngá ke ábeŋŋ sí ye á Galilea. ²³Éde, a ngá ke tɔbɔ é
 kísoan bá lwée ná Nasaret. Á mfá ye ná é dzam bekúlu medzó bé ngá dzó
 é ngá dzálában ná, “Bá ye ñí lwée ná mwann Nasareno.”

Nkatann mbamba fwéñ Juan Ndubot

3 ¹Melú méte, Juan Ndubot a ngá nzu a kat mbamba fwéñ éyáŋŋ été á
 Judea, ²eé dzó ná, “Dzobgán, akála ná édzwée ngómán ye á dzóp é
 ntɔ́ bebeñ,” ³amú ná é mot ñí éñe nkúlu medzó Esaía a ngá dzó ya ñí ná,

“Kíŋŋ mot da yón éyáŋŋ été,
 ‘Komján é nzenn Ntí,
 sɔ́ŋán ménzenn meñ tételé’ ”.

⁴Juan te émyen a mbé a бага etóp ekop kamelio ya kaná ekop tsít
 ángérgá; bídzí byeñ byá bí mbé bitandá ya ywíñ ye áfan.

⁵Éde, bot béye á Yerusalen, Judea áse ya ábeŋŋ sí é ngá boman Yordán
 áse, bé ngá nzu ébe éñe, ⁶á nga du bó óswíñ Yordán, béé mem mísémm
 myeba.

⁷Ve, éyɔŋ a ngá yén abwiññ bot béye á nsámá befariseo ya besaduseo,
 béé nzu ná bá duuban, ané a ngá dzó bó ná,

“Á ayɔŋ beféñ! Nzá a ngá lére mína ná míní túp méyéá mé nkún
 sian? ⁸Édo ná, wúmŋán bibumá byá yian ya ndzobán. ⁹Kaa átém á
 milém myenan été ná, ‘Bí belé Abraam ané tará’; amú ma dzó mína
 ná, Nzamá a ne veŋan mekwá má é bwán Abraam. ¹⁰Ya fe ná ovón
 wá ó mbóo fe ó tsín bilé; éde ná, élé ése dá bɔ kaa áwúm mbamba
 ebumá bá ye dɔ kík, bé wea dɔ á ndúán été.

¹¹Bébélá ma ma du mína ya mendzím, mfá ndzobán, ve é mot
 a nzu ma á mvús a ne nguu á lot ma, éñí me sés nguu ye ábaga ñí
 mengop. Aa ye mína du ya Mfúfúp Nsísim ya ndúán. ¹²A belé ekyeñ
 mí sɔŋ ó mó meñ, aa ye sigle ábana trigo, eé ñɔŋ misó mí trigo eé nii
 myɔ é sitúa deñ; ve aa ye dzígi mbíán ya é ndúán e ne kaa ádzím.”

Yesus aa duuban

¹³Ané Yesus a ngá sian á Yordán é vóm Juan a mbé, eé só á Galilea, á
 mfá ye ná Juan á du ñí. ¹⁴Ve Juan a ngá kam ya ñí ya dɔ, eé dzó ná,

“Ma me ne é mot aa yian nzu ébe wa ná o du ñí. Ye wa wa víán nzu
 ébe ma?”

¹⁵Ve Yesus a ngá yalan ya ñí ná,

“Yébegé dɔ áwola dí; amú dá yian ná bí dzálá nzósoó áse amvála te.”

Ané Juan a ngá yébe ní dɔ. ¹⁶Éde niané Yesus a ngá mana duuban, etéñ te ébyen, eé kólo méndzímme été, véa, dzóp é ngá yónbe, ané Yesus a ngá yén Nsísim Nzamá, weé sigi amvála ané obehɛn ó sɔ berebe ébe éñe. ¹⁷Éde ó véa, bé ngá wók kíɛɛn á dzóp été, deé dzó ná, “Ndzindziɛn Mwán wom éwɔ wi, éñí aa vé ma mesán á nlém.”

Déble aa bóble Yesus

4 ¹Éde véa Mfúfúp Nsísim a ngá ke ya Yesus éyáɛn été ná débble á bóble ní.

²Niané a ngá mana tɔɔ táɛ mos mewóm mé nii ya fe melú mewóm mé nii, eé lot tám nkián bidzí, á súgánn á nga wók nzeñ. ³Éde débble a ngá yit ní bebeñ, ané a ngá dzó ní ná,

“Ngé o ne mwán Nzamá, dzóge mékwá má ná mé vejan mifémm.”

⁴Ve, ní a ngá yalan ya ní ná,

“É ntɔɔ ntsilann ná,

‘Se fáve mfémm etámm éwɔ, mot aa ye niɛn ya wɔ,
fáve ná ya éfiá ése da kwíñ ánu Nzamá.’ ”

⁵Ané débble a ngá ke ya ní á Mfúfúp Kísoan, a kéñ ní téle é vóm ó ngá daɛn ya oyaáp ó yóp á templo, ⁶éde a ngá dzó ní ná,

“Ngé o ne é Mwán Nzamá, yóogé o ku á sí, amú é ne ntsilann ná,

‘Aa ye mánan é baáɛgel béñ mfá we,
bé бага wa ya é mó meba,
á mfá ye ná ábo dwe é nza kɔp akwá.’ ”

⁷Éde, Yesus a ngá dzó ní ná,

“É ntɔɔ fe ntsilann ná, ‘Wáá ye bóble Ntí Nzamá we.’ ”

⁸Éde, débble a ngá bera ke ya ní á nkoó ó tɔɔ ededeá oyaáp ó yóp, éde a ngá mana ní lére bidzwée bí ngómán bíse bíye é sí ní, ya é dúmá deba, ⁹ané a ngá dzó ní ná,

“Ma ye wa kee ásesé ní, ngé ó kút meboɛn ó sí ná wa kaɛn ma.”

¹⁰Éde ó véa, Yesus a ngá yalan ya ní ná,

“Á Sátan, kén; amú é ne ntsilann ná,

‘Wa ye kaɛn Ntí Nzamá we,
fáve éne etámm wa ye kaɛn.’ ”

¹¹Ané débble a ngá lík ní, véa baáɛgel bé ngá sɔ, bé nga belan ya ní.

Yesus aa tára éséññ deñ á Galilea

¹²Ve, niané Yesus a ngá wók ná Juan a ntɔɔ á mbok, ané a ngá búlán á Galilea; ¹³eé lík Nasaret, éde a ngá ke tɔbɔ á Kapernaúm kísoan ye á nsá mán, mefóo mé sí Zabulón ya Neftalí, ¹⁴á mfá ye ná é ddam nkúlu medzó Esaía a ngá dzó é dzáláaban, ná,

¹⁵“Á é sí Zabulón ya é sí Neftalí,
nzenn ye ó mán, á Yordán áyát,
é Galilea meyoŋ mefé.

¹⁶Bot béye é sí é mbé é tɔɔ ó dzíbi ósí,
bé yén yaá bora eyéá;
ébá bé mbé bé tɔɔ é vóm ó ne áwú á mféŋŋ,
eyéá é feañ yaá ébe bó.”

¹⁷Atéé ye tám te édo Yesus a ngá tára ná a kat efíá Nzamá, eé dzó ná,
“Dzobgán, amú ná édzwée ngómán ye á dzóp é ntɔɔ bebeñ.”

Yesus aa lwée beyɔp kwaás bé nii

¹⁸Éde, eé wulu á nsá mán méye Galilea, a ngá yén bɔbɛñaŋ bé beañ, Simón, éñí a mbé fe eyola ná Pedro bá mwanñaŋ Andrés, béé du avwát ó mán, amú bé mbé beyɔp kwaás. ¹⁹Ané a ngá dzó bó ná,
“Beegán ma, ma ye mína bɔ beyɔp bot.”

²⁰Etéññ te ébyen, ané bé ngá lík mevwát, bé bee níí.

²¹Éde niané a ngá kólo ó véa, a yén bɔbɛñaŋ bé beañ befé, Jakobo, é mwán Zebedeo, bá mwanñaŋ Juan, á byéa été ya éséá weba Zebedeo, béé kom mévwát meba. Ané Yesus a ngá lwée bó. ²²Etéññ te ébyen bé ngá lík byéa ya éséá weba, bé bee níí.

Yesus aa yágale nkuna bot

²³Éde Yesus a ngá boman Galilea áse, eé yágale á besinagoga beba été, eé kat fe mbamba fwéñ ya édzwée ngómán, eé séñ akwann áse, mitéñ míse bot bé mbé belé. ²⁴Ané éwógá deñ é ngá mana ñeŋ á Siria ngúra, éde bé ngá nzu ya níí mikúkwann, ná mí belé akwann ya midzuúk memvála ya memvála, ébá bé belé mimbéa misísim, ébá bá belé okúbégé, ya mibóbók; ané a ngá séñ bó.

²⁵Ané abwiññ míkuna mí bot mí ngá bee níí, é mí míye á Galilea, ye á Dekapolis, ye á Yerusalen, ye á Judea, ye á Yordán áyát.

Nkatann efíá á nkoó.

5 ¹Éyoŋ Yesus a ngá yén mikuna mí bot míte, éde a ngá bét nkoó, a tɔbɔ ósí.

Mvɔmm

Ané báyaga beñ bé ngá yit ñí bebeñ. ²Éde, a ngá ñɔŋ efíá, á nga yágale bó, eé dzó ná,

- ³ “Mvɔmm ya biŋgóngóó bí bot á nsísim été,
 ébó fá bé ne ya édzwée ngómán ye á dzóp.
⁴ Mvɔmm ya é bot bé ɔó ya meyep, bá ye fá bó vwála milém.
⁵ Mvɔmm ya é bot bé ne nsilann ósí, bá ye fá ñɔŋ sí ané tsígá.
⁶ Mvɔmm ya é bot bá wók nzeñ ya evée á mfá nzósoó, bá ye fá dzéñ.
⁷ Mvɔmm ya é bot bá yén é bot bevóó engóngóó, bá ye fá bó yén
 engóngóó.
⁸ Mvɔmm ya é bot bé belé milém mifúbánn, bá ye fá yén Nzamá.
⁹ Mvɔmm ya é bot bá dzéŋ mvwaá, bá ye fá bó lwée ná é bwán
 Nzamá.
¹⁰ Mvɔmm ya é bot bá dzéŋ ásí akála nzósoó, ébó fá bé ne ya édzwée
 ngómán ye á dzóp.”

¹¹ “Mvɔmm ya mína, éyɔŋ bé ne mína tea, ye ádzéŋ mína ásí, ye ákóbo ya mína ámvála abé áse é ne bo, ékúkwát été ya ákála dam.”
¹² “Vaggán, sánŋán fe, amú é máán menan á dzóp été mé ne menén;
 amú ná néa fe bé ngá dzéŋ bekúlu medzó bé ngá tára mína tébe ósú
 ásí.”

Nkuú ya eyéá ye éniŋ

¹³ “Mína míní ne nkuú ye é sí ñí; ve ngé nkuú ó dzímle dak, dzé dá
 ye wó bera vé dak? Ó sés fe ya eban, fáve ná bá wea wó ó fén, bot bá
 bé nga tsibi wó ya mebo.

¹⁴ Mína míní ne eyéá ye éniŋ; é kísoan é ne nlónán á nkoó áyóp é
 sés sɔbo. ¹⁵ Bää bwaa ki láma ná bá nii ñí éwála ásí, fáve ná bá téle ñí
 ó yóp, á nga vé é bot bése bé ne á ndá eyéá. ¹⁶ Néa éñe éyéá denan é
 feañŋe á bot été, á mfá ye ná bé yén é mbamba mibɔann myenan, bé
 nga vé Ésuá wenan a ne á dzóp été dúmá.”

Yesus aa yágale á mfá memvéná

¹⁷ “Míní táa tém ná me só yaá tsam nkoó métsiŋŋ ngé ki Bekúlu
 medzó. Meé ndzí nzu tsam, fáve ná me só yaá mfá ádzálá. ¹⁸ Amú ma
 dzó mína bébélá ná akekwiñ ané sí ya dzóp byá ye lot, atwaa ékaŋŋ
 dá daŋ ya avítsaŋ ngé ki ndúŋŋ ékaŋŋ ye métsiŋŋ dáá ye dzímle,
 akekwiñ ané mése má mana dzálában.

¹⁹ Éde, é mot áse aa tsam é mvéná da daŋ ya avítsaŋ memvéná má,
 aa yágale fe mo bot néa; bá ye ñí lwée ná kaa eban édzwée ngómán

ye á dzóp; ve é mot áse aa dzálá mɔ, ayágale fe mɔ, mot te éñe bá ye lwée ná ñá mot édzwée ngómán ye á dzóp. ²⁰Amú ma dzó mína ná, ngé é nzosoó wenan áá lot éñí beyágale métsiŋɔ ya befariseo, mínáá ye ñíi édzwée ngómán ye á dzóp tám enziŋ.”

Yesus aa yágale á mfá meyéá

²¹“Mínaá wók ná bé ngá dzó é bot ókuá ná, ‘O táa ywíñ, amú é mot áse aa ywíñ mot bá ye ñí kík misaŋ.’ ²²Ve, ma ma dzó mína ná é mot áse aa yéá ya mwanñan bá ye ñí kík misaŋ. É mot áse aa dzó mwanñan ná, ‘Táa ndzímán’, aa ye bɔ ntotómm ébe ású ékóánn bá kík medzó. É mot aa dzó mwanñan ná, ‘Táa okúkút mot’, aa ye ke ébéññ ndúán.

²³Édo ná, ngé wa nzu ya bívévé bywe áltar, véa o síman ná mwanñan a belé dzam ya wa, ²⁴líkge bívévé bywe áltar ósú ó véa, éyɔŋ te o kéñ tára mana ákom mína mwanñan; véa o só vé bívévé bywe.

²⁵Komɔ avóó avóó ya é mot a ne wá á ngamm áyát, ntéññ mína ñí mína ngén mína wulu ó nzenn, a nza bɔ ná é mot a ne wa á ngamm áyát á ke wa sómán ébe nkík misaŋ, nkík misaŋ ñí á ébe awasíli, véa bé fet wa á mbok. ²⁶Ma dzó wa bébélá ná wáá ye kólo ó wéñ, kaa ná o yáán é furá da súgan.”

Medzián

²⁷“Míní ngá wók ná bé ngá dzó ná, ‘O táa bɔ medzián’. ²⁸Ve ma ma dzó mína ná é mot áse a dága miningá ya mís méye ná aa kómo ñí dziŋ, á dzií yaá éyá miningá á nlém été.

²⁹Édo ná, ngé é dzís meyóm dwe dá bɔ wa ná o ku á nsémm, veagé dɔ, o wea dɔ ó féñ; amú ná é ne wa mvéáñ ná asúk ñúu avóó é dzímle, ye ná é ñúu dwe ngúra bé wea dɔ ébéññ ndúán. ³⁰Ngé é wéá meyóm we, wá wá bɔ ki wa ná o ku á nsémm, kíkge wó, ó wea wó ó féñ; amú ná é ne wa mvéáñ ná asúk ñúu avóó é dzímle, ye ná é ñúu dwe ngúra eé ke ébéññ ndúán.”

Mvas

³¹“Bé ngá dzó fe ná, ‘É mot áse aa vé ngéá mvas, á keegé ñí kálara mvas’. ³²Ve ma ma dzó mína ná é mot áse aa vé é miningá weñ mvas, ngé é sés akála nsémm eveák, a bɔ ñí ná a ke aa bɔ medzián. Édo ná, é mot áse ñí aa lúk é miningá a vas yaá álúk aa bɔ medzián.”

Nkanann sɔŋ

³³“Míní ngá bera fe wók béé dzó é bot ókuá ná, ‘O táa kan sɔŋ mineá été; fáve ná dzálágé Ntí méngaá mwe.’ ³⁴Ve ma ma dzó mína

ná míní táa kan sɔŋ amvála enziŋ; ngé dzóp, amú ná édo e ne étɔɔ édzwee Nzamá; ³⁵ngé ki sí, amú ná édo e ne étéle mebo deñ; ngé ki Yerusalen, amú ná éñe a ne é kísoan Bora Kéza. ³⁶O táa ki kan sɔŋ nló we, amú o sés bo ná atwaa nkó esií mbóó ye ésií dwe ó bo mfúm ngé ki nsút. ³⁷Ve nkóbo wenan ó bóoge; ma yébe, ma yébe; ngé ki ná, móamó, móamó. Édo ná é ddam dá lot véa, dá sɔ ébe mbéa ddam.”

Ákunŋa

³⁸“Mína ngá wók béé dzó ná, ‘Dzís dá tán dzís, asonŋ dá dá tán asonŋ.’ ³⁹Ve ma ma dzó mína ná, míní táa ním mbéa mot; fáve ná, é mot áse aa bími wa ámánŋ meyóm, léregé ní ámánŋ avóó. ⁴⁰É mot aa ke wa sómán á mfá áñonŋ wa elíŋŋá, keegé fe ní ekót. ⁴¹Ngé mot aa tsíni wa ya nguu ná o ke mína ní tán okanŋ ovóó, kén ya ní tán akanŋ á beañ. ⁴²É mot aa dzaa wa, vá ní; ngé mot aa kómo wa koo dzóm, o táa ní ním.”

Ádziŋ midzindzínŋ

⁴³“Míní ngá wók béé dzó ná, ‘Dziŋŋe é mot mbóó, o víni é mot áse aa síŋ wa.’ ⁴⁴Ve ma ma dzó mína ná, Dziŋŋán é bot bá síŋ mína, [váán ébá bá víni mína abwará], yaglánán fe á mfá é bot bá dzén mína ásí. ⁴⁵Néa éñe mína ye bo é bwán Ésusá wenan a ne á dzóp été; éñe fá a bo ná nlódzóp ó fén mfá bembéa bé bot ya fe bembamba bé bot, a ñonŋ fe mvej mfá benzósoó bé bot ya fe bikúkwat bí bot. ⁴⁶Amú ná ngé mína dziŋ é bot bá bá dziŋ mína, nzá máán mína ye ñonŋ? Nde beñonŋ mfónsí bá báa bo do? ⁴⁷Éde ngé mína bérán ki fáve ya bóbeñonŋ, nzá ddam mína lot ya do é bot bevóó? Nde bot béye meyonŋ mefé bá báa bo do? ⁴⁸Édo ná, bógan benzósoó amvála ané Ésusá wenan a ne á dzóp été a ne nzósoó.”

Mfá bivévé

6 ¹“Tóbogán ya nkée ná míní táa bo é nzósoó wenan ébe ásu bot ná ébó bé yén mína; ngé néa, mínáa ye ñonŋ máán ébe Ésusá wenan ané á dzóp été.

²Édo ná, éyonŋ wa vé biŋgónŋsóó bí bot bivévé, o táa ke wa lón metónŋ misenŋ ya misenŋ, amvála ané bot meduk bá bo bésinagoga été ya misenŋ á mfá ye ná bot bé vé bó dúmá. Ma dzó mína, bébélá bé mbelé é máán meba.

³Ve wa, éyonŋ wa wa vé biŋgónŋsóó bí bot bivévé, é wéa meyéa we ó táa yem é ddam é wéa meyóm we wá bo, ⁴á mfá ye ná bivévé bywe wa vé biŋgónŋsóó bí bot ó bo áswenñ; éde Ésusá, éñí aa yén edí é ne áswenñ, aa ye wa vé meyáán.”

Mfá meyaglán

⁵“Éde, éyɔŋ mína yaglan míní táa bɔ ané bot meduk; amú ná bá dziŋ bá yaglan bé téle betétele bésinagoga été ya á maagán bisala, ná bot bé yén bó. Ma dzó mína bébélá ná bé ñɔŋ yaá é máán meba.

⁶Ve wa, éyɔŋ wa wa yaglan, ñígé édziná dwe été, niané wa dzip mbéñ, yaglánán ya Ésusá a ne áswēññ, éde Ésusá, éñí aa yén édí é ne áswēññ aa ye wa vé meyáán.

⁷Ve, éyɔŋ mína yaglan míní táa báále nzeze bifíá, ané bot béye meyɔŋ mefé bá lópban, amú ná bá tém ná ya ábwiññ nkóɔ deba édo bá ye bó wók ya dɔ. ⁸Édo ná, míní táa bɔ amvála ané ébɔ; amú ná Ésusá wenan aa yem é dzóm dá dzéŋ mína, kaa ná míní dzaa ñí.

⁹Éde mína, yaglánán ámvála dí,

Á é Tará wea a ne á dzóp été,
éyola dwe é bɔ́ge ya eki.

¹⁰Édzwée ngómán dwe é nzá.

Nkómánn we ó bɔ́ge á sí,
amvála ané ó ne á dzóp été.

¹¹Vá bía émuú, bídzí byeá bíye kada mos.

¹²Dzwiigé fe bía ya bívuzá byea,
ané bía bía dwii fe é bot bá vus ya bía.

¹³O táa bía téle mébóblé été.

Fáve ná korogé bía abé été.

[Amú ná wa o ne ya edzwée, ya nguu, ya dúmá,
akekwíñ kómm áse. Amén.]”

¹⁴“Amú ná ngé mína dwii bot bívuzá bá bɔ mína, Ésusá wenan a ne á dzóp été, ñí aa ye fe mína dwii. ¹⁵Ve ngé mína bɔ kaa ádzwii bot, Ésusá wenan ñí áá ye ki mína dwii bívuzá byenan.”

Mfá áki bidzí

¹⁶“Éyɔŋ mína ki bidzí, míní táa bɔ amvála ané bot méduk bá lére mesú eywiññ; amú ná bá mana tsén mésú meba á mfá álére bot ná bá ki bidzí. Ma dzó mína bébélá ná bé ñɔŋ yaá é máán meba mése.

¹⁷Ve wa, éyɔŋ wa ki bidzí, wáagé mbwánn á nló, o sop fe ásu dwe,

¹⁸á mfá ye ná o nza álére bot ná wa ki bidzí, fáve Ésusá éñí a ne áswēññ; éde Ésusá, éñí aa yén áswēññ, aa ye wa vé meyáán.”

Akúmm ye á dzóp été

¹⁹“Míní táa kóán ntam wenan é sí ñí é vóm sígbém ya míngéle byá ywíñ ntuk, ya é vóm midzídízíp myá tógán mí ŋa dzíp; ²⁰fáve ná,

kógán ntam á dzóp été, é vóm sígbém ngé ki míngéle byáá ywíñ ntuk ya é vóm midzídzip myáá tógán ngé ki ádzíp; ²¹amú ná é vóm ntam we ó ne, vóm te fe nlém we wá wá ye bɔ.”

Láma ye ó ñúu

²²“Dzís édo é ne láma ye ó ñúu; éde ná, ngé é dzís dwe é ne mvéañ, é ñúu dwe áse da ye belé eyéá. ²³Ve ngé é dzís dwe é ne ekúkwát, é ñúu dwe áse da ye tɔbɔ ó dzíbi ósí. Édo ná, ngé éyéá é ne ébe wa dá é ne dzíbi, nzá amvála abwiññ dzíbi te dá ye bɔ!”

Nzá aa dzwée nlém?

²⁴“Mot enziŋ a sés séan ya bemása bé beañ; amú ná aa ye víní mbɔ́ɔ́, á nga dziŋ éñí mbɔ́ɔ́, ngé ki ná aa ye bánbe ya mbɔ́ɔ́, á nga byana éñí mbɔ́ɔ́. Bé sés séan ya Nzamá ya fe akúmm eyɔŋ déá.”

Nzamá aa kálá é bwán bɛñ

²⁵“Akála te édo ma dzó mína ná milém mí táa mína ku ábum á mfá bínin byenan, ná dzé mína ye dzí, ngé ki ná, dzé mína ye ñú; ngé ki mfá é ñúu denan ná dzé mína ye bwát. Nde eniŋ dáa daŋ ya eban ya bidzí, ngé ki ná, ñúu dá dáa daŋ bitóp? ²⁶Dággán anwann ye á dzóp, édo kaa ábeñ, kaa ki áyoo, ngé ki ákóán bidzí besitúa, ve Ésusá wenan a ne á dzóp été ñí a vé do bidzí. Nde se mína mína daŋ ya eban?

²⁷Nzá ki ye ébe mína, ná éfán ñí kpoo nlém ábum, a ne kɔgle éniŋ dzeñ áwola déá áyóp? ²⁸Éde á mfá bitóp, amú dzé milém myá ku mína ábum? Dággán amvála ané mesamm méye méfúp má vém, mää bɔ eséññ, mää vyás ki; ²⁹ve, ma ma dzó mína ná atwaa Salomon ya é dúmá deñ áse eé ndzí bwát amvála ané samm fɔ́ɔ́ ye été. ³⁰Éde, ngé Nzamá a bwára bilwá bíye méfúp amvála te, ébí bí ne émuú, ookírí bé wea byɔ á ndúán. Á mína é bot míní belé mbwínánn avítsaŋ, nde áá ye daŋ bíra bɔ ébe mína?

³¹Édo ná, milém mí táa mína ku ábum, míní dzó ná, ‘Dzé bía ye dzí?’, ngé ki ná, ‘dzé bía ye ñú?’, ngé ki ná, ‘dzé bía ye bwát?’ ³²Amú ná bot béye meyoŋ mefé bá vuŋ ná bá dzéŋ mam méte mése, ve Ésusá wenan a ne á dzóp été ñí aa yem ná mína yi mam méte mése. ³³Ve táragán dzéŋ édzwée ngómán Nzamá ya é nzósoó weñ, véa é mam mése má bá ye mína mɔ kɔgle.

³⁴Éde, milém mí táa mína ku ábum akála ookírí. Amú ná ookírí wá ye só ya é mam wá kpoo milém ábum. Kada mos ó mbelé mítée myeñ.”

Mfá nkíkgán misaŋ

7 ¹“Kaa kíkán nsan, bá bé nza mína kík nsan. ²Amú ná ámvála mína kík misaŋ, amvála te fe bá bá ye mína kík misaŋ. Ya fe ná, abímm mína vak ya do, édo bá bá ye fe mína vak.

³Édo ná, amú dzé wa dága é ndúŋŋ e ne mwanñɔŋ á dzís, kaa fe ábem mís nkwaá ó ne é dzís dwe wámyen? ⁴Ngé ki ná o ne dzó mwanñɔŋ á yá ná, ‘Líkge ná me vea wa ndúŋŋ á dzís,’ éyɔŋ nkwaá wá ó ne wa á dzís? ⁵Á mot ya méduk! Tárage vea nkwaá ó ne wa á dzís, véa éñe wa ye yem yén ná o vea é ndúŋŋ e ne mwanñɔŋ dzís.

⁶Míní táa kee bemvú é dzóm é ne eki, ngé ki áwea bengwiññ mekwá mé perla menan, bé nza mɔ tsibi áyóp, véa bé vejan, bé nga ñap mína.”

Ákut mbéñ

⁷“Dzaagán, véa bá ye mína vé; dzéŋŋán, véa mína ye yén; kutgán mbéñ, véa bá bá ye fe mína kúu. ⁸Amú ná éñí áse á dzaa, aa ñɔŋ; éñí aa dzéŋ aa yén; éñí aa kut mbéñ, bá bá ye fe ñí wó kúu.

⁹Mot mbé ki ye ébe mína a ne bɔ ná ngé é mwán weñ aa dzaa ñí mfém, ye ñí aa ye ñí kee akwá? ¹⁰Ngé ki ná a dzaa ñí kwaás, ye ñí aa ye ñí kee ñó? ¹¹Édo ná, ngé mína míní tɔɔ bembéa bé bot, mína yem vé é bwán benan mbamba dás, ntéññ avé Ésuá wenan a ne á dzóp été, aa ye vé é bot bá dzaa ñí é mam mé ne mvéáñ!

¹²Édo ná, é mam mése míní ne kómo ná bot bé bɔ mína, amvála te fe mína bogán bɔ, amú ná néa éñe nkɔɔ métsiŋŋ ó ne ya Bekúlu medzɔ.”

Ofanfán mbéñ

¹³“Ñíigán á mbéñ ó ne ofanfán; amú mbéñ ye é nzenn byá ke ya bot á ntsamann bí ne ndam, é bot bá ñíí été bé ne abwiññ; ¹⁴nzá ofanfán mbéñ ya oloás nzenn byá ke ya bot éniŋ, éde é bot bá koan ya byɔ bé ne avítsaŋ.”

Bibumá byá lére bɔ

¹⁵“Tɔɔɔgán nkée ya minéneá bekúlu medzɔ, ébɔ bá nzu ébe mína bé бага bikop mítómá, ve mfá été bé ne bibyó bibibiñ. ¹⁶Mína ye bɔ yem ya bíbumá byeba. Ye bá fwát ebumá ye á ndzík vino mísée, ngé ki ebumá igerá á nlóŋŋ? ¹⁷Néa, elé ése é ne mvéáñ dá wúm bembamba bibumá, elé é ne abé dá dá wúm bíbumá bí ne abé. ¹⁸Elé é ne mvéáñ é sés wúm bíbumá bí ne abé, elé é ne abé dá dé sés ki wúm bíbumá bí ne mvéáñ. ¹⁹Élé ése é ne kaa áwúm bembamba bibumá, bá kík dɔ, bé wea dɔ á ndúán été. ²⁰Édo ná, mína ye bɔ yem ya bíbumá byeba.”

Ámvála bá ñíí á dzóp

²¹“Se é mot áse aa dzó ma ná, ‘Á Ntí, á Ntí,’ éñe aa ye ñíí édzwée ngómán ye á dzóp, fáve ná éñí aa bɔ nkómánn é Tará a ne á dzóp été.

22 Mos te, abwiññ bot dá ye ma dzó ná, ‘Á Ntí á Ntí, nde bíí ngá kúlu medzó ya éyola dwe, ya éyola dwe fe bí ngá vea bembéa misísím, ya éyola dwe bí ngá bɔ abwiññ biyágán bí mam?’ 23 Ané, ma ye bó kpéá á sú ná, ‘Mǎá yem mína amvála enziṅ; á betsam metsiṅṅ, kólogán ma ó mís!’ ”

É ndá e ne nlónǎn ákwá áyóp

24 “Édo ná, é mot áse aa wók bífíá byam bí, a kéñ ya byo mǐbɔann, bá ye fonan ya níí ya mot enziṅ, mfefák mot ó ngá lón é ndá dzeñ ákwá áyóp. 25 Ané mveṅ e ngá nón, éde ndemm a ngá dzeñ, ané bivún bí ngá bɔ bíí yimi ndá te; ve ndá te deé ndzí ku, amú ná mbókga weñ ó mbé nlónǎn ákwá áyóp.

26 É mot áse níí a wók bífíá byam bí, ve éñe kaa áke ya byo mǐbɔann, aa ye fonan ya mot enziṅ a tɔ́ akút, éñí a ngá lón é ndá dzeñ á nséléga été. 27 Ané mveṅ e ngá nón, ndemm á nga dzeñ, ané bivún bí ngá bɔ bíí yimi ndá te; véa, e ngá ku, éde é ngá mana tsam ásesé!”

28 Éde, a ngá bɔ ná niané Yesus a ngá mana kɔ́bɔ bífíá bíte, mikuna mí bot mí ngá kám áyagalé deñ; 29 amú ná a ngá yágale bó ané é mot a belé edzwée, se ané beyágale métsiṅṅ beba.

Yesus aa sǎn nzénzamm

8 1 Éde, niané a ngá sigi nkoó, mikuna mí bot mí nga bee níí. 2 Véa, éde nzénzamm ó ngá yit níí bebeñ, ó kútbe ó sí, weé dzó ná, “Á Ntí, ngé wa kómo, o ne ma fúbu.”

3 Ané Yesus a ngá sám enam, a nama níí, eé dzó ná, “Ma kómo; tɔ́bɔgé mfúbánn!”

Éde etéññ te ébyen a ngá tɔ́bɔ mfúbánn ébe é nzamm deñ. 4 Ané Yesus a ngá dzó níí ná,

“Yénṅe ná o táa dɔ́ kat mot enziṅ; fáve ná, kéñ, o kéñ lére fára núu, o vé bívévé Moisés a ngá mánan, á mfá ye ná é bɔ bó nganiá.”

Mbɔ eséññ kaba ye á Roma

5 Éde, niané Yesus a ngá níí á Kapernaúm, ané kaba enziṅ a ngá yit níí bebeñ, eé dzaa níí engóngóó, 6 eé dzó ná, “Á Ntí, mbɔ biséññ wɔm a bóo á ndá, mbóbók, aa bíra fe dzuk.”

7 Ané Yesus a ngá yalan ya níí ná, “Ma ye níí ke sǎn.”

8 Ve kaba te a ngá yalan ya níí ná, “Á Ntí me sés é mot wa yian ke níí é ndá dzeñ; ve, dzóge fáve efíá, éde mbɔ biséññ wɔm aa ye tɔ́bɔ mvwaá.”

9 “Amú ná ma me ne fe é mot a ne édzwée á sí, me belé benzima ná ma mánan bó; ma dzó mbóó ná, ‘Kéñ’, a kéñ; éñí mbóó, ‘Nzá’, a sɔ́; óloá wɔm, ‘Bóóge édí’, a bɔ dɔ́.”

¹⁰Niané Yesus a ngá wók do, á nga bíra do kám, ané a ngá dzó é bot bé ngá bee ní ná,

“Ma dzó mína bébélá ná atwaa Israel été, mää bé koan ya mot enziŋ ye a belé ábímm mbwínánn dí. ¹¹Ma dzó mína ná abwiññ bot dá ye só é vóm nlódzóp wá kwíñ ya é vóm wá dzím, bé kéñ tɔbo ósí bábe Abraam, Isaak ya Jakob, édzwée ngómán ye á dzóp; ¹²ve bwán béye édzwée ngómán bá ye bó wea átán á edwá dzíbi été; ó wéñ éñe nyónn wá ye bo ya álaran mesonŋ.”

¹³Ané Yesus a ngá dzó kaba te ná,

“Kéŋ; ámvála o bwíni, é bóoge wa néa.”

Éde mbo biséññ a ngá tɔbo mvwaá áwola te ébyen.

Yesus aa sɛñ Pedro nkiá

¹⁴Niané Yesus a ngá sian é ndá Pedro, éde a ngá koan ya nkiá Pedro eé wók avép, a bóo éncɔŋ. ¹⁵Ané Yesus a ngá nama ní wéá, éde avép é ngá mana ní; ané a ngá tébe, á nga belan ya ní.

Yesus aa sɛñ abwiññ mikúkwann

¹⁶Niané ngɔɔg e ngá kwíñ, ané bé ngá só ya ní é bot bé mbé bé belé bembéa misísim ó ñúu; éde a ngá vea myo ya éfíá deñ, á nga sɛñ é bot bése bé ngá kwan, ¹⁷ná édí nkúlu medzó Esaía a ngá dzó é dzálában, éyɔŋ a ngá dzó ná,

“Émyen a ngá ñɔŋ ateák dea, a бага fe ákwann dea.”

Mfá ábee

¹⁸Niané Yesus a ngá yén ná nkuna bot ó nga boman yaá ní, éde a ngá mánan ná bé ke á nsá mbóó. ¹⁹Ané nyágale metsiŋ enziŋ a ngá yit ní bebeñ, éde a ngá dzó ní ná,

“Á Nyágale, ma ye wa bee é vóm áse wa ye ke.”

²⁰Éde Yesus a ngá yalan ya ní ná,

“Mvaá é belé mifuu, anwann ye á dzóp dá mumá; ve é Mwán Mot éé belé é vóm a ne bwíi nló.”

²¹Ve nyága mfé ye báyaga beñ ní a ngá dzó ní ná,

“Á Ntí, líkge ma ná me tára ke dzep tará.”

²²Éde Yesus a ngá yalan ya ní ná,

“Beegé ma, líkge ná mibim mí dzep míbim myeba.”

Yesus aa báma okos

²³Éde niané Yesus a ngá dan á byéa été, báyaga beñ bá bé bee fe ní. ²⁴Véa éñe, bora okos ó ngá lot á mán été, mikebá myá mí ngá níŋ byea, ve Yesus ní a mbé a bóo óyó. ²⁵Éde beyága bé ngá ke ní suk óyó, béé dzó ní ná,

“Á Ntí, korogé bía, bí nga dzán yaá!”

²⁶Ané a ngá dzó bó ná,

“Á é bot bé belé mbwínánn avítsan, amú dzé míní ne ayeña?”

Éde a ngá tébe, a báma bivún ya mán, ané ásesé a ngá bíra tɔbo mvwaá. ²⁷Ané bot bé ngá ku mevoó, bé nga dzó ná,

“Nzá amvála mot dí, ná atwaa bivún ya mán byá byá wók fe ní?”

É bot bé mbé bé belé bembéa misísim á Gadara

²⁸Niané a ngá sian á nsá mbóó, é sí bot béye á Gadara, ané bot bé beañ bé ngá nzu toban ya ní, bé belé bembéa misísim ó núu, béé só mészé été, bé mbé ededea bibibiñ, akekwiñ ná mot enziñ éé mbé fe lot nzenn te.

²⁹Ané bé ngá yón, béé dzó ná,

“Á é Mwán Nzamá, nzá dzam bí belé bíabe mína? Ye o só yaá ó vá ná wa ndágale bía kaa ná tám é kwíñ yaá?”

³⁰Édo ná, nkuna bengwiññ ó mbé bó oyaáp ó véa, weé dzi; ³¹ané bembéa misísim mí ngá dzaa ní engóngóó, myeé dzó ná,

“Ngé wa tsílán ya bía, lómpe bía ébe nkuna bengwiññ.”

³²Ané a ngá dzó myo ná,

“Kenján!”

Éde mí ngá kwíñ, mí kéñ ní bengwiññ ó núu, véa nkuna bengwiññ ngúrú ó ngá sigi mbíí á nkoó ásí ó mán, ané ó ngá mana wú méndzimm été.

³³Ve, é bot bé ngá baale bengwiññ béte, bé ngá mana túp; éde bé ngá ke á kísoan bé nga kat bot fwéñ mam méte, ya édí é bot bé mbé bé belé bembéa misísim. ³⁴Ané kísoan áse e ngá ke koan ya Yesus; éde niané bé ngá yén ní, bé nga dzaa ní engóngóó ná á kólo áfóo sí deba.

Yesus aa señ mbóbók

9 ¹Niané Yesus a ngá dan á byéa été, éde a ngá ke á nsá mán áyát, ané a ngá sian é kísoan deñ émyen. ²Véa, bé só ya ní ya mbóbók ó bóo á mwann ençñ été; Yesus eé yén mbwínánn weba, ané a ngá dzó mbóbók te ná,

“Á móññ, sánñe! Mísémm mywe mí ntóó wa ndzámann.”

³Éde véa beyágale métsiññ benziñ bé nga dzó bébyen ya bébyen ná, “É mot ní aa byana Nzamá.” ⁴Yesus, eé yem átémja deba, ané a ngá dzó ná,

“Amú dzé mína tém bikúkwtá á mílém myenan été? ⁵Amú ná, dzé dá dan ya ebúbú ye ádzó; ye ná, ‘Mísémm mywe mí ntóó wa ndzámann;’ ye ná, ‘Tébegé, o wulu?’ ⁶Ve, á mfá ye ná míní yem ná é Mwán Mot a belé nguu é sí ní mfá ádzáma mísémm.” Ané a ngá dzó mbóbók te ná, “Tébegé, o twáa é mwann ençñ we, o kéñ fe é ndá dzwe.”

⁷Éde mot te a ngá tébe, a kéñ fe é ndá dzeñ. ⁸Niané nkuna bot ó ngá yén dɔ, ané bé ngá kɔ wɔññ, bé nga vé Nzamá dúmá, ná a vé yaá bot amvála nguu te.

Yesus aa lwée Mateo

⁹Éde éyɔŋ Yesus a ngá kólo ó véa, ané a ngá yén mot enziŋ a tɔɔ eyola ná Mateo, a tɔɔ ósí é ndá biséññ bá yáán mfónsɪ. Éde a ngá dzó ñí ná, “Beegé ma!” Ané a ngá tébe, a bee ñí.

¹⁰Éde a ngá bɔ ná, Yesus a tɔɔ ó téble á ndá; véa, abwiññ beñɔŋ mfónsɪ bábe bebo misémm bé ngá sian bé tɔbɔ fe ó téble bábe Yesus ya báyága beñ. ¹¹Éde, éyɔŋ befariseo bé ngá yén dɔ, ané bé ngá síli báyága beñ ná, “Amú dzé Nyágale wenan aa dzí bábe beñɔŋ mfónsɪ ya bebo misémm?”

¹²Ve, Yesus ñí eé wók dɔ, éde a ngá dzó bó ná, “É bot bé ne mvwaá báa yi dókira, fáve ébá bé ne mikúkwann. ¹³Ve, keɣán, míní fas fe é ddam dá yíli ná, ‘Ma kómo nyénánn engóngóɔ, se metúnɣa.’ Amú ná meé ndzí nzu álwée benzósoó bé bot, fáve bebo misémm.”

Bá síli á mfá fúlú ye áki bidzí

¹⁴Éde véa báyága Juan bé ngá yit Yesus bebeñ, béé síli ñí ná, “Amú dzé bía ya fe befariseo, bía lot métám méye áki bidzí abwiññ bíyɔŋ, ve, báyága bwe bá báa lot métám méye áki bidzí?”

¹⁵Ané Yesus a ngá yalan ya bó ná,

“Ye é mot aa lúkgan bemvwíññ bé ne tɔbɔ ya meyep éyɔŋ a ngén a tɔɔ bábe bó? Ve melú má nzu, éyɔŋ é mot aa lúkgan aa ye bó kólo été, véa bá ye lot métám méye áki bidzí.

¹⁶Mot enziŋ áá kík abeét étóp é ne mfefeñ a kéñ dɔ vé á nnomm étóp; amú ná abeét dá ye líni étóp te, véa avéŋɣ dá ye súgan ábɔ abé.

¹⁷Mot enziŋ ñí áá swii ki é vino a ne mfefeñ méndák bikop bí tsít mé ne miyomm été, amú ná ngé néa, méndák méte má ye bólo, vino a mana kúbu ósí, méndák má mé mana fe wú ntuk; ve bá swii é vino a ne mfefeñ méndák bikop bí tsít mé ne mifefeñ été, véa byém bíte bí beañ byá ye yem tɔbɔ.”

Nkúkwann miningá ya fe Yairo ngwan dzeñ

¹⁸Ntéññ Yesus a ngá dzó bó mam méte, véa, ntébosú enziŋ ye á sinagoga a ngá só, éde a ngá nzu ñí kútbe mébo ó sí, eé dzó ná,

“Ngwan ddam é ndem wú! Ve, nzá ñí o bere é wéá we, ané aa ye niŋ.”

¹⁹Ané Yesus a ngá tébe, á ɣga bee ñí bábe báyága beñ.

²⁰Véa, miningá enziŋ a mbé nkúkwann, ná mekií má kwíñ ñí ábum tán awóm mibú ya mibú mí beañ a ngá sian ñí á mvús, ané a ngá nama ñí afaáp étóp, ²¹amú a ngá dzó á nlém weñ été ná, “Ngé me tugá fá ñí nama étóp deñ, ma ye tɔbɔ mvwaá.” ²²Ve Yesus, a ngá veɣan, a yén ñí, éde a ngá dzó ñí ná,

“Á mwann miningá, biñɣe ngu, mbwínánn we ó nii yaá wa!”

Atéé ye áwola te miningá te a ngá tɔbɔ mvwaá.

²³Éde, éyɔŋ Yesus a ngá sian é ndá ntébosú te, a yén é bot bé ngá lɔŋ metɔŋ ya nkuna bot, béé bɔ nzɔɔ, ²⁴ané a ngá dzó bɔ ná,

“Kólogán! Amú ná é mwann miningá ní a sés nwúán, fáve ná a bóo óyó.”

Éde bé ngá kpógo ní. ²⁵Ve niané bé ngá kúlu bot átán, a nífi, éde a ngá biñ ní wéá; ané mwann miningá te a ngá tébe. ²⁶Ané fwéñ te e ngá mana boman áberɛŋ sí te áse.

Yesus aa séñ ndzindzím mǐ beañ

²⁷Éyɔŋ Yesus a ngá kólo vóm te, midzindzím mǐ beañ mǐ nga bee ní, myeé yón ná,

Á é Mwán David, yénɛ bía engóngɔ́!

²⁸Éde niané a ngá sian á ndá, midzindzím mǐ nga yit ní bebeñ, ané Yesus a ngá dzó bɔ ná,

“Ye mína bwíni ná me ne bɔ dзам te?”

Ané bé ngá yalan ná, “Áá, á Ntí.”

²⁹Véa éñe, a ngá nama bɔ mǐs eé dzó ná,

“Eé bɔ́ge mína ané mbwínánn wenan ó ne.”

³⁰Éde mǐs mé ngá yɔŋbe bɔ. Ané Yesus a ngá bíra bɔ báma ná,

“Tɔ́bɔgán nkée ná mot enziŋ a táa dɔ yem.”

³¹Ve niané bá bé ngá kwíñ átán, bé nga mana ñeŋ éwóga deñ áberɛŋ sí te áse.

Yesus aa séñ mvúmvúk

³²Éde eyɔŋ bé ngá kólo, véa, bé ngá sɔ́ ya ní ya mvúmvúk ó belé mbéa nsísim ó níuu. ³³Niané a ngá tsílán ya mbéa nsísim, éde mvúmvúk te ó ngá kɔ́bɔ; ané mikuna mǐ bot mǐ ngá ku avoó, bé nga dzó ná,

“Báá bé tára yén ámvála dзам dí Israel.”

³⁴Ve befariseo, bá bé ngá dzó ná,

“Aa tsílán bembéa misísim ya ndzwée bembéa misísim.”

Ábíra yoo bidzí

³⁵Éde Yesus a ngá ke aa boman bekísoan bése ya meá, eé yágale bésinagoga beba éte, eé kat mbamba fwéñ ye édzwée ngómán Nzamá, eé séñ fe akwann áse ya mitéñ míse. ³⁶Éde éyɔŋ a ngá yén mikuna mǐ bot, ané a ngá yén bɔ engóngɔ́, amú ná bé mbé bé belé bindáglé ya nlamann amvála ané mítómá mǐ ne kaa mbaale. ³⁷Éde a ngá dzó báyága beñ ná,

“Bébélá biwólo bidzí bí ntɔ́ abwiññ, ve bebo biséññ bá bé ne avítsaŋ.” ³⁸Édo ná, dzaagán Ntí a ne ya biwólo bidzí, ná á lóm bebo biséññ ná bé ñɔŋ bídzí byeñ.

Yesus aa tɔ́p baapostol awóm ya bé beañ

10 ¹Éde a ngá lwée báyága beñ awóm á yá bé beañ ná bé ke ébe éñe, ané a ngá vé bɔ nguu ye ádzwée ébe misísim mǐ mvin; ná bé tsílán ya myɔ, béé séñ akwann áse ya mitéñ míse.

² Vea, bíyola baapostol awóm ya bé beañ bí ne ná: Ósúa, Simón, éñe fe bé ngá lwée ná Pedro bá mwanñan Andrés; Jakobo éñi Zebedeo, mwanñan Juan; ³ Felipe, Bartolomé, Tomás, Mateo ñongmfónsí; Jakobo, éñi Alfeo; Tadeo, ⁴ Simón mwann Kananita, ya Judas Iskariote, éñi a ngá kuan fe Yesus.

Yesus aa lóm baapostol

⁵ É bot awóm ya bé beañ bá, ébó Yesus a ngá lóm, eé manan bó, eé dzó ná,

“Míní taa ke ébe bot béye meyoñ mefé ngé ki áñí kísoan enziñ ye á Samaria, ⁶ ve, éñe keñán ébe mítómá mí ngá dzími áyoñ Israel. ⁷ Éde keñán, katgán fwén ná, édzwée ngómán ye á dzóp é ntóó bebeñ. ⁸ Séññán mikúkwann, wómoñán mibim, séññán mizénzamm, tsílágán ya bembéa misísim; míní ngá ñoñ dás, váán fe dás. ⁹ Míní taa ñoñ moann, ngé koñ, ngé ki ngoós á mífák myenan été; ¹⁰ ngé ki mfák ékena, míní taa ñoñ bíwómán bí beañ, ngé ki mengop, ngé ki ntúmm.

Amú ná mbo biséññ aa yian ya bídzí byeñ. ¹¹ Ve, é kísoan áse ngé dzeá mína ye ñíi, túgán dága nzá a ne mot ngañ vóm te, tóbogán ó véa akekwiñ ané mína kólo. ¹² Niané mína ñíi á ndá váán mbóló. ¹³ Éde, ngé ndá te da yian ya dɔ, é mvwaá denan e tóbɔ ndá te; ve ngé dää yian ya dɔ, mvwaá e búlán ébe mína bébyen. ¹⁴ Éde fe, é mot áse aa ye bɔ kaa mína áñoñ ngé ki áwók bífíá byenan, kólogán ndá te, ya fe kísoan te, míní sas mbúlgé mébɔ menan. ¹⁵ Ma dzó mína bebélá ná, ébe mos ye á nkíkgán misañ, ákira sí ye á Sodoma ya Gomora dá ye bɔ mvéañ ádañ edí kísoan te.”

Á mfá midzuúk

¹⁶ “Dággán, ma lóm mína ané mítómá énzénzan bibyó été; éde ná, tóbogán mikée ané beñó ya mikeññ ané abeññ. ¹⁷ Ve, tóbogán ya bot nkée, amú ná bá ye mína kee bíkóánn bá kík medzó, bá ye fe mína bíra yít bésinagoga beba été; ¹⁸ ya akála dam bá ye ke ya mína atwaa ébe bengóvina ya bekéza, ya fe ébe bot béye meyoñ mefé, ná míní vé bó ngañiá. ¹⁹ Ve, éyoñ bá ye mína kee, milém mí taa mína ku ábum á mfá é dzam mína ye dzó, ngé ki ámvála mína ye dɔ dzó; amú ná tám te ébyen, bá ye mína vé é dzam mína yian dzó. ²⁰ Amú ná se mína mína kóbo, fáve ná Nsísim Ésuá wenan éwɔ wá kóbo ébe mína.

²¹ Mwanñan aa ye kee mwanñan ná á wú, éséá ñí a mwán; bwán bá ye ke beéséá á ngamm áyát, bé nga bɔ ná bé ywíñ bó. ²² Bot bése bá ye mína víni akála éyola dam, ve é mot aa ye nzomo akekwiñ asúgánn, éñe aa ye tóbɔ koroban. ²³ Ve, éyoñ bá dzéñ mína así é kísoan ñí, túpgán mbíí éñí fɔ́; amú má dzó mína bebélá ná mínää ye

mana tóban bekísoan bése béye Israel amvála enziṇ, kaa ná e Mwán Mot á sś.

²⁴Nyága áa danṇ nyágale; oloá wá wáa danṇ ki mása. ²⁵Nyága á yénṇe mvéáñ ná á bɔ ané é nyágale weñ; oloá fe ané é mása weñ. Ngé baá lwée myenn ndá ná Beelzebú, ntéññ avé bot béye é ndá dzeñ!”

Ákóbɔ kaa ákɔ wɔṇṇ

²⁶“Édo ná, míní táa bɔ kɔ wɔṇṇ; amú ná dzam enziṇ é sés ná é búru áyóp ná báa ye dɔ kúlán, ngé ki nswalann ná báa ye dɔ yem. ²⁷É dzam ma dzó mína ó dzíbi ósí, kóbɔgán dɔ éyéá été; é dzam mína wók bísawaáswaá, kóbɔgán dɔ mídzíí mí ndá áyóp. ²⁸Míní táa kɔ é bot bá ywíñ núu wɔṇṇ, ve bé sés ywíñ nsísim; ve déá, dá danṇ ya mvéáñ ná míní kɔ wɔṇṇ éñí a ne bɔ ná nsísim ya núu bí ke dzán ébéññ ndúán.

²⁹Nde báa kuan bwann bé anwann bé beáñ furá fɔs? Ve, mbós enziṇ ye été ní áa ku ósí, kaa ná Éśúá wenan ní aa yébe dɔ. ³⁰Ve, mína atwaa míkɔ mí esíí myenan míye nló míse, myá mí ne nlánán. ³¹Édo ná, míní táa kɔ wɔṇṇ; míní ne ya eban abwiññ álot bwann bé anwann.”

Ámem Yesus á bot été

³²“Édo ná, é mot áse aa ye ma mem á bot été, ma ma ye fe ní mem ébe áśú é Tará a ne á dzóp été. ³³Ve, é mot aa ye ma kat á bot été, ma ma ye fe ní kat ébe áśú é Tará a ne á dzóp été.”

Yesus aa kána bot

³⁴“Míní táa tém ná me sɔ yaá vé mvwaá é sí ní; meé ndzí nzu vé mvwaá, fáve nzwaokenṇ. ³⁵Amú ná me sɔ yaá vé nkanann énzénzanṇ mot bá éséá, mwann miningá bá ñiá, mbóm bá nkiá; ³⁶Éde, é bot bá síṇ mot bá ye bɔ bot béye é mvɔṇ bot dzeñ émyen.

³⁷É mot aa dziṇ éséá ngé ki ñiá álot ma, a sés bɔ é mot wɔm; é mot aa dziṇ é mwán fám weñ, ngé ki é mwán miningá weñ álot ma, a sés bɔ é mot wɔm. ³⁸Éñí ní a bɔ kaa ábaga é krús deñ, a bee fe ma, a sés bɔ é mot wɔm. ³⁹É mot aa kam ya éniṇ dzeñ, aa ye dɔ dzímle, éñí ní aa dzímle éniṇ dzeñ, ákála dam, aa ye kam ya dɔ.”

Meyáán

⁴⁰“É mot aa ñɔṇ mína, aa ñɔṇ fe ma; é mot ní aa ñɔṇ ma, aa ñɔṇ é mot a ngá lóm ma. ⁴¹É mot aa ñɔṇ nkúlu medzó; amú ná a ne nkúlu medzó, aa ye fe ñɔṇ máán mé nkúlu medzó; éñí ní aa ñɔṇ nzósoó mot amú ná a ne nzósoó mot, aa ye fe ñɔṇ máán mé nzósoó mot.

⁴²Éde, é mot áse aa ye vé mójɛ mbóó ye é bóɛɛ bá é kóp mendzím̃m é ne avweñ ná áñú, ébe ya éyola nyága; ma dzó mína bébélá ná, mot te áá ye dzímle é máán meñ.”

Mílómán Juan ndubot

11 ¹A ngá bɔ ná, niané Yesus a ngá mana vé báyaga awóm ya bé beañ beñ meyágalé, éde a ngá kólo ó véa, mfá áke aa yágale ya ákat mbamba fwéñ békísoan beba.

²Ve Juan, a tɔɔ á mbok, niané a ngá wók míbɔann Kristo, éde a ngá lóm báyaga beñ, ³ná bé ke ñí síli ná, “Ye wa o ne é mot aa yian só, ye ná bía bera yana mot mfé?”

⁴Éde, Yesus a ngá yalan ya bɔ ná, “Kenán, míní kat Juan é mam mína wók ya áyén. ⁵Midzínzím̃m myá yén, mibóbók myá wulu, mizénzamm myá tɔbɔ mvwaá, mindwándwá myá wók, mibim myá wómo, bá kat bingóngɔɔ bí bot mbamba fwéñ. ⁶Éde mvɔmm ya é mot a bɔ kaa ákɔp obaá ákála dam.”

⁷Éde, éyɔɛ bot béte bé ngá ke, ané Yesus a ngá tára ná aa kóbo ya mikuna mí bot mfá Juan, ná,

“Dzé míní ngá ke yén éyáɛɛ été? Ye ékoók dá sukban ya evún?

⁸Dzé míní ngá ke yén? Ye é mot a бага mbamba bitóp? Dággán, é bot bá bwát mbamba bitóp bá tɔbɔ méndá bekéza. ⁹Ve, dzé fá míní ngá ke yén? Nkúlu medzó enziɛ ngeá? Bébélá, ma dzó mína ná éñí a dan nkúlu medzó. ¹⁰Mot te éñe mitsili myá dzó ya ñí ná,

‘Dággé, ma lóm nkat fwéñ wɔm ébe ású dwe,
éñe aa ye wa tébe ósú ná aa kom wa nzenn.’

¹¹Ma dzó mína bébélá ná ébe ábím̃m bot é byála yaá ébe biningá, mot áá bé byála été ná aa lot Juan Ndubot; ve, éñí a dan ya avítsan édzwée ngómán ye á dzóp aa lot ñí.

¹²Éde, atée ye melú Juan Ndubot akekwiñ áwola dí, édzwée ngómán ye á dzóp dá ke ósú ya nguu, éde mingungúú fe myá biñ dɔ.

¹³Amú ná bekúlu medzó bése ya nkɔɔ métsiɛɛ bé ngá kúlu medzó akekwiñ é tám Juan. ¹⁴Éde ngé mína kómo yébe é dzam dí, Juan te éñe a ne Elías a mbé ná a nkún só. ¹⁵É mot a belé meló méye áwók, á wókge.

¹⁶Ve, ma ye kanan ya myee bot wí ya dzé? Wá fonan ya é bóɛɛ bá tɔbɔ á bora míseɛ bé nga yónán ya ébá bevóó, ná,

¹⁷‘Bí lóɛ yaá mína tóɛ,
ve mína kaa ádzém!
Bí yee yaá mína byeá bí eywiññ,

ve mína kaa áyi.’

¹⁸Amú ná Juan a ngá sǒ, éñe kaa ádzí, ngé ki añú; ve bé ngá dzó ná, ‘A belé mbéa nsísim ó ñúu.’ ¹⁹É Mwán Mot ñí a sǒ yaá fe, éñí aa dzí ya ñú; ve, bá dzó ná, ‘Dággán, a ne ndzí bidzí a ne fe ñúvino, mvwíññ beñoṇ mfóṇsí ya bebo misémm.’ Éde miboann émyo myá lére ná kén édo ñí.”

Ngwáa ya békisoan bé ne kaa ádzoban

²⁰Ané, ñí a ngá tára ná aa vé mbámm békisoan a ngá danṇ bo biyágán bí mam byeñ, amú ná béé ndzí dzoban ya misémm.

²¹“Á Korasin, ngwáa ya wa! Á Betsaida, ngwáa ya wa! Biyágán bí mam byá boban ébe mína, ngé bé bo fá byo á Tiro ya Sidón, ngé é ntó abwiññ tám avé baá dzoban ya misémm, béé bwát meyp ya áwóbán ásuúp. ²²Édo fá, ma dzó mína ná, é mos bá ye kí k misaṇ, ákira Sidón ya Tiro dá ye bo mvéáñ álot ákira denan.

²³Á wa Kapernaúm, ye bá ye wa bére akekwiñ a dzóp? Bá ye wa sili akekwiñ á sí békónn! Amú ná biyágán bí mam byá boban ébe wa, ngé bé bo byo á Sodoma, ngé a ngén anzukwiñ é mos wí. ²⁴Ve deá, ma dzó mína ná é mos bá ye kí k misaṇ, ákira é sí Sodoma dá ye bo mvéáñ álot ákira dwe.”

Nzaán awaabé

²⁵Tám te Yesus eé kǒbo, éde a ngá dzó ná,

“Ma vé wá akíba á Tará, Ntí ye á dzóp ya sí, amú ná o swala yaá bebelé kén ya mifefák é mam má, ve o lére yaá mo bwán. ²⁶Áá, á Tará, éñe fá waá yén do mvéáñ néa ébe ású dwe.

²⁷Tará a kee yaá ma mam mése; éde mot enziṇ áá yem Mwán, fáve Éséá, mot enziṇ áá yem ki Éséá, fáve Mwán, ya éñí Mwán émyen a kómo ñí lére.

²⁸Nzaán ébe ma mína bésesé mína é bot míní ne mivwatán, ya midzálánn, ma ma ye mína vé awaabé. ²⁹Baggán mbaga wóm míní yága fe ébe ma, ma fá me ne evwévwé mot ya nsilann nlém ósí, véa mína ye koan ya áwaabé biniṇ byenan. ³⁰Amú ná éséññ dam é ne ebúbú, mbaga wóm wá ó ne fe ovovos.”

É mos Sátará

12 ¹Tám te Yesus a ngá lot méfúp été é mos Sátará, báyaga beñ bá bé nga wók nzeñ. Ané bé ngá tára ná bá teñ mebáma, bé nga dzí. ²Niané befariseo bé ngá yén do, éde bé ngá dzó ñí ná, “Dággé ná, báyaga bwe bá bo é dzam atsiṇṇ dáá yébe ná bé bo é mos Sátará.” ³Ve, ñí a ngá dzó bó ná,

“Ye ná mínää bé lánj é ddam David a ngá ɓɔ, éyɔŋ bábe é bot bá bé bó bé mbé bé ngá wók nzeñ. ⁴ Amvála a ngá ñíí é ndá Nzamá été, bé nga dzí mífémm mí ne ya ntélán mam áyát, é tɔɔ ná atsiŋŋ dää yébe ná bé dzí, fáve befára etámm; éñe ya é bot bábe bó bé mbé? ⁵ Ngé ki ná, ye mínää bé lánj nkoɔ métsiŋŋ été ná é mos Satará, befára á templo été bá señ, ve bé lígi kaa bidzo? ⁶ Ve, ma dzó mína ná éñí aa danj templo a ne ó vá. ⁷ Ve, ngé míní yem é ddam dá yíli dí, ná, ‘Ma kómo nyénánn engóngóɔ, se metúnŋa’, ngé mínää vé é bot bé ne kaa bidzo meku. ⁸ Amú ná é Mwán Mot a ne ndzwée ye é mos Satará.”

Yesus aa señ nkúkwann é mos Satará

⁹ Niané a ngá kólo ó véa, éde a ngá ñíí á sinagoga weba été. ¹⁰ Ané, mot enziŋ a mbé ó véa a belé nkát enam. Éde, á mfá ye ná bé belé é ddam bá sómán ya dɔ Yesus, ané bé ngá síli Yesus ná,

“Ye atsiŋŋ dá yébe ná bé señ mot é mos Satará?”

¹¹ Ve, ñí a ngá yalan ya bó ná, “Mot mbé ye ébe mína a ne ɓɔ ná, ngé a belé ntómá mbóɔ, ngé ntómá te ó kpéñ ñí ébéññ é mos Satará, ñí a lík wó kaa wó ábiñ ávea wó? ¹² Ye ná mot binam ñí aa danj fá ya eban álot ntómá? Ddam te dɔ, bá yian yébe ná bé ɓɔ mvéañ é mos Satará.”

¹³ Ané a ngá dzó mot te ná,

“Sámŋe énam dwe!”

Éde a ngá sám dɔ, ané é ngá lígi ñí mvwaá ané edí evóɔ. ¹⁴ Ve, niané befariseo bé ngá kwíñ átán, éde bé ngá ɓɔ eswaá, á mfá ye ná bé ywíñ ñí.

¹⁵ Ve Yesus, eé yem dɔ, ané a ngá kólo ó véa, abwiññ bot dá é nga bee ñí, éde á ngá ke aa señ bó bése sé. ¹⁶ Ané, a ngá báma bó ná bé taa ɓɔ ná bé yem ñí; ¹⁷ á mfá ye ná é ddam nkúlu medzó Esaía a ngá kóɓɔ é dzálában, ná,

¹⁸ “Dággán ná, mɓɓ biséññ wɔm, éñe me tóp yaá;

ndzindziŋŋ wɔm, éñe nlém wɔm wá sán ya ñí.

Ma ye ñí vé Nsísim wɔm,

ané, aa ye kat meyɔŋ mefé nkíkgán misaŋ.

¹⁹ Áá ye dwaan ya bot, ngé ki áyón;

mot enziŋ áá ye ki wók é kíŋŋ deñ míseŋ.

²⁰ Áá ye búk ékoók é ne mfítán;

ngé ki ádzím nsiŋa wa kwíñ otsírá,

akekwíñ ané aa ɓɔ ná nkíkgán misaŋ ó ñɔŋ ndaŋán.

²¹ Meyɔŋ mefé má ye tɔɔ ya mebúnn éyola deñ.”

Bá sómán Yesus

²² Ó mvús véa, éñe bé ngá só ya ñí ya mot a belé mbéa nsísim ó ñúu a tɔɔ fe ndzímm ya mvúk, ané a ngá señ ñí, akekwiñ ná mvúk te ó nga kóɓɔ

ya áyén. ²³Éde mikuna mí bot míse mí ngá vonbe, mií dzó ná, “Ye ná se é Mwán David éñe ní?”

²⁴Ve, niané befariseo bé ngá wók do, ané bé ngá dzó ná, “É mot ní aa tsílán ya bembéa misísim fáve ya é nguu Beelzebú, ndzwée bembéa misísim.”

²⁵Ve Yesus, ní eé yem átémɲa deba, éde a ngá dzó bó ná,

“Édzwée ngómán ése ébyen dá kánan énzénzanɲ dá dzánɲ; é kísoan áse, ngé ki é ndá bot da da kánan ki énzénzanɲ, dáa lajan ayaáp.

²⁶Éde, ngé Sátan aa tsílán ya Sátan émyen a ne nkapbann énzénzanɲ; éde ná, amvála avé édzwée ngómán deñ é ne lajan ayaáp? ²⁷Éde, ngé ma tsílán ya bembéa misísim ya é nguu Beelzebú, báyaga benan bá bá tsílán ya éñi nzá? Édo ná, ébó bá ye bo békík misanɲ benan.

²⁸Ve, ngé ma tsílán ya bembéa misísim ya é nguu Nsísim Nzamá, dá yíli ná édzwée ngómán Nzamá é sian yaá ébe mína.

²⁹Éde, nzá amvála mot a ne níi é ndá ngunguú mot, á ɲga twáa fe ní byém, ngé kaa ná á tára ní áká? Véa, á tɔɔ ní twáa byém á ndá.

³⁰Éñi bía ní bí sés ngamm, a ne ma á ngamm áyát; éñi ní áá kóan ki bía ní, aa myean.

³¹Amvála te édo, ma dzó mína ná, bá ye dzwii bot nsémm óse ya nkɔbo abyann óse; ve, é mot aa kɔbo Nsísim nkɔbo abyann, báa ye ní dzwii. ³²Éde, é mot áse ya éfiá deñ a tɔɔ é Mwán Mot á ngamm áyát, bá ye ní dzwii; ve éñi ya éfiá deñ a tɔɔ Mfúfúp Nsísim á ngamm áyát, báa ye ní dzwii, ané é tám ní, ané éñi é nkún só.”

Bá yem elé ya ébumá deñ

³³“Ngé elé é ne mvéáñ; véa, ébumá deñ dá ye bo mvéáñ; ngé elé é ne ki abé; véa, ébumá deñ dá dá ye fe bo abé; amú ná bá yem elé ya ebumá. ³⁴Áyɔɲ beféñ! Míni tɔɔ mbéa bé bot, míni ne kɔbo mbamba bé mam á yá? Amú ná é dzam dá dzéñ mot á nlém, édo anu dá kɔbo.

³⁵Éde mbamba mot aa vea ntam ó ne mvéáñ ébe mbamba nlém weñ été; mbéa mot ní aa vea é dzam é ne abé ébe mbéa nlém weñ été.

³⁶Ve, ma dzó mína ná, mos ye á nkíkgán misanɲ, bá ye síli bot bése eyalann ébe é nzeze éfiá ése aa kwíñ bó ánu. ³⁷Amú ná bá ye wa yén nzósoó akála bífiá bywe, bá ye fe wa vé meku akála bífiá bywe.”

Bá dzaa Yesus mendem

³⁸Véa, befariseo benziɲ bábe beyágale métsiɲɲ benziɲ bé ngá yalan ya ní ná,

“Á Nyágale, bía kómo yén ndem enziɲ á mfá we.”

³⁹Ve, ní a ngá dzó bó ná,

“Mbéa myee bot ya bebo medzíán bá dzaa ndem! Éde, báa ye bó lére ndem enziɲ fé; fáve é ndem Jonás nkúlu medzó. ⁴⁰Amú ná

amvála ané Jonás a ngá tɔɔ ɔ́bum bora kwaás éte táŋ melú mé léa ya fe mos mí léa, amvála te fe é Mwán Mot ní aa ye tɔɔ á nlém sí éte táŋ melú mé léa ya fe mos mí léa. ⁴¹Éde, bot béye á Nínive bá ye tébe bábe myee bot wí á nkíkgán misaŋ, bá ye wó vé meku, amú ná bot béye á Nínive bá dzoban ya é nkatann fwéñ Jonás; ve, yénŋán ná éñí aa daŋ Jonás ní a ne ó vá. ⁴²Ya fe, kéza miningá ye á Sabá aa ye tébe á nkíkgán misaŋ bábe bot béye myee bot wí, aa ye wó vé meku; amú ná a ngá sɔ́ ó susuga sí, ná aa nzu wók é kén Salomón, ve yénŋán ná éñí aa daŋ Salomón ní a ne ó vá.”

Nsísim mvin wá búlán

⁴³“Niané nsísim mvin wá kólo mot ó ñúu, wá ke wá wulu mévóm mé ne mikót, weé dzéŋ awaabé, ve kaa ákoan ya dɔ. ⁴⁴Véa, wá dzó ná, ‘Ma ye búlán é ndá dzam me ngá kólo.’ Éde, niané wá sian ó koan ya dɔ mwéñánn ya nkomann, ve ó koan ya dɔ ekspékpéññ. ⁴⁵Véa, wá ke ñɔŋ mísísim mifé zangbéa ná myá daŋ éwí te ya abé, mísísim míte mí ñí, mí tɔɔ fe ó véa; éde éɔɔ mot te, dá ye súgan bɔ abé álot ómvús. Éñe fe dá dá ye bɔ néa ya myee bot wí.”

⁴⁶Ákoan ná a ngén aa kɔɔ ya nkuna bot, véa ñíá ya bɔbéñan, bá bé mbé bé téle átán ná bá kómo kɔɔ ya ní. ⁴⁷Éde mot enziŋ a ngá dzó ní ná, “Ñuá ya bɔbéñan bé téle átán, ná bá kómo kɔɔ ya wa.”

⁴⁸Ve, eé yalan ya é mot a ngá kat ní dɔ, ané a ngá dzó ná,

“Nzá a ne naná, benzá ki bé ne bɔbédzan?”

⁴⁹Éde a ngá lére wéá ébe béyága beñ, ané a ngá dzó ná,

“Dággán, ébá ébɔ bé ne naná ya bɔbédzan! ⁵⁰Amú ná é mot áse a bɔ nkómánn é Tará a ne á dzóp éte, mot te éñe a ne mwadzan, kéá dzam, ya naná.”

É nganán mbeñ mvɔŋ

13 ¹Éde mos te Yesus a ngá kólo á ndá a kéñ tɔɔ á nsá máŋ. ²Ané abwiññ bot é ngá ke koan ya ní, éde a ngá daŋ á byeá a tɔɔ éte; nkuna bot óse wá ó mbé ó téle á nsá máŋ. ³Éde a ngá kɔɔ bɔ abwiññ mam ya menganan, eé dzó ná,

“Béágán! Mbeñ mvɔŋ a ngá ke beñ mvɔŋ. ⁴Véa, eé beñ, abímm mvɔŋ enziŋ é ngá ku á nzenn áyóp, éde anwann é ngá sɔ́, é mana dɔ dzí. ⁵Ábímm avɔɔ dá é ngá ku mékwá éte, é vóm sí dēé mbé abwiññ; ané e ngá dzíga féa, amú ná sí e mbé avítsaŋ. ⁶Ve, niané nlódzóp ó ngá kwíñ, éde é ngá wúlán; ya amú kaa ábelé midzi, ané é ngá kót. ⁷Ve abímm avɔɔ dá é ngá ku míséé éte; ané miséé mí ngá vém, mí ŋga vé dɔ abúk. ⁸Ve abímm avɔɔ dá é ngá ku á mbamba sí; éde e ngá wúm bibumá, éñí ntet bibumá, éñí fɔɔ bibumá mewóm mé saman, éñí fɔɔ da bibumá mewóm mé léa. ⁹É mot a belé meló, á wókge.

Amú dzé menganán

¹⁰Éde, beyága bé ngá yit ní beben, bé nga síli ní ná, “Amú dzé wa kóbo ya bó ya menganán?” ¹¹Éde a ngá yalan, eé dzó ná,

“Mína bé vé yaá fá ná míní yem é mam má nzaman kén mot méye édzwée ngómán ye á dzóp, ve mfá ébó, béé ndzí bó do vé. ¹²Amú ná é mot a belé, éñe bá ye bera vé, véa aa ye belé abwiññ. Ve, éñí éé belé, atwaa édí a belé, bá ye ní do vea. ¹³Akála te édo, ma kóbo ya bó ya menganán; amú ná atwaa bá dága, báá yén; atwaa bá béá, báá wók, ngé ki áyem. ¹⁴Éde nkúlánn ádzó Esaía wá dzálában ébe bó, éwí wá dzó ná,

‘Ya meló mína ye wók, ve mínää ye yem;
míní yén, mína ye yén, ve mínää ye ñonj dzam enziñ.

¹⁵Amú ná nlém áyonj dí ó ntóó aleét,
ya ndzuúk bá béá ya meló meba.
Mís má mé dzip yaá fe bó;
a nza bo tám enziñ ná bé yén ya mís,
bé wók ya meló, bé wórán ya nlém,
béé búlán ébe ma, ma me sēñ fe bó.’

¹⁶Ve, abwará ya é mís menan, amú má yén; meló menan, má wók. ¹⁷Amú ma dzó mína bébélá ná, abwiññ bekúlu medzó ya benzósoó bé bot bé ngá kómo yén é mam mína yén má, ve béé ndzí mo yén; bé ngá kómo fe wók é mam mína wók má, ve béé ndzí mo wók.”

Áyílíga é nganán mbeñ mvonj

¹⁸“Édo ná, béágán ané nganán mbeñ mvonj da yíli:

¹⁹É mot áse aa wók efíá ye édzwée ngómán ye á dzóp, ve kaa do áyem, véa, mbéa mot aa só aa téñ ní é dzóm é tobo ní mbeann á nlém weñ été. Mot te éñe a ne é mvonj e ngá ku á nzenn áyóp. ²⁰Ve, éñí da e ne é mvonj e ngá ku mékwá été, é mot aa wók efíá Nzamá, etéññ te ébyen aa ñonj do ya mesán; ²¹ve, émyen éé belé midzi, a tobo fáve oyomm abónj tám; niané aa yén midzuúk akála efíá, ngé ki ná bá dzéñ ní ásí, etéññ te ébyen aa dzímle mbwínánn.

²²Ve é mvonj e ngá ku míséé été, da e ne é mot aa wók efíá, ve é mam má kele bot milém ó yóp é tám ní, ya meduk mé akúmm, má mana ní vé efíá abúk, ané efíá dá súan kaa fe áwúm bibumá. ²³Ve é mvonj e ngá ku mbamba sí, édo e ne é mot aa wók efíá, eé yem do; mot te éñe aa wúm bibumá. Éñí da wúm ntet, éñí fóz mewóm mé saman, éñí fóz da mewóm mé léa.”

É nganán mbéa elwá

²⁴Ané Yesus a ngá bera bó kan nganán fe, eé dzó ná,
 “Édzwée ngómán ye á dzóp dá fonan ya é mot a ngá beñ
 mbamba mvɔŋ áfúp deñ; ²⁵ve, ntéññ bot bé ngá ke óyó, nsíŋ ní a
 ngá só, éde a ngá beñ mbéa mvɔŋ énzénzanŋ trigo été, ané a ngá
 ke.

²⁶Ve éyɔŋ trigo e ngá féá, é nga wúm bibumá, véa, mbéa elwá
 ní a ngá yéne fe. ²⁷Éde aloá myenn ndá é ngá ke ní dzó ná, ‘A
 mása, nde weé ndzí beñ mbamba mvɔŋ áfúp? Amú dzé o mbelé
 mbéa elwá?’

²⁸Ve ní a ngá dzó bó ná, ‘Nsíŋ éñe á só dɔ bo.’ Éde aloá é ngá síli ní
 ná, ‘Ye wa kómo ná bí ke dɔ téñ?’

²⁹Ve ní a ngá dzó bó ná, ‘Kaa, a nza bɔ ná éyɔŋ mína téñ
 mbéa elwá míní nga téñ fe mbamba mvɔŋ fufúlu. ³⁰Líkgán ná
 bé beañ bé vém vóm mbɔ́s akekwiñ éyɔŋ bá ye ñɔŋ bidzí; éde
 ma ye dzó é bot bá ñɔŋ bidzí ná táragán téñ mbéa elwá, míní
 ká ma ní mibɔm ná bé dzígi ní, ve ñɔŋŋán trigo míní nii dɔ é
 sitúa dam.’ ”

É nganán nsó Mostasa

³¹Éde Yesus a ngá bera bó kan nganán fe, eé dzó ná,
 “Édzwée ngómán ye á dzóp dá fonan ya nsó mostasa, éwí mot a
 ngá ñɔŋ aa beñ wo áfúp deñ. ³²É tɔ́ fe ná éwo wá dan ya avítsanŋ
 álot mísó míse; ve éyɔŋ ó vém yaá, ó ne éwí wá dan ya ndén álot
 bilwá bíse, ó veŋan elé, akekwiñ ané anwann ye á dzóp dá só, é nga
 lɔŋ fe mumá mítem myeñ.”

É nganán levadura

³³Éde, a ngá bera bó kan nganán fe ná,
 “Édzwée ngómán ye á dzóp dá fonan ya é levadura miningá a ngá
 ñɔŋ, a nii dɔ á vuvú été, vuvú te e tɔ́ mivakgán mí léa, akekwiñ ané
 ásesé a ngá mana vús.”

Mitsili myá dzálában

³⁴Éde Yesus a ngá kɔ́bɔ ya mikuna mí bot mam méte mése ya
 menganán, éé ngá kɔ́bɔ ya bó dzam enziŋ kaa nganán. ³⁵Édɔ á mfá ye ná
 é dzam nkúlu medzó a ngá dzó é dzálában, ná,

“Ma ye kúu anu dam ya menganán;
 ma ye kúlu é mam má tɔ́ miswalann
 atéé ye átáraga eniŋ.”

Áyílíga é nganán mbéa elwá

³⁶Niané a ngá lík mikuna mí bot, a kéñ ñíí á ndá. Ané béyága beñ bé ngá yit ñí bebeñ, béé dzó ná, “Katge bía ané é nganán mbéa elwá ye áfúp da yíli.”

³⁷Éde, a ngá yalan ya bó ná,

“É mot a beñ mbamba mvɔɔ, éñí a ne é Mwán Mot; ³⁸afúp dá é ne éniɔ dzí; mbamba mvɔɔ ñí a ne bwán béye édzwée ngómán, mbéa elwá a ne é bwán mbéa mot, ³⁹nsíɔ ñí a ngá beñ dɔ éñí a ne débale. É tám bá ñɔɔ bidzí da e ne ásúgánn ye é tám ñí, é bot bá ñɔɔ bidzí bá bé ne baángel.

⁴⁰Édɔ ná, amvála avóó bá wógo mbéa elwá mibɔm bé nga dzígi ñí á ndúán, amvála te fe dá ye bɔ ásúgánn é tám ñí. ⁴¹É Mwán Mot aa ye mánan é baángel beñ ná bé mana vea, édzwée ngómán deñ été, é bot bése bá bɔ ná bot bé dzímle mbwínánn ya betsam metsiɔɔ. ⁴²Bá ye bó wea ébéññ ndúán été; ó wéñ éñe bá ye yón ya álaran mesoɔɔ. ⁴³Véa, benzósoó be bot bá ye feañ ané nlódzóp édzwée ngómán Éséa weba. É mot a belé meló, á wókge.”

É nganán ewála ákúmm

⁴⁴“Édzwée ngómán ye á dzóp dá fonan ané ntam ó ne nswalann áfúp été, niané mot a ngá yén wó, éde a ngá bera wó swala; ya mesán akála ntam te, a kéñ mana kuan é dzóm áse a belé ná aa kus afúp te.”

É nganán akwá perla

⁴⁵“Édzwée ngómán ye á dzóp dá fonan fe ya mbo okira aa dzén mekwá mé perla mé ne mvéáñ; ⁴⁶niané a koan ya akwá perla e ne ya éban, a kéñ mana kuan é dzóm áse a mbé a belé, á kus dɔ.”

É nganán avwát

⁴⁷“Édzwée ngómán ye á dzóp dá fonan fe ya é mora avwát bá wea á mán été, é mana biñ kwaás memvála mése. ⁴⁸Niané dá dzeñ, bé só ya dɔ á nsá mán, ané bot bá tɔbɔ ósí bé nga tóp é kwaás e ne mvéáñ, béé nii dɔ mikpéñ été, ve bá wea éñí e ne abé ó féñ. ⁴⁹Éñe ásúgánn é tám ñí dá ye bɔ néa; baángel bá ye kólo, bé nga kána mbéa bé bot énzénzaɔ benzósoó bé bot été; ⁵⁰bé kéñ bó wea ébéññ ndúán été; ó wéñ éñe bá ye yón ya álaran mesoɔɔ.”

Mfefeñ ya nnomm

⁵¹“Ye míní wók yaá é mam má mése?”

Ané bé ngá yalan ya ná, “Bí wók yaá.”

⁵²Éde a ngá dzó b́ ná,

“Amú dzam te, nyágale metsiŋ áse ná á veŋan yaá nyága ye édzwée ngómán ye á dzóp, aa fonan ané é myenn ndá aa vea ébe ntam weñ mifeŋ ya miyomm.”

Yesus a ne á Nasaret

⁵³Éde, a ngá b́ ná, niané Yesus a ngá mana vé menganán má, ané a ngá kólo ó véa. ⁵⁴Éde, niané a ngá ke sian é dzeá deñ, éde a ngá tára ná aa yágale bot á sinagoga weba été, akekwiñ ná bé nga ku mevoó, béé sili ná,

“Éñí aá ñoŋ é kén ñí ya menguu má vóm mbé? ⁵⁵Nde se é mwán káfina éñe ñí? Se ñiá éñe bá lwée ná María, bobéñan bá Jakobo, José, Simón, ya Judas? ⁵⁶Nde bekéá bése bé sés bíabe b́ ó vá? Éñí aá ñoŋ é mam má mése vóm mbé?”

⁵⁷Ané bé ngá dzímle mbwínánn ébe éñe. Ve Yesus ñí a ngá dzó b́ ná, “Nkúlu medzó a ne kaa ngaŋ, fáve é dzeá deñ émyen ya é ndá bot dzeñ.”

⁵⁸Éde, eé ndzí fe b́ abwiññ mam méye menguu ó weñ, akála é kaa mbwínánn weba.

Áwú Juan Ndubot

14 ¹Tám te Erodas, éñí a ngá dzwée á Galilea, a ngá wók éwógá Yesus; ²éde, a ngá dzó béb́ biséññ béñ ná, “Mot te a ne Juan Ndubot, a wómo yaá fe míwúán été, ya akála te édo a belé ya do nguu mfá ábo biyágán bí mam.”

³Amú ná Erodas a ngá biñ Juan, a mana ñí ká, a fet fe ñí á mbok, ya étom Erodias, é miningá mwanñan Felipe. ⁴Amú Juan a ngá dzó ñí ná, “Atsiŋ dǎá yébe wa ná o belé miningá te.”

⁵Éde, Erodas eé kómo ñí ywíñ, ve, a ngá kó ayoŋ ngúrá woŋ, akála ná é ngá ñoŋ Juan ané nkúlu medzó. ⁶Ve éyoŋ Erodas a ngá dzémle fét ndzálánn mibú, Erodias ngwan dzeñ, é nga dzém énzénzan deba été, ané dzam te é ngá tób́ Erodas mvéañ. ⁷Akála te édo a ngá kyaa ñí ya nkanann soŋ ná a vé ñí é dzóm áse aa ye ñí dzaa. ⁸Ve, é tóó ná ñiá a mana yaá ñí túm ásí, éde a ngá dzó ná,

“Vá ma, nló Juan Ndubot éfela été ó vá.”

⁹Ané kéza a ngá tób́ eywiññ, ve akála nkanann soŋ weñ, ya fe akála é bot bábe b́ bé mbé bé tóó ó téble, éde a ngá mánan ná bé kee ñí wó.

¹⁰Véa, a ngá mánan á ndá míbok ná bé kíŋ Juan nló. ¹¹Ané bé ngá só ya nló Juan éfela été, éde bé ngá kee wó mwann miningá te, ñí á kee fe wó ñiá.

¹²Éde béyága Juan bé ngá sian, bé ñoŋ mbim, bé kéñ wó dzep; ané bé ngá ke do kat Yesus.

Yesus aa vé nkuna bot bidzí

¹³Niané Yesus a ngá wók dɔ, éde a ngá kólo ó véa á byéa été, a kéñ vóm enziŋ évwíñ etámm. Niané mikuna mí bot mí ngá yem dɔ, éde bé ngá bee ñí ósí béé sɔ békísoan beba. ¹⁴Niané Yesus a ngá sis ósí, ané a ngá yén mora nkuna bot, éde a ngá yén bó engóngɔ́ɔ, véa á nga sɛñ míkúkwann myeba. ¹⁵Niané ngɔ́ɔ e ngá kwíñ, ané béyága beñ bé ngá yit ñí bebeñ, béé dzó ná, “É vóm wí ó ne évwíñ, ngɔ́ɔ da eé ntɔ́ɔ fe; yáágán ya mikuna mí bot ná bé ke á meá ná bébyen bé kus bidzí.”

¹⁶Ve Yesus ñí a ngá yalan ya bɔ ná,

“Báa yian ke; mína bébyen váán bó é dzóm bá dzí.”

¹⁷Éde bá bé ngá dzó ñí ná,

“Bí belé ó vá fáve mifémm mí tán ya kwaás é beañ.”

¹⁸Ané ñí a ngá dzó bó ná,

“Nzaán ma ya byo ó vá.”

¹⁹Niané a ngá mánan nkuna bot ná ó tɔbɔ ósí bílwá été; ané a ngá ñɔŋ mifémm mí tán ya kwaás é beañ bíte, a bére mís á dzóp été, á nga vé abwará ya byo, éde a ngá kap mifémm, á nga kee myo beyága, ná beyága bá bé kee nkuna bot. ²⁰Éde bésésé bé ngá dzí, bé dzéñ. Ané bé ngá mana kóán mebuka bitun táŋ awóm mikpéñ ya mikpéñ mí beañ ndzálánn. ²¹É bot bé ngá dzí bé mbé befám táŋ binzuk bí tán (5,000), kaa álánj biningá ya bɔŋŋ.

Yesus aa wulu méndzímme áyóp

²²Etéññ te ébyen, éde Yesus a ngá bɔ ná beyága bé dan á byéa été á mfá ye ná bé tára ñí ke ósú á mfá áyát, ntéññ a ngá yáán ya mikuna mí bot. ²³Niané a ngá mana yáán ya mikuna mí bot, ané a ngá bét nkoó etámm, ná aa ke yaglan. Eyɔŋ alú é ngá kwíñ émyen a mbé ó véa etámm. ²⁴Ve ákoan ná byéa ó ntɔ́ɔ oyaáp á mánj été, mikebá myá mí ngá ndágle fe wó, amú ná évúŋ é ngá sɔ wó ósú. ²⁵Éde, bebeñ ané méwola mé tán ye á alú, Yesus a ngá ke é vóm bé mbé, eé wulu á mánj áyóp. ²⁶Niané beyága bé ngá yén ñí eé wulu á mánj áyóp, bé nga ku ngom, béé dzó ná,

“A ne kónn!”

Éde ákála wɔŋŋ, bé nga yón. ²⁷Ve etéññ te ébyen, éde Yesus a ngá kóbo ya bó, ná,

“Yémján ngu, a ne ma! Míni táa kɔ wɔŋŋ!”

²⁸Véa Pedro a ngá dzó ñí ná,

“A Ntí, ngé a ne wa, mánanján ma ná me nzu é vóm o né, meé wulu méndzímme áyóp.”

²⁹Éde a ngá dzó ñí ná, “Nzá!”

Ané Pedro a ngá kólo á byéa été, á nga wulu méndzímme áyóp, eé ke é vóm Yesus a mbé. ³⁰Ve, niané a ngá yén mora évúŋ, á nga kɔ wɔŋŋ, ané a ngá ñánján, eé yón, ná,

“A Ntí korogé ma!”

³¹Ané, etéññ te ébyen, Yesus a ngá sám wéá ná a biñ ní, eé dzó ní ná, “Á é mot a belé mbwínánn avítsaŋ. Amú dzé o yep á nlém été?”

³²Éde, ntéññ bé ngá daŋ á byéa été, ané evúŋ é ngá sim. ³³Éde é bot bé mbé á byéa été bé ngá kaŋ ní, bée dzó ná, “Bébélá, wa o ne é Mwán Nzamá.”

Yesus aa sēñ mikúkwann á Genesaret

³⁴Niané bé ngá kígán mán, ané bé ngá ke sian ábeŋŋ sí ye á Genesaret. ³⁵Éde, é bot béye vóm te bée yem ní, ané bé ngá lóm ná bé ke bá kat do vóm te áse ya mévóm má boman ní, bée sɔ ya ní é bot bése bé mbé bé belé akwann. ³⁶Ané, bé ngá dzaa ní engóngɔɔ ná á lík bó ná bé nama ní atwaa afaáp etóp deñ; éde é bot bése bé ngá nama do bé ngá tɔbo mvwaá.

É dzóm dá vé mot mvin

15 ¹Éde beyágale métsiŋŋ benziŋ bábe befariseo béye á Yerusalen bé ngá nzu koan ébe Yesus, bée dzó ná,

²“Amú dzé beyága bwe bá tsam ómvúgá mikúkumá? Amú ná báa sop mó éyɔŋ bá dzí.” ³Ané, ní a ngá yalan ya bó ná,

“Amú dzé mína mína tsam memvéna mé Nzamá akála ómvúgá wenan? ⁴Amú Nzamá a ngá dzó ná, ‘Sémeŋé ésúá bá ñuá,’ ya fe ná, ‘É mot aa kɔbo éséá abé, ngé ki ñiá, aa yian wú.’ ⁵Ve, mína mína dzó ná é mot aa dzó éséá ngé ki ñiá ná, ‘É dzóm áse ma tɔɔ wa vwála ya do, é ntɔɔ ma bivévé á mfá Nzamá;’ ⁶a sés fe ntsinann amvála enziŋ ná á séme éséá ngá ki ñiá. Amvála te édo mína lík ná efíá Nzamá é bo kaa ábelé eban, akála ómvúgá wenan. ⁷Á bot meduk! Nde Esaía aá yem kúlu ádzó dí á mfá wenan, éyɔŋ a ngá dzó ná,

⁸‘Áyɔŋ dí dá vé ma esémm ya biyéá, ve mílém myeba myá mí ne ma oyaáp.

⁹Bá kaŋ ma á nzeze nkaŋann, méyágalé meba mé ne fáve metsiŋŋ mé bot.’ ”

¹⁰Éde eyɔŋ a ngá lwée nkuna bot, ané a ngá dzó bó ná,

“Béágán, yemŋán fe ná; ¹¹se é dzóm dá ñií mot ánu édo dá vé mot mvin; fáve ná, é dzóm dá kwíñ mot ánu, édo dá vé mot mvin. ¹²Eyɔŋ te, beyága bé ngá yit ní beben, bée dzó ní ná,

“Ye wa yem fá ná, befariseo bé bábe niané bé wók bifíá bwe?”

¹³Ané Yesus a ngá yalan ná,

“Élé ése é Tará a ne á dzóp été eé ndzi beñ, bá ye do téñ. ¹⁴Líkgán bó; bé ne mídzingdzing myá lére mídzingdzing mívɔɔ nzenn. Éde, ngé ndzingdzing wá lére ndzingdzing mbɔɔ nzenn; bé beañ bá ye ku ébéññ.”

¹⁵Éde Pedro a ngá yalan ya ní ná,
 “Katge bía ané é nganán ní da yíli.”

¹⁶Ané a ngá dzó ná,

“Ye ná mína míní ngén fe kaa áyem wók? ¹⁷Ye mínáá yem ná é dzóm áse dá níi mot ánu dá ke ósaŋŋ, véa, é kén fe édúk été? ¹⁸Ve é dzóm dá kwíñ mot ánu dá só á nlém, dzóm te édo dá vé mot mvin.

¹⁹Amú ná mbéa bá atémŋa, nywíán bot, medzíán, ngé ki mísémm mí eveák, dzíp, ávé é ngañiá é ne mineá, ya nkóbo abé; é ne mam méte má só á nlém. ²⁰Mam méte émo mé ne é mam má vé mot mvin; ve ádzí kaa átára sop mó dáá vé mot mvin.

Mbwínánn ngwan Kananita

²¹Éde, Yesus eé kólo ó véa, ané a ngá ke mébeŋŋ mési méye á Tiro ya Sidón. ²²Véa, miningá enziŋ ya ábeŋŋ sí te a tóó ngwan Kananita á nga yón, eé dzó ná,

“Á Ntí, é Mwán David yénŋe ma engóngóó; bembéa misísim mí belé ngwan dzam abé.”

²³Ve Yesus ní eé ndzí yalan ya ní dzam enziŋ. Éde béyága beñ, béé yit ní bebeñ, ané bé ngá dzaa ní ná,

“Yáágán ya ní, amú aa nzu aa yón bía á mvús.”

²⁴Éde Yesus a ngá yalan ná,

“Bá lóm ma fáve ébe mítómá mí mana yaá dzími áyɔŋ Israel été.” ²⁵Ve, miningá te, a ngá yít bebeñ a kútbe ó sí ébe ásu deñ, eé dzó ná,

“Á Ntí, vwálagé ma!”

²⁶Ané Yesus a ngá yalan ná,

“É sés mvéáñ ná bé ñɔŋ mfémm bwán ná bá kee wó bemvú.”

²⁷Ve, miningá te ní a ngá dzó ná,

“Á Ntí é ne bebélá; ve atwaa bemvú bá bá dzí fe médzá má ku é bot bé ne ya bó ó téble ásí.”

²⁸Éyɔŋ te, éde Yesus a ngá yalan ya ní ná,

“Á miningá, mbwínánn we ó ne onén! Eé bóoge wa amvála ané wa kómo.”

Ané ngwan deñ é ngá tɔbo mvwaá atée ye áwola te.

Yesus aa sɛñ abwiññ mikúkwann

²⁹Éde Yesus, eé kólo ó véa a ngá ke sian á nsá mán méye á Galilea, ané a ngá ke á nkoó óyóp, a tɔbo ósí ó véa. ³⁰Ané abwiññ bot é ngá yit ní bebeñ, béé só ya miyéyém, mibóbók, midzindzímm, mimvúmvúk ya abwiññ mikúkwann mifé; éde bé ngá bwíi myo mébo ósí meñ. Ané a ngá sɛñ myo, ³¹akekwíñ ná nkuna bot ó ngá kám éyɔŋ ó ngá yén ná mimvúmvúk mí nga kóbo yaá, miyéyém mí nga tɔbo yaá mvwaá, mibóbók mí nga wulu yaá, midzindzímm mí nga yén yaá; ané bé ngá vé Nzamá ye Israel dúmá.

Yesus aa vé nkuna bot bidzí

³²Ve Yesus, niané a ngá lwée béyága beñ, éde a ngá dzó bó ná,

“Ma yén nkuna bot wí engóngóó, amú ná é ntóó melú mé léa avé bíabe bó bí tɔbo ó vá, ébɔ kaa ábelé é dzóm bá dzí; mää kómo ki yáán ya bó, béé wók nzeñ, bé nza ke bá kip ya nzeñ ókanj été.”

³³Ané, beyága bé ngá síli ní ná,

“Vóm mbé bía ye koan ya ábímm bidzí é mora nkuna bot wí ó ne dzéñ éyánj été ó vá?”

³⁴Ané, Yesus a ngá dzó bó ná,

“Míní belé mifémm tán á yá?”

Éde, bé ngá yalan ná,

“Zangbéá, ya ayomm akúkwaás.”

³⁵Éde, eé mánan nkuna bot ná ó mana tɔbo ósí metsóó; ³⁶ané, a ngá ñɔɔ mifémm zangbéá ya kwaás; niané a ngá vé akíba, éde a ngá kap myɔ, á nga kee myɔ béyága beñ, bá bé nga kee nkuna bot. ³⁷Ané, bésesé bé ngá dzí, bé dzéñ; éde bé ngá kóán ábímm bíhun é ngá buk tán mikpéñ zangbéá ndzálánn. ³⁸Ábímm bot é ngá dzí é mbé befám binzuk bí nii (4,000), kaa álán biningá ya bóɔɔ. ³⁹Éde, niané a ngá mana yáán ya mikuna mí bot, ané a ngá ðan á byéa été, a kéñ ábeɔɔ sí ye á Magadán.

É ndem Jonás

16 ¹Éde, befariseo bábe besaduseo bé ngá ke koan ya Yesus, ná bé bóble ní, bé nga dzaa ní ná á lére bó ndem enziɔ ye á dzóp. ²Ve, ní a ngá yalan ya bó ná,

“Éyɔɔ ɔgɔgɔ dá kwíñ mína dzó ná, ‘Dzóp dá ye bo mvéáñ, amú ná dzóp dá yéne evélé’. ³Kíkírí ñá mína dzó ná, ‘Okos wá ye bo émuú, amú ná dzóp é belé mísínn, dá vín fe.’ Édo ná mína yem kelan éfonann dzóp ya ámvála dá léreban, ve míní sés kelan méndem má lére metám. ⁴Mbéa myee bot ya bebo bibwan bá dzéɔ ndem, ve bá báá ye bó vé ndem, fáve éñí Jonás.”

Éde, a ngá lík bó, a kéñ.

É levadura befariseo

⁵Éde éyɔɔ beyága bé ngá sian á mfá mbóó áyát, bé vwían ná bé sɔ ya bidzí. ⁶Ané Yesus a ngá dzó bó ná,

“Dággán, tɔbɔgán nkée ya é levadura befariseo ya fe besaduseo.”

⁷Ve, bá bé ngá ke bá síli ébyen ya ébyen, béé dzó ná,

“Aa dzó do akála ná bíá sɔ ya bidzí!”

⁸Ve niané Yesus a ngá ñú do tán, éde a ngá dzó bó ná,

“Á é bot bé belé avítsan mbwínánn, amú dzé mína ke mína síli ná míní belé bidzí? ⁹Ye ná míní ngén kaa áwók, mínáá síman ki fe

mífémm mí tán me ngá vé bot binzuk bí tán (5,000) bidzí, éde míní ngá kóán mikpéñ tán? ¹⁰Ye mínáá síman ki fe mífémm zangbéa me ngá vé bot binzuk bí nii (4,000) bidzí, mikpéñ míní ngá kóán tán á yá? ¹¹Amú dzé mínáá wók ná mée mvá kóbo ya mína dzam mífémm, fáve ná tɔbɔgán nkée ya é levadura befariseo ya besaduseo?”

¹²Véa, éñe bé ngá yem ná éé ngá dzó bó ná bé tɔbo nkée ya é levadura mífémm, fáve ná méyágalé befariseo ya besaduseo.

Pedro aa dzó ná Yesus éñe a ne Kristo

¹³Niané Yesus a ngá sian ábeɲɲ sí ye á Sesarea ye á Filipos, éde a ngá síli báyaga beñ ná,

“Bot bá dzó ná é Mwán Mot a ne nzá?”

¹⁴Ané bé ngá dzó ná,

“Bot bevɔ́ɔ bá dzó ná Juan Ndubot, ébá bevɔ́ɔ bá ná Elías, ya fe ébá bevɔ́ɔ Jeremías ngé ki mot enziɲ ye bekúlu medzó.”

¹⁵Éde a ngá síli bó ná,

“Ve mína, mína dzó ná me ne nzá?”

¹⁶Ané Simón Pedro a ngá yalan ná,

“Wa o ne Kristo, é Mwán é Nzamá a ne ntétéa.”

¹⁷Véa Yesus ní a ngá yalan ya ní ná,

“Á Simón, é mwán Jonás, abwará é boʒge ya wa, amú ná se mison é myo mí lére wa do, ngé ki mekií, fáve é Tará a ne á dzóp été. ¹⁸Ma ma dzó fe wa ná, wa o ne Pedro, éde ébe ákwá dí áyóp ma ye lónj ékóánn bebwíni dam; éde mibéñ míye sí békónn myáa ye do wún.

¹⁹Wa ma ye kee bídziga bíye édzwée ngómán ye á dzóp; éde édí áse wa ye tsini á sí ó vá, dá ye tɔbo ntsinann á dzóp; édí áse dá wa ye tsii á sí ó vá, dá ye tɔbo ntsiián á dzóp.”

²⁰Éde a ngá mánan beyága ná bé táa kat mot enziɲ ná éñe a ne Kristo.

Yesus aa kat áwú deñ fwéñ

²¹Atée ye tám te édo, Yesus a ngá tára ná aa lére báyaga beñ ná aa yian ke á Yerusalen, ya fe a yén abwiññ midzuúk é mó mikúkúmá, ya betébosú befára, ya fe beyágale métsiɲ, ná bá ye ní ywíñ, ve aa ye wómo alú léa. ²²Éde Pedro a ngá ke ya ní évwíñ, á nga tára ná a báma ní do, eé dzó ná,

“Á Ntí, yénje wámyen engóngɔ́ɔ! Dzam te dáa ye wa bo tám enziɲ!”

²³Ve Yesus, eé veɲan, éde a ngá dzó Pedro ná,

“Á Sátan, tébegé ma ómvús! O ne ma ekɔp obaá; wáá tém fá é mam Nzamá, fáve é mam bot.”

²⁴Éde Yesus a ngá dzó báyaga beñ ná,

“Ngé mot enziɲ aa kómo ma bee, á nímje émyen mam, á бага é krús deñ, a bee fe ma.” ²⁵Amú ná éñí áse aa kómo koro éniɲ dzeñ, aa ye do

dzímle. Ve éñí áse ñí aa dzímle éniñ dzeñ, ákála dam, aa ye koan ya do. ²⁶Amú ná nzá abúánn mot aa ye ñoñ ngé aa wún eniñ ngúrá, ve a dzímle nsísim weñ? Ngé ki ná nzá dzóm mot a ne foan ya do ya nsísim weñ? ²⁷Amú ná é Mwán Mot a nkún só ya é dúmá Éséá été, bábe é baángel beñ, véa éñe aa ye yáán ya kada mot, amvála ané mboann weñ ó ne. ²⁸Ma dzó mína bebélá ná bot benziñ bé ne ó vá ná báá ye kyak awú kaa ná bé tára yén é Mwán Mot eé só édzweé ngómán deñ été.”

É ñúu Yesus da tsén

17 ¹Niané melú mé saman mé ngá lot, éde Yesus a ngá ñoñ Pedro, bá Jakobo ya mwanñan Juan, ané a ngá ke ya bó á nkoó enziñ oyaáp ó yóp, ébó etámm. ²Éde é ñúu deñ e ngá tsén ébe ású deba; ású deñ é nga feañ ané nlódzóp, bítóp byeñ byá bí veñan fe mífúm, bí nga bíra fe feañ ané eyéá. ³Éde véa, Elías bá Moisés bé ngá yéne bábe bó, béé kóbo. ⁴Ané Pedro a ngá dzó Yesus ná,

“Á Ntí, é ne mvéáñ ná bí tóbo ó vá; ngé wa kómo, ma ye lón bíbem bi léa, wa evóó, Moisés evóó, Elías ñí a evóó fe.”

⁵Ákoan ná a ngén aa kóbo, véa nkút weé feañ, ó mana bó boman; éde kíñ e ngá só á nkút été, deé dzó ná, “Ndzindziñ Mwán wóm éwo wi, éñí aa vé ma mesán á nlém; éñe béágán.”

⁶Éyoñ beyága bé ngá wók dzam te, bé nga bíra kó wóñ, ané bé ngá ku ya mesú osí. ⁷Éde Yesus a ngá yit bó bebeñ, á nga nama bó, eé dzó ná, “Tébegán, míní táa kó wóñ.”

⁸Niané bé ngá bére mís ó yóp, béé ndzí yén mot enziñ, fáve Yesus émyen etámm.

⁹Éde béé sigi nkoó, ané Yesus a ngá mánan bó ná,

“Míní táa kat mot enziñ é dzam míní mvá yén dí, akekwiñ ané é Mwán Mot aa wómo míwúán été.”

¹⁰Éde beyága beñ bé ngá síli ñí ná,

“Amú dzé beyágale métsiñ bá dzó ná Elías éñe aa yian tára só?”

¹¹Ve, ñí a ngá yalan ná,

“É ne bebélá ná Elías éñe aa nzu, aa bera mana kom mam mése; ¹²ve, ma dzó mína ná Elías a só yaá, éde bot béé ndzí ñí yem; fáve ná, bé ngá bo ñí é mam mése bé ngá kómo. Amvála te fe, é Mwán Mot ñí a nkún yén midzuúk é mó meba.”

¹³Ané beyága bé ngá yem ná aa kóbo ya bó á mfá Juan Ndubot.

Yesus aa señ mójñ okwann okúbégé

¹⁴Niané bé ngá sian é vóm nkuna bot ó mbé, éde mot enziñ a ngá nzu koan ya ñí, ané a ngá kútbe ó sí ébe ású deñ, eé dzó ná,

¹⁵“Á Ntí, yénje é mwán wóm engóngóó, amú ná aa kwan okúbégé, aa bíra dzuk; abwiññ biyoñ aa ku á ndúán été, ébí bivóó byá aa ku méndzím été. ¹⁶Éde me só ya ñí ébe beyága bwe, ve báá tóó ñí señ.”

17Éde Yesus a ngá yalan ná,
 “Á myee bot ó ne kaa ábwíni, ya ekúkwát! Ma yian tɔbɔ bíabe mína akekwiñ tám fé? Ma ye ki mína nzomo akekwiñ tám fé? Nzaán ya ma ñi ó vá.”

18Ané Yesus a ngá vé mbéa nsísim te mbámm, éde ó ngá kólo ébe omómɔŋŋ te, ané a ngá tɔbɔ mvwaá atéé ye áwola te.

19Éde beyága bé ngá nzu koan ya Yesus áswení, béé síli ñi ná,
 “Amú dzé biá belé nguu ye átsílán ya mbéa nsísim te?”

20Ané a ngá dzó bó ná,

“Akála avítsaŋ mbwínánn wenan. Amú ma dzó mína bébélá ná ngé míní belé mbwínánn avé nsó mostasa, mína ye dzó nkoó wí ná, ‘Kólogé ó vá, o kéní ólwí,’ véa, wá ye kólo; éde ná dzam enziŋ dǎa ye bɔ ná míní sés dɔ bɔ.”

21 [Ve, ámvála dí dá kólo, fáve ya meyaglán, ya nkián bidzí.]

Yesus aa bera kat áwú deñ fwéñ

22Éde, é tám bé mbé á Galilea, ané Yesus a ngá dzó bó ná,
 “É Mwán Mot a nkún tɔbɔ nkeán é mó bot, 23bá ye ñi ywíñ. Ve, álú léa aa ye wómo.”

Ané bé ngá bíra tɔbɔ eywíññ.

Mfá meyáán mé mfóŋsí ye á templo

24Niané bé ngá sian á Kapernaúm, edé é bot bé ngá ñɔŋ ntán bedrakma bé beañ, bé ngá nzu koan ya Pedro bé síli ñi ná,

“Ye nyágale wenan áa yáán bedrakma bé beañ?”

25Éde a ngá dzó ná, “Áá.”

Niané a ngá sian á ndá, éde Yesus a ngá tára kóbo ya ñi ná,

“Á Simón, wa yén á yá? Békéza béye é sí ñi, bá ñɔŋ mfóŋsí ya alamán ébe benzá? Ye é bwán beba, ngé ki ébe beyéŋ?”

26Niané a ngá yalan ná,

“Ébe beyéŋ.”

Éde Yesus a ngá dzó ñi ná,

“Dá yíli fá ná bwán bá tɔbɔ filí.” 27Ve, á mfá ye ná bí nza bó kɔp obaá, kén yóp ó mǎŋ, véa o ñɔŋ é kwaás ósúa wa ye tára ywíñ; niané wa ye dɔ yóo anu, vea wa ye koan ya moann été; ñɔŋŋe ñi, o kee bó ñi, mfá wɔm ya mfá we.

Nzá aa dan ya eban?

18 1Áwola te beyága bé ngá nzu koan ya Yesus, béé síli ná,
 “Nzá aa dan ya eban édzwée ngómán ye á dzóp?”

2Éde, niané a ngá lwée omómɔŋŋ, a téle wó énzénzan deba été. 3Éde a ngá dzó ná,

“Ma dzó mína bébélá ná, ngé mína kaa átsén míní bɔ ané abóbɔŋŋ, mínáá ye níí édzwée ngómán ye á dzóp, amvála enziŋ. ⁴Édo ná, éńí áse aa sili émyen ósí amvála ané ómómɔŋŋ wí, mot te éńe aa daŋ ya eban édzwée ngómán ye á dzóp. ⁵Éńí níí aa ñɔŋ fe omómɔŋŋ ovɔɔ amvála ané éwí ya akála éyola dam, ma fe aa ñɔŋ.”

Ángónó dzam ye ábo nsémm

⁶“Ve, éńí aa bɔ mɔŋŋ mbɔɔ ye abóbɔŋŋ dá bwíni ma dí, é dzam dá kɔp níí obaá; éńe níí mvéáñ ná bé kele níí é mora ákwá edzakás dá dulu ó kíŋŋ, á wú ya abúk édwa mán été. ⁷Ngwáa ya éniŋ dzí mfá é mam má kɔp bot obaá! Amú ná bikɔp obaá bí sés bɔ kaa ásó. Ve, ngwáa ya é mot a bɔ ná bikɔp obaá bí sɔ;

⁸Ve, ngé é weá we, ngé ki ábo dwe dá bɔ wa ná o bɔ nsémm, kíkgɛ dɔ, o wea dɔ ó féñ; é ne wa mvéáñ ná o níí éniŋ o tɔɔ ya etun enam ngé ki ya etun abɔ, ye ná o belé binam bí beáñ ya mebo mé beáñ bá bé wea wa é ndúán e ne mbéámbéá été. ⁹Éde ngé é dzís dwe dá bɔ wa ná o bɔ nsémm, fonŋe dɔ, o wea dɔ ó féñ. É ne wa mvéáñ ná o níí éniŋ ya dzís avɔɔ, ye ná o belé mís mé beáñ bá bé wea wa ébéññ ndúán été.”

¹⁰“Dággán ná, míní táa byana mɔŋŋ mbɔɔ ye ábóbɔwán dí, amú ma dzó mína ná á dzóp été, é baáŋgel beba, bá yén ású é Tará a ne á dzóp été eyɔŋ ése. ¹¹[Amú ná é Mwán Mot a sɔ yaá ná aa koro é dzóm é ngá dzími.]”

É nganán ntómá ó ngá lés nzenn

¹²“Mína yén á yá? Ngé mot enziŋ a belé ntet mitómá, ovɔɔ ye été wa ó lés nzenn, ye ná áá ye lík mitómá mewóm ebuú ya ebuú (99) míkoó été, a kéñ aa dzéŋ éwí ó mvá lés nzenn? ¹³Édo ná, ngé é bɔban ná a kóán ya wó, ma dzó mína bébélá ná, aa ye daŋ sán ya éwí te álot mítómá mewóm ebuú ya ebuú (99) mí mvá bɔ kaa álés nzenn. ¹⁴Amvála te fe, dé sés nkómánn Ésúá wenan a ne á dzóp été, ná mwán mbɔɔ ye ábóbɔwán dí á dzímle.”

Mfá bidzwiigá

¹⁵“Ve, ngé mwanñɔŋ a vus ya wa, kéŋ níí bwaale áswéññ; ngé á béá wa, o wún yaá mwanñɔŋ. ¹⁶Ve, ngé a bɔ kaa wa ábéá, lwéegé mot mbɔɔ, ngé bé beáñ befé, á mfá ye ná adzó áse bé yén dɔ ya béngañíá bé beáñ, ngé ki bé léa. ¹⁷Ve, ngé a bɔ kaa bɔ ábéá, katge dɔ ékóánn bebwíni; éde ngé aa bɔ fe kaa ábéá ékóánn bebwíni, yénŋe níí ané mot ye meyɔŋ mefé ngé ki ñɔŋmfóŋsí.”

¹⁸“Ma dzó mína bébélá ná, édí áse mína tsini á sí ó vá, dá ye tɔbɔ ntsinann á dzóp; édí áse dá mína tsii á sí ó vá, dá ye tɔbɔ ntsiián á

dzóp.” ¹⁹“Ma bera fe mína dzó ná, ngé bot bé beañ béye ébe mína bé kwíñ kíñj ébe édí áse bá dzaa á sí ó vá, é Tará a ne á dzóp aa ye bó dɔ bɔ, ²⁰amú ná é vóm bot bé beañ, ngé ki bé léa bá kóán akála éyola dam, me ne bó énzénzanj ó véa.”

²¹Ané Pedro a ngá yit ní beben, a dzó ní ná,

“Á Ntí, biyɔñ tánj á yá mwadzanj aa yian vus ya ma, ná ma ma yian ní dzwii? Ye akekwiñ biyɔñ zangbéa?”

²²Éde Yesus a ngá dzó ní ná,

“Mää dzó wa ná akekwiñ biyɔñ zangbéa, fáve ná akekwiñ biyɔñ mewóm zangbéa ya biyɔñ zangbéa.”

É nganán mbéa oloá

²³“Ya akála te, édzweé ngómán ye á dzóp dá fonan ya kéza enzin éñí a ngá kómo yén mémvóla áloá deñ. ²⁴Éde, niané a ngá tára ná aa bɔ dɔ, ané a ngá sɔ ya éñí mbɔɔ a belé ní mvóla tánj abwiññ baakúru. ²⁵Ve, éñe kaa ábelé ámvála a ne yáán ya ní dɔ, éde é mása weñ a ngá mánan ná bé kuan oloá te, fufúlu bá ngéá, ya é bwán ben, ya é byém bíse a mbé a belé, á mfá ye ná yáán ya ní mvóla.

²⁶Ané, oloá te ó ngá kút meboñj ó sí, weé dzó ná, ‘Belégé edzip ya ma, ma ye mana yáán ya wa áse.’ ²⁷Éde é mása oloá te a ngá yén ní engóngɔɔ, ané a ngá lík ní, a dzáma fe ní ya mvóla.

²⁸“Ve, niané oloá te ó ngá kólo, ó koan ya óloá ovɔɔ ná bá éwí te, bá béé eséññ fufúlu, ná wá ó belé ní oyomm moann, éde a ngá biñ ní ya mó, á nga fít ní kíñj, eé dzó ná, ‘Yáágán ya ma é mvóla o belé ma.’

²⁹Éde óloá te wá ó ngá ku ósí, ó nga dzaa ní engóngɔɔ, ná, ‘Belégé edzip ya ma, ma ye yáán ya wa.’ ³⁰Ve, weé ndzí dɔ kómo, fáve ná, ó ngá ke, ó dum éwí te á mbok ná akekwiñ wá mana yáán é mvóla ó mbé ó belé ní.

³¹Édɔ ná, niané áloá avɔɔ mása te é ngá yén é dzam é ngá boban, éde é ngá bíra tɔbɔ eywiññ, é kéñ fe kat é mása weba édí áse é ngá boban. ³²Éde, é mása weñ, a ngá lwée ní, a dzó ní ná, ‘Ékúkwát oloá, maá dzáma wa ya é mvóla dam ásesé, amú ná waá dzaa ma engóngɔɔ. ³³‘Ye ná wa wée mvá yian yén óloá ovɔɔ wí engóngɔɔ, amvála ané ma me ngá yén fe wa engóngɔɔ?’ ³⁴Éde ya nlém abé, é mása weñ a ngá kee ní belére bot bíndáglé ná bé ndágle ní akekwiñ ané aa mana yáán é mvóla áse a mbé a belé ní.

³⁵Ámvála te fe, é Tará a ne á dzóp été, aa ye bɔ ya mína, ngé kada mot ye ébe mína áá dzáma mwanñanj atéé ye mílém myenan été.”

Yesus aa yágale mfá mvas

19 ¹A ngá bɔ ná, niané Yesus a ngá mana kóbo bifíá bíte, éde a ngá kólo á Galilea, a kéñ ábeñj sí ye á Judea á Yordán áyát. ²Éde bora mikuna mí bot mí ngá bee ní, ané a ngá séñ bó ó véa.

³Éde befariseo benziŋ bé ngá nzu koan ya ñí á mfá ye ná bé bóble ñí, ané bé ngá síli ñí ná,

“Ye atsiŋ dá lére ná fám eé vé ngéá mvas amú akéá áse é ne bɔ?”

⁴Ve ñí a ngá yalan ná,

“Ye ná míní ndzí lán ná éñí a ngá vele bó, atée ye átáraga aá vele bó ‘fám bá miningá?’ ⁵Éde fe a ngá dzó ná, ‘Amú ddam te, fám da ye lík éséá bá ñiá, a kéñ fulan bá ngéá, véa, bé sés fe bot bé beañ, fáve ná bé ntóó ñúu fúú?’ ⁶Édo é ne ná, bé sés fe bot bé beañ, fáve ná ñúu fúú. Édo ná, é dzóm Nzamá á lat yaá, mot a táa dɔ kánan.”

⁷Ané bá bé ngá síli ñí ná,

“Amú dzé Moisés a ngá mánan ná bé vé miningá kálara mvas, véa, bé suu ñí?”

⁸Éde Yesus ñí a ngá yalan ya bó ná,

“Moisés aá lík ná míní vé é biningá benan mvas akála áleét milém denan; atée ye átáraga dá dēé mbé néa. ⁹Ve, ma ma dzó mína ná, é mot áse aa vé ngéá mvas, ngé é sés akála nsémm eveák, véa a kéñ lúk miningá mfé, aa bɔ medzián. (Éde é mot ñí aa lúk é miningá bé suu, ñí a bɔ fe medzián).”

¹⁰Ané béyága beñ bé ngá dzó ñí ná,

“Ngé élat fám bá miningá éñe é ne néa, é ne mvéañ ná kaa fán álúk.”

¹¹Ve ñí a ngá dzó bó ná,

“Se bot bése ébɔ bé ne yébe ddam te, fáve ébá bé vé yaá ddam te.

¹²Amú ná bot benziŋ bé ne biyee ná bá byála dɔ atée ye mébum beñiá été, ébá bevúú bá bé ne biyee ná bot ébɔ bá bɔ bó dɔ, é bot bevúú bá bé ngá bɔ bébyen biyee akála édzwée ngómán ye á dzóp. É mot a ne yébe ddam te, á yébegé dɔ.”

Yesus aa bwárán ya bóŋŋ

¹³Ané bé ngá só ya ñí ya bóŋŋ benziŋ mfá ábere bó mó, ya áyaglan fe. Ve, beyága bé ngá báma bó. ¹⁴Véa éñe Yesus a ngá dzó bó ná,

“Líkgán bóŋŋ ná bé nzu ébe ma; míní táa bó kam ya dɔ, amú ná ébɔ bé ne ya édzwée ngómán ye á dzóp.”

¹⁵Niané a ngá mana bó bere mó, éde a ngá kólo ó véa.

Nkúkúmm ndómán

¹⁶Éde, mot enziŋ a ngá yit ñí bebeñ, eé síli ñí ná,

“Á Nyágale nzá mbamba ddam ma yian bɔ, á mfá ye ná me belé éniŋ é ne mbéámbeá?”

¹⁷Ané Yesus a ngá yalan ya ñí ná,

“Amú dzé wa síli ma mfá é ddam é ne mvéañ? Mbúú éñe a ne mbamba mot; ve, ngé wa kómo ñí éniŋ é ne mbéámbeá, baalé memvéna.

¹⁸Éde a ngá síli ñí ná, “Mevé?”

Ané Yesus a ngá yalan ná,

“Kaa áywiñ mot; kaa ábo medzián; kaa ádzíp; kaa ávé é ngañiá é ne minéa; ¹⁹sémené ésúá bá ñuá; dzinje fe é mot mbóó ané wa dzin wámyen.”

²⁰Véa ndómán te da e ngá dzó ñí ná, “Me mana baale ásesé te; dzé é ngén dá dzén ma?”

²¹Éde Yesus a ngá yalan ya ñí ná,

“Ngé wa kómo bo ñá nzósoó, kén, o kuan fe é byém o belé, o vé byo bingónjós bí bot; éde, wa ye belé ntam á dzóp été; véa, nzaá o bee ma.”

²²Ve, niané ndómán te e ngá wók bifíá bíte, éde a ngá ke eywiññ, amú ná a mbé a belé abwiññ akúmm.

²³Éde Yesus a ngá dzó béyága beñ ná,

“Bébélá ma dzó mína ná é ne ayéñ ná nkúkúmm ó ñíi édzwée ngómán ye á dzóp. ²⁴Ma bera fe mína dzó ná dá dan ya ebúbú ná kamelio eé tугan ávéñ ondonóó été, ye ná nkúkúmm mot ó ñíi édzwée ngómán Nzamá.”

²⁵Niané beyága bé ngá wók do, ané bé ngá bíra vonje abwiññ, béé síli ná,

“Nzá fá aa ye tóbo nkoránn?”

²⁶Ve Yesus, eé dága bó, éde a ngá dzó bó ná,

“Mfá bot é sés boban, ve mfá Nzamá mam mése mé ne boban.”

²⁷Éde Pedro a ngá yalan, eé dzó ñí ná,

“Dággé ná, bí mana lík ásesé ná bíá bee wa; dzé fá bíá ye ñon?”

²⁸Ané Yesus a ngá dzó bó ná,

“Ma dzó mína bebélá ná mína é bot míní bee yaá ma, é tám éniñ dá ye bera tóbo mfefeñ, éyon é Mwán Mot aa ye tóbo ósí étóó édzwée ye á dúmá deñ, mína mína ye fe tóbo bítóó bídwée awóm ya bí beañ ná mína kí k awóm meyon ya meyon mé beañ méye Israel misan.

²⁹Éde éñí áse a lík yaá mendá, ngé ki bobéñan, ngé ki bekéá, ngé ki éséá, ngé ki ñiá, ngé ki bwán, ngé ki mefóo mé sí, akála éyola dam, aa ye byo ñon álot tán ntet biyon, aa ye fe ñon tsígá éniñ é ne mbéámbéa. ³⁰Ve, abwiññ é téle ósúá dá ye súgan ó mvús, edí dá é téle ó mvús dá ósú.”

É nganán bebo biséññ béye áfúp midzík mí vino

20 ¹“Amú ná édzwée ngómán ye á dzóp dá fonan ya myenn afúp enziñ a ngá kólo ekúná kírí ná aa ke aa dzén bebo biséññ mfá áfúp midzík mí vino deñ. ²Éde, a ngá kwíñ kíñ bábe bebo biséññ ná aa ye yáán ya bó tán denario mbóó, ané a ngá lóm bó áfúp deñ. ³Ané a ngá bera ke bebeñ, ané méwola ebuú ye kíkírí, véa a ngá yén bebo biséññ befé bé tóó bivovoba á nseñ mákít.

⁴Éde a ngá dzó bot béte ná, ‘Mína keñán fe áfúp dam, ma ye yáán ya mína ntán ó ne nzósoó.’ Véa bé kéñ. ⁵Ané a ngá bera ke bebeñ ané amyeré,

ya méwola mé léa ye ngɔ́gáse, eé bɔ dɔ́am avɔ́ɔ. ⁶Ve, niané a ngá bera ke ané méwola mé tán ye ngɔ́gáse, éde a ngá koan ya bot befé bé téle, ané a ngá síli bɔ ná, ‘Amú dzé míní tɔ́ɔ ó vǎ ngúrá ntéññ mos bivovoba?’

⁷Éde bé ngá yalan ñí ná, ‘Amú ná mot enziŋ eé ndzí bía ñɔŋ éséññ.’ Ané a ngá dzó bɔ ná, ‘Mína, keŋán fe áfúp dam.’

⁸Niané ngɔ́gɔ́ e ngá kwíñ, edé myenn afúp te a ngá dzó é kabatás weñ ná, ‘Lwéegé bebo biséññ, o kee bɔ ntán éséññ weba, wa tára ya ébá bé mvá súgan sɔ́ akekwiñ ébá bé mvá tára sɔ́.’ ⁹Niané é bot a ngá ñɔŋ éséññ ané méwola mé tán ye ngɔ́gáse bé ngá sɔ́, kada mot ye ébe bɔ á nga ñɔŋ denario mbɔ́ɔ. ¹⁰Ede, éyɔŋ é bot bé ngá tára ñɔŋ éséññ bé ngá sɔ́, béé bwíni ná ébɔ bá ye daŋ ñɔŋ; ve, bá bé nga yáán fe kada mot ye ébe bɔ denario mbɔ́ɔ. ¹¹Ve, niané bé ngá ñɔŋ dɔ́, bé nga ke bá kéá ya myenn ndá, ¹²béé dzó ná, ‘É bot bé mvá súgan sɔ́ bá, bé bɔ eséññ tán áwola avɔ́ɔ, ve wa o belan yaá bɔ ntéññ mbɔ́ɔ ané bía, bía é bot bí nzomo adziít eséññ ngúrá ntéññ mos, ya fe ayóŋ.’

¹³Ve, ñí a ngá yalan, eé dzó mbɔ́ɔ ye été ná, ‘Á mwíi, meé ndzí wa bɔ é dɔ́am é ne ekúkwát; nde bía wa bíá kwíñ kíŋŋ ná ma ye yáán ya wa denario mbɔ́ɔ? ¹⁴Ñɔŋŋe é dzóm dwe, o kéñ; ve, ma ma kómo vé é mot a mvá súgan sɔ́ ñí ábímm me mvá vé fe wa. ¹⁵Ye ná ma me sés filí ye ábo é dɔ́am ma kómo ya é dzóm é ne éedam? Ngé ki ná, ye wa bɔ ma evínn, amú ná me ne mbamba mot?’ ”

¹⁶“Néa, éñe é bot bé téle ó mvús bá ye súgan ósú, ébá bá bé téle ósú bá ó mvús. [Amú ná abwiññ bot é ne nlwéán, ve avítsaŋ édo é ne ntópbán.]”

Yesus aa kat áwú deñ fwéñ éyɔŋ léa

¹⁷Éde Yesus eé bét ná aa ke á Yerusalen, ané a ngá ke ya awóm beyága ya beyága bé beañ évwíñ, bé tɔ́ɔ ókaŋ été, éde a ngá dzó bɔ ná,

¹⁸“Dággán, bía bét ná bía ke á Yerusalen, véa é Mwán Mot bá ye ñí kee ébe betébosú befára ya beyágale métsiŋŋ, bá ye ñí kík nsaŋ ná aa yian wú; ¹⁹bá ye fe ñí kee bot béye meyɔŋ mefé ná bé kpógo ñí, bé yít ñí ya áke fe ya ñí á krús, éde álú léa aa ye wómo.”

Yesus aa yalan ya ñiá Santiago bá Juan

²⁰Ané ñiá é bwán Zebedeo a ngá nzu koan ya ñí bábe é bwán béñ, éde a ngá kut ñí mebɔŋŋ ó sí, eé dzaa ñí dɔ́am. ²¹Ve Yesus a ngá síli ñí ná, “Nzá dɔ́am wa kómo?”

Ané ñí a ngá yalan ya ñí ná,

“Mánaŋán ná é bwán bam bé beañ bá bé tɔ́ɔ ósí édzwée ngómán dwe, mbɔ́ɔ á mfá méyóm we, éñí mbɔ́ɔ ñí á mfá méyéá we.”

²²Ve Yesus a ngá yalan ná,

“Mínáá yem ki é dɔ́am mína dzaa. Ye míní ne ñú é kóp me nkún ñú, [ya átoɔɔ nduann ébe ámvála nduann ma me ne ya dɔ́ nduann]?”

Ané, bé ngá dzó ñí ná,

“Bí ne ñú.”

²³Éde a ngá dzó bó ná,

“Bébélá mína ye ñú é kóp dam, [mína ye fe tɔbɔ nduann ámvála ma me tɔbɔ yaá fe nduann], ve áɔbɔ ósí á mfá méyóm wɔm, ngé ki á mfá méyéá wɔm, é sés é dzam ma ma vé. Fáve ná é ne á mfá ébá Tará á mana do kom.”

²⁴Éde éyɔɔ beyága awóm bé ngá wók dzam te, ané bé ngá yéá ya bɔbɛñan bé beañ béte. ²⁵Ve Yesus ñí a ngá lwée bó, a dzóo bó ná,

“Mína yem ná bedzwée béye meyɔɔ mefé bá dzwée ya ngu, ya fe ná bora bé bot béye été bá bá dzwée fe bó ya elan. ²⁶Dá dǎá bɔ ámvála te énzénzan denan, fáve ná é mot aa kómo bɔ bora mot ébe mína, aa yian bɔ mvwála bíséññ wenan. ²⁷Éde éñí ñí aa kómo bɔ ntébosú énzénzan denan, aa ye bɔ óloá wenan; ²⁸ámvála te fe, é Mwán Mot ñí eé ndzí sɔ ná bot bé belan ya ñí, fáve ná éñe ábelan ya bot, ya fe ná á vé éniɔ dzeñ akála ákoroga abwiññ bot.”

Yesus aa sɛñ midzindzimm mí beañ

²⁹Éde éyɔɔ bé ngá kólo á Yeriko, mora nkuna bot ó ngá bee ñí. ³⁰Véa, midzindzimm mí beañ mí mbé mí tɔɔ ó fɛñ nzenn, niané mí ngá wók ná Yesus á nga lot yaá, ané mí ngá yón, ná,

“Á Ntí, é Mwán David yénɔe bía engóngɔɔ!”

³¹Éde, bot bé ngá báma bó ná bé sis evóó. Ve bá bé ngá dan bera yónyón abwiññ, ná,

“Á Ntí é Mwán David, yénɔe bía engóngɔɔ!” ³²Ané Yesus a ngá tébe, a lwée bó, éde a ngá síli bó ná,

“Nzá dzam mína kómo ná me bɔ mína?”

³³Éde bé ngá yalan ñí ná,

“Á Ntí, bía kómo ná é mís mea mé yónbe.”

³⁴Véa Yesus ñí a tɔɔ ndzálánn ya nlém engóngɔɔ, ané a ngá nama bó mís, etéññ te ébyen bé nga bera yén, véa bé nga bee fe ñí.

Yesus aa ñíí á Yerusalen

21 ¹Éyɔɔ bé ngá kwíñ bebeñ á Yerusalen, bé sian á Betfagé, á nkoó Álíba, ané Yesus a ngá lóm beyága bé beañ, ²a dzóo bó ná,

“Kenján é mwann dzeá a ne mína ósú, véa, mína ye koan ya edzakás é tsini ya mwán; tsiigán do, míní sɔ ya ma byɔ. ³Éde ngé mot enziɔ a dzó mína dzam, dzógán ná, ‘Ntí aa kómo byɔ; aa ye byɔ búlán avóó.’ ”

⁴Dzam te é ngá bɔban á mfá ye ná édí nkúlu medzó a ngá dzó é dzálában, ná,

⁵“Dzógán ngwan ye á Sión ná,

‘Dággé, é Kéza we aa nzu ébe wa,
nsilibán ósí, a tɔ́ édzakás áyóp,
ya á mwann edzakás, é mwán edzakás.’ ”

⁶Niané beyága bé ngá ke, bé ɓɔ fe ámvála avɔ́ɔ ya avɔ́ɔ Yesus a ngá mánan bó. ⁷Ané bé ngá sɔ́ ya edzakás ya mwán; bé teñ byɔ́ bítóp byeba áyóp, éde Yesus a ngá dan áyóp. ⁸Éde fe abwiññ bot é ngá teñ bítóp byeba á nzenn áyóp; ébá bevɔ́ɔ bá bé ngá kík mítem bilé, bé nga bwíi myɔ́ á nzenn áyóp. ⁹Ané é bot bé ngá ke ñí ósú, ya ébá bé ngá nzu á mvús, bé ngá ke bá yón ná,

“Osana ya é Mwán David!
Abwará ya éñí a nzu ya éyola Ntí!
Osana oyaáp ó yóp!”

¹⁰Éde éyɔɔ a ngá ñí á Yerusalen, nzɔɔ é ngá ɓɓan á kísoan ngúrá, bée síli ná, “Éñí a ne nzá?”

¹¹Ané nkuna bot ó ngá yalan ná, “Yesus nkúlu medzó ye á Nasaret Galilea éñe ñí.”

Yesus aa tsílán ya bebo okira á templo

¹²Éde Yesus a ngá ñí á templo, ané a ngá tsílán é bot bése bé ngá kuan byém ya ákus á templo átán, eé sɔ́gle bétéble betsén moann ósí ya bítɔ́ ébá bé ngá kuan abeɲɲ. ¹³Éde a ngá dzó bó ná,

“É ne ntsilann ná, ‘É ndá dzam bá ye dɔ́ lwée ná ndá meyaglán,’ ve mína, míní veɲan ya dɔ́ é ndá ákwá benzeé midzɔ́ɲɲ.”

¹⁴Ané midzínzím, ya mibóbók mí ngá nzu koan ya ñí á templo, ané a ngá señ myɔ́. ¹⁵Ve, éyɔɔ betébosú befára ya beyágale métsɲɲ bá bé ngá yén biyágán bí mam a ngá ɓɔ, ya fe é bóɲɲ bé ngá yón á templo, ná, “Osana ya é Mwán David!” Ané bé ngá wók abé. ¹⁶Éde bé ngá síli ñí ná,

“Ye wa wók é dzam é bóɲɲ bá bá dzó?”

Ve Yesus ñí a ngá yalan ya bó ná,

“Ma wók; ve, ye ná mínää bé lán? Ná,

‘Ébe ménu bwán,
ya ébá bé ngén bá ñáɲ,
waá koman olugú.’

¹⁷Éde, a ngá lík bó, a kólo á kísoan, a kéñ á Betania, ané a ngá bómo ó wéñ.

Yesus aa boŋ elé Igera

¹⁸Éyɔŋ Yesus a ngá búlán á kísoan kíkírí, á nga wók nzeñ. ¹⁹Niané a ngá yén elé Igera é téle ó fěñ nzenn, éde a ngá ke dɔ kwíñ ásí, éñe kaa ákoan ya dzóm enziŋ été, fáve mekyéññ. Ané a ngá dzó dɔ ná,

“Ebumá é táa bera kwíñ ébe wa tám enziŋ!”

Éde elé Igera é ngá mana kót etěññ te ébyen. ²⁰Niané beyága bé ngá yén dzam te, ané bé ngá ku mevoó, béé dzó ná,

“É ne bɔ á yá ná elé Igera dá kót abímm avóó dí?”

²¹Éde Yesus a ngá yalan ya bó ná,

“Bébélá ma dzó mína ná ngé míní belé mbwínánn kaa ki áyep á nlém, mína ye bɔ se fáve édí é bɔ elé Igera, fáve ná atwaa ngé mína dzó nkoó wí ná, ‘Kólogé ó vá, o kéñ ku á máŋ été.’ Éñe dá ye bɔ néa.” ²²Éde édí áse mína dzaa ya meyaglán, míní bwíni, mína ye dɔ ñɔŋ.

É nguu edzwée Yesus

²³Éyɔŋ a ngá ñí á templo, éde betébosú befára ya mikúkúma míye áyɔŋ, éde bé ngá nzu koan ya ñí éyɔŋ a ngá yágale bot, ané bé ngá dzó ná,

“Edzwée evé wa bɔ ya dɔ é mam má? Ngé ki ná nzá aá vé wa édzwée te?”

²⁴Ve Yesus ñí a ngá yalan ya bó ná,

“Ma ma ye fe mína vé nsílí mbɔɔ; dzam te ngé míní yalan ma ya dɔ, véa, ma ma ye fe mína kat ya edzwée evé ma bɔ ya dɔ é mam má. ²⁵É nduann Juan, ó mbé éwí ye óvé? Ye éwí ye á dzóp, ngé ki éwí bot?”

Ané bé ngá ke bá lėran benzósoó bébyen ya bébyen, béé dzó ná, “Ngé bí dzó ná éwí ye á dzóp; aa ye bía dzó ná, ‘Amú dzé míní ndzí ñí bwíni?’

²⁶Ve, ngé bí dzó ki ná; éwí bot’, bía kɔ nkuna bot wɔŋŋ, amú ná bot bése bá ñɔŋ ná Juan a ne nkúlu medzó.” ²⁷Éde bé ngá yalan ya Yesus ná,

“Bíá yem.”

Ané ñí a ngá dzó fe bó ná,

“Ma mǎa ye ki mína kat ya edzwée evé ma bɔ ya dɔ é mam má.”

É nganán bóŋŋ bé beañ

²⁸“Ve, mína téa é dzam dí á yá? Mot enziŋ a mbé a belé bwán bé beañ, éde a ngá ke kwíñ ébe éñí ósúá, a dzóo ñí ná, ‘Á mwán, kėŋ bɔ esěññ áfúp émuú.’ ²⁹Éde a ngá yalan ná, ‘Mǎá kómo dɔ bɔ!’ Ve, ñí a ngá sũgan tsén osímánn, a kéñ. ³⁰Ané a ngá ke kwíñ ébe é mwán mbɔɔ, ñí aa dzó fe dzam avóɔ ya avóɔ. Éde a ngá yalan ya ñí ná, ‘Á ntí, ma ke.’ Ve, ñí eé ndzí ke. ³¹Éde bé beañ béte nzá aá bɔ nkómánn éséá?”

Ané bé ngá yalan ná, “Éñí ósúá.”

Éde Yesus a ngá dzó bó ná,

“Ma dzó mína bébélá ná beñɔŋ mfóŋsí bábe bindendea bí biningá, ébó bá ye tára ñí edzwée ngómán Nzamá ye mína. ³² Amú ná Juan a ngá só ya mína é nzenn é ne nzósoó, mína mína kaa ñí ábwíni; ve, beñɔŋ mfóŋsí bábe bindendea bí biningá ébó bé ngá bwíni ñí. Ve, niané mína ngá yén dzaŋ te, véa míní ndzí ki dzoban ná míní bwíni ñí.”

É nganán bembéa bebo biséññ

³³ “Béágán nganán fé: Mot enziŋ a mbé a tóó myenn ndá, mot te aá beñ afúp midzik mí vino, éde a ngá boman dɔ ya ongóo; á kom ekiliga bibumá bí vino, ané a ngá lón fe nkum. Éde a ngá kee dɔ ó lén ya bebeñ mefúp benziŋ, a kéñ ékena.

³⁴ Niané é tám bá ñɔŋ bibumá e ngá kwíñ, véa éñe a ngá lóm áloá deñ ébe bebeñ mefúp béte, á mfá ye ná á ñɔŋ bíbumá byeñ. ³⁵ Éde bebeñ mefúp béte bé ngá biñ áloá deñ, ovóó bé ŋga yít wó, éwí ovóó bé ywíñ wó, éwí ovóó wá bé ŋga lúm mekwá. ³⁶ Ané a ngá bera lóm aloá afé álot é tán édí ósúá; éde bé ngá bɔ dɔ dzaŋ avóó ya avóó.”

³⁷ “Ve, asúgánn ye été, éde a ngá lóm é mwán weñ ébe bó, eé dzó ná, ‘É mwán wóm éñe bá ye vé ngaŋŋ.’ ³⁸ Niané bebeñ mefúp bá bé ngá yén mwán te, éde bé ngá dzó bébyen ya bébyen ná, ‘É mot aa ye lígi ya afúp éñe ñí. Nzaán bí ywíñŋán ñí, véa bí dut é tsígá deñ.’ ³⁹ Ané bé ngá biñ ñí, bé wea ñí afúp átán, bé ywíñ ñí.”

⁴⁰ Édo ná, niané myenn afúp aa ye só, aa ye bɔ bebeñ mefúp béte á yá?

⁴¹ Ané bé ngá yalan ya ñí ná,

“Aa ye vé mbéa bot béte asúgánn é ne áŋgónó, véa a kee afúp ó lén ébe bebeñ mefúp befé ná bá yáán ya ñí bíbumá byeñ é tám bá fwát bibumá.”

⁴² Éde Yesus a ngá síli bó ná,

“Ye míní ndzí lán eyɔŋ enziŋ Mítsili été? Ná,

‘Ákwá belón bé ngá tep,

édo é veŋan yaá ákwá dá daŋ ya eban.

Ntí éñe a bɔ yaá dzaŋ te,

é ne fe eyágán dzaŋ é mís mea.’ ”

⁴³ “Akála te édo ma dzó mína ya dɔ ná bá ye mína vea edzwée ngómán Nzamá, bé kee dɔ áyɔŋ dá wúm ébumá deñ. ⁴⁴ Éde é mot aa ye ku akwá te áyóp aa ye mana búgu; ve éñí dá dá ku fe áyóp dá ye ñí lík meñuŋ.”

⁴⁵ Niané betébosú befára ya befariseo bé ngá wók ménganán meñ, éde bé ngá nú tán ná ébó aa kóbo ya bó. ⁴⁶ Éde bé ngá dzéŋ ná bé biñ ñí; ve bé ngá kɔ nkuna bot wɔŋŋ, amú ná bé ngá ñɔŋ ñí ná ané nkúlu medzó.

É nganán fét alúkgán

22 ¹Véa, Yesus a ngá bera kóbo ya bó ya menganán, eé dzó ná, ²“Édzwée ngómán ye á dzóp dá fonan ya é kéza a ngá bó fét alúkgán mfá é mwán weñ. ³Éde a ngá lóm áloá dén ná bé ke lwée é bot bé mbé mbánán á fét alúkgán, ve bée ndzí kómo só. ⁴Ané a ngá bera lóm áloá afé, eé dzó bó ná, ‘Dzógán é bot bé mbé mbánán ná me mana yaá koman é fét dam; me ywíñ yaá beñát bam ya bétsít bé ne ya avóŋ; éde ná ásesé á ntóó nkomann; nzaán é fét alúkgán.’

⁵Ve, é bot béte bée ndzí do bís, ané bé ngá ke, mbóó áfúp deñ, éñí mbóó ní a ókira weñ, ⁶éde, ébá bevóó, bá bé ngá biñ áloá deñ, bé nga yít do, bé ywíñ fe do.

⁷Ané kéza a ngá yéá, a lóm mísámá benzima myeñ, ná bé ywíñ beywíñ bot béte, bé mana fe dzígi é kísoan deba. ⁸Véa éñe a ngá dzó áloá deñ ná, ‘Fét alúkgán é ntóó nkomann, ve é bot bé mbé mbánán bée ngá yian fét te. ⁹Édo ná, kenán á maagán ménzenn, éde é bot bése mína koan ya bó bánagán bó ó fét alúkgán.’ ¹⁰Ané aloá te é ngá ke ménzenn ya ménzenn, bé mana kóán é bot bése bé ngá koan ya bó, ané mbéa bé bot ané mbamba bé bot; véa ndá alúkgán e ngá dzéñ ya beyéŋ.

¹¹Ve éyóŋ kéza a ngá níi ná a yén beyéŋ béye alúkgán, éde a ngá yén mot ó véa, kaa ábwát wun ye alúkgán. ¹²Éde a ngá dzó ní ná, ‘Á mwíi, o níi ó vá á yá, wa kaa ábwát wun ye alúkgán?’ Ve ní a ngá sis evóó. ¹³Éde kéza a ngá dzó bevwála bíséññ ná, ‘Kágán ní mó ya mebo, míní wea ní é dzíbi é ne átán; ó weñ, éñe miyóñn ya fe álaran mesoŋŋ byá ye bo.’ ¹⁴Amú ná abwiññ é ne ntélán, ve ayomm bot édo é ne mitópbán.”

Mfá mfóŋsí

¹⁵Ané befariseo bé ngá ke bá dzéŋ bébyen ya bébyen ámvála bé ne níi duk ya efíá enziŋ. ¹⁶Éde bé ngá lóm ní báyága beba fufúlu ya beerodiano, bée dzó ná,

“Á nyágale, bía yem ná o ne bébélá mot, wa yágale fe bot é nzenn Nzamá ya bébélá, wáá ke ki ya mot enziŋ ngamm, amú ná wa ñoŋ mot áse ntéññ mbóó; ¹⁷Édo ná, dzóge bía, wa yén é dzam dí á yá? Ye dá yian, ye dáá yian ki ná bé yáán ya Sesar mfóŋsí?”

¹⁸Ve Yesus, ní eé yem ekúkwát nlém deba, éde a ngá dzó ná,

“Á bot meduk, amú dzé mína bóble ma? ¹⁹Léregán ma nsaŋ moann, éwí mfóŋsí.”

Éde, bé ngá só ya ní denario mbóó. ²⁰Ané a ngá síli bó ná, “Nzá a ne ya ású dí ya fe ntsili wí?”

²¹Éde bé ngá yalan ya ní ná,

“Éwí Sesar.”

Ané a ngá dzó bó ná,

“Váán fá Sesar, édí Sesar, Nzamá nĩ ya édí Nzamá.”

²²Niané bé ngá wók ddam te, ané bé ngá ku mevoó; éde bé ngá lík nĩ, bé kéñ.

Nsílí mfá nwómán miwúán

²³Mos te, Besaduseo bé ngá nzu koan ya nĩ, ébá bá dzó ná nwómán miwúán ó sés, éde bé ngá sílí nĩ ná,

²⁴“Á nyágale, Moisés aá dzó ná, ‘Ngé mot enziŋ aa wú kaa bwán, mwanñaŋ aa ye lúk é miningá weñ, ná á fwiñ mwanñaŋ mvɔŋ bot.’

²⁵Éde é ne ná, bɔbɛñaŋ zangbéá bé mbé énzénzan dea; éde éñí ósúá aá lúk miningá, aa wú kaa álík mvɔŋ, aá lík mwanñaŋ miningá te. ²⁶Amvála te fe éñí beañ ya éñí léa, akekwiñ éñí zangbéá. ²⁷Ó mvús véa, miningá nĩ aa wú fe. ²⁸Édo ná, é tám nwómán miwúán, é bɔbɛñaŋ zangbéá bá, miningá aa ye bɔ éñí nzá? Amú ná bésésé bá mana nĩ lúk?”

²⁹Ve Yesus a ngá yalan ya bó ná,

“Mína vus! Mínaá wók Mitsili, ngé ki é nguu Nzamá! ³⁰Amú ná á nwómán miwúán, báá lúk ngé ákee biningá mélék, fáve ná bé ne ané é baángel Nzamá á dzóp été. ³¹Ve mfá nwómán bewú, ye mínaá bé lán édí Nzamá a ngá kɔbɔ, eé dzó ná, ³²‘Ma me ne é Nzamá Abraam, ya é Nzamá Isaak, ya é Nzamá Jakob?’ Nzamá a sés Nzamá ye bewú, fáve éñí betétéá!”

³³Niané mikuna mí bot mí ngá wók ddam te, éde bé ngá kám ákála áyágale deñ.

Mvéna dá dan ya eban

³⁴Niané befariseo bé ngá wók ná Yesus a lík yaá besaduseo bivóó, ané bé ngá kóán fufúlu; ³⁵éde mbóó ye été, nyem metsiŋŋ, eé bóble nĩ, ané a ngá sílí nĩ ná,

³⁶“A nyágale, Mvéna fé dá dan ya eban á nkɔó métsiŋŋ été?”

³⁷Éde a ngá yalan ya nĩ ná,

“Dziŋŋe Ntí é Nzamá we, ya nlém we óse, ya éniŋ dzwe ése, ya ósímánn we óse. ³⁸Mvéna te édo dá dan ya eban, ya éñí ósúá. ³⁹Éñí beañ dá dá fonan fe ya éñí te, ‘Dziŋŋe é mot mbóó ané wa dziŋ wámyen.’ ⁴⁰Atsiŋŋ áse ya bekúlu medzó éne bé tsini mémvéna mé beañ má.”

Kristo a ne é mwán nzá?

⁴¹Ákoan ná befariseo bé ngén bé kóán, ané Yesus a ngá sílí bó, ⁴²ná, “Mína síman á yá mfá Kristo? A ne é mwán nzá?”

Éde bé ngá yalan ñí ná,

“A ne é mwán David.”

⁴³ Ané a ngá dzó bó ná,

“Éde, a nsísim été, amú dzé David aa lwée ñí ná ‘Ntí,’ eé dzó ná,

⁴⁴ ‘Ntí aá dzó Ntí wóm ná,

Tɔbɔgé ósí á mfá méyóm wóm,

akekwíñ ná ma ye bwíi bésíj bwe

mebo mwe ásí?’

⁴⁵ Édo ná, ngé David a lwée ñí ná Ntí, a ne fe ñí bo mwán á yá?”

⁴⁶ Éde mot enziñ éé mbé fe yalan ya ñí atwaa efíá evóó, atée ye mos te mot enziñ éé ngá nzomo fe ná a síli ñí dzam.

Yesus aa sóman beyágale métsiññ ya befariseo

23 ¹ Ané Yesus a ngá kóbo ya nkuna bot ya fe beyága beñ, ² eé dzó ná,

“Beyágale métsiññ ya befariseo bé mbelé ntúmm édzwée Moisés.

³ Édo ná, bogán, dzálágán fe édí áse bá dzó mína; ve míní táa bo amvála ané míboann myeba mí né, amú ná bá dzó, ve báá bo.

⁴ Bá ká míbaga mí ne adziít ya ayéñ, bé bwíi myo bot mébán áyóp.

Ve bébyen báá kómo myo fógó ya ónuú weba. ⁵ Ve, bá bo míboann myeba míse á mfá ye ná bot bé yén bó; amú ná bá bo míkóó bífús mitsili myeba minén, bá bo fe méfaáp métóp meba ayaáp. ⁶ Ve, bá dziñ bá tɔbo bítóó bí ngaññ méfét bidzí, ya bítóó bíye ósú á besinagoga, ⁷ ya fe mibóló mí ngaññ á misenñ mí mákít, ya fe ná bot bé lwée bó ná Rabí.

⁸ Ve mína, míní táa lík ná bot bé lwée mína ná Rabí; amú ná mbóó éñe a ne Nyágale wenan, (Kristo); mína bésésé mína míní ne bóbéñañ. ⁹ Míní táa ki lwée mot enziñ ná ésúá wenan á sí ó vá, amú ná mbóó éñe a ne Ésúá wenan, éñí a ne á dzóp été. ¹⁰ Míní táa ki lík ná bé lwée mína ná belére nzenn; amú ná mbóó éñe a ne nlére nzenn wenan, Kristo. ¹¹ Éde é mot aa dan ya eban ébe mína, aa ye bo mvwála bíséññ wenan mína. ¹² Ve, é mot aa bére émyen ó yóp, aa ye tɔbo nsilann ósí, éñí ñí aa síli émyen ósí, aa ye tɔbo mbélánn ó yóp.

¹³ Á beyágale métsiññ ya befariseo, ngwáa ya mína, bot meduk! Mína dzip fá é bot bevóó édzwée ngómán ye á dzóp, mína bébyen kaa áñíi, kaa ki álík é bot bá ñíi ná bá bé ñíi.

¹⁴ [Á beyágale métsiññ ya befariseo, ngwáa ya mína, bot meduk! Mína bo méyaglán menan ayaáp mfá ádzí mikús mí biningá byém; ya akála te, mína ye bíra ñoñ méku.]

¹⁵ Á beyágale métsiññ ya befariseo, ngwáa ya mína, bot meduk! Mína boman sí ya mán ná míní wún mot mbóó nyébé wenan. Niané

ñí a bɔ yaá fe dɔ, mína bɔ ñí mwán ye ébéññ ndúán tán biyɔŋ bí beañ álot mína bébyen.

¹⁶Á midzíndzímmyá lére nzenn, ngwáa ya mína! Mína é bot mína dzó ná, 'É sés dzam enziŋ ná, ngé mot aa kan sɔŋ eé túp templo; ve, ngé aa kan sɔŋ eé túp koŋ ye á templo, aa tɔbɔ ntsinann amú nkanann sɔŋ weñ.' ¹⁷Á mékút mé bot ya midzíndzímmyá! Amú ná, dzé dá daŋ ya eban; ye koŋ, ye é templo dá tɔ koŋ eki?

¹⁸Mína dzó fe ná, 'É sés dzam enziŋ ná ngé mot aa kan sɔŋ eé túp altar; ve, ngé aa kan sɔŋ eé túp bívévé bí ne áltar áyóp, aa tɔbɔ ntsinann amú nkanann sɔŋ weñ.' ¹⁹Á midzíndzímmyá! Amú ná, dzé dá daŋ ya eban; ye bívévé, ye áltar dá tɔ bívévé eki? ²⁰Édɔ ná, é mot aa kan sɔŋ eé túp altar, aa kan sɔŋ amú altar ya fe é dzóm áse é ne áltar áyóp. ²¹Éde, é mot aa kan sɔŋ eé túp templo, aa kan sɔŋ mfá templo ya fe é mot a tɔɔ été; ²²éñí ñí aa kan sɔŋ eé túp dzóp, aa kan sɔŋ mfá étɔɔ édzwée Nzamá ya fe éñí a tɔbɔ dɔ.

²³Á beyágale métsiŋ ya befariseo, ngwáa ya mína, bot meduk! Amú ná mína vé osaŋ ngap awóm, ya mesep, ya okám; ve míní lík yaá é mam má daŋ ya eban métsiŋ été, ané nzósoó, nyénánn engóngɔɔ, ya mbwínánn. Émɔ má mína yian bɔ, ve kaa ki álík é mam mevɔɔ méte. ²⁴Á midzíndzímmyá lére nzenn! Mína féá eññáŋ, ve mína min kamelio!

²⁵Á beyágale métsiŋ ya befariseo, ngwáa ya mína, bot meduk! Amú ná mína sop elas átán ya fe efela; ve été, bí tɔɔ ndzálánn ya dzíp ya mboann mam tugá. ²⁶Á ndzíndzímmyá mwann fariseo! Táragé sop elas été ya fe efela, á mfá ye ná átán ñí a tɔbɔ fe mfúbánn.

²⁷Á beyágale métsiŋ ya befariseo, ngwáa ya mína, bot meduk! Amú ná mína fonan ya mésoŋ mé ne nwáan mfúm, bébélá má yéne mvéáñ átán, ve été mé ne ndzálánn ya biveés mibim ya fe mvín ése. ²⁸Amvála te fe mína, bébélá mfá átán mína fonan ya benzósoó bé bot, á bot été, ve mfá été, míní tɔɔ ndzálánn ya meduk ya ntsamann metsiŋ.

²⁹Á beyágale métsiŋ ya befariseo, ngwáa ya mína, bot meduk! Amú ná mína lón mésoŋ bekúlu medzó, mína bwára fe mésoŋ benzósoó bé bot. ³⁰Véa, mína dzó ná, 'Ngé bí tɔbɔ éniŋ melú betará bea, ngé bíí ndzi ke ya bó ngamm éyɔŋ bé ngá ywíñ bekúlu medzó.' ³¹Amvála te édɔ, mína vé mína bébyen mbéa ngañiá, ná míní ne é bwán é bot bé ngá ywíñ bekúlu medzó. ³²Mína dzálá fá é mam beésúá benan bé ngá tára mboann!

³³Á beñó! Áyɔŋ beféñ! Mína ye túp nkíkán nsan ye ébéññ ndúán á yá? ³⁴Amú dzam te, dágán ná ma lóm mína bekúlu medzó, ya bebelé kén, ya beyágale métsiŋ; ébe ébɔ, mína ye ywíñ bevɔɔ benziŋ ya áke ya bó á krús, ébá bevɔɔ bá mína ye yít básinagoga

benan été, mína ye fe b́ dzéŋ así bekísoan ya bekísoan; ³⁵néa éñe mékií mése benzósoó bé bot, má ye nzu ébe mína, é má mé swiiban yaá ósí, atéé ye mékií nzósoó mot Abel, akekwiñ mékií Zakarías, é mwán Berekías, éñí míní ngá ywiñ énzénzanj templo ya altar. ³⁶Bébélá ma dzó mína ná, dzam te áse dá ye nzu ébe myee bot wí.”

Yesus aa yi Yerusalen

³⁷“Á Yerusalen, á Yerusalen, éñí a ywiñ bekúlu medzó a lúm fe é bot bá lóm ébe éñe mekwá! Biyɔŋ táŋ á yá me kómo yaá kóán é bwán bwe amvála ané kúp dá kóán é bwán beñ méfaáp así, ve míníí ndzí kómo! ³⁸Dággán ná, é ndá dzenan da lígi ekuút. ³⁹Ma dzó fá mína ná, mínáá ye ma bera yén, akekwiñ tám dá ye kwíñ, éyɔŋ mína ye dzó ná,

‘Abwará ya éñí a nzu ya éyola Ntí!’ ”

Yesus aa kat fwéñ ná templo dá ye bólo

24 ¹Niané Yesus a ngá kólo á templo, eé ke, ané báyága beñ bé ngá yit ní bebeñ mfá álére ní mendá méye á yát templo. ²Ve ní a ngá yalan ya bó ná,

“Ye mínáá yén ásesé ní? Ma dzó mína bébélá ná, ó vá, akwá dáá ye lígi é bóo ákwá avósó áyóp ná báá ye dɔ wea ósí.

Méndem méye ásúgánn éniŋ

³Éde, Yesus a tɔ́ ósí á nkoó Álíba, ané báyága beñ bé ngá nzu koan ya ní évwíñ, béé dzó ní ná,

“Katge bía, dzam te dá ye bɔban ódén, nzá ndem ki dá ye yéne á mfá ásósó we, ya á mfá ásúgánn ye é tám ní?

⁴Éde Yesus a ngá yalan ya bó ná,

“Dággán ná mot enziŋ a táa míní bɔ ná míní lés. ⁵Amú ná abwiññ bot dá ye sɔ ya éyola dam, béé dzó ná, ‘Ma me ne Kristo.’ Édo ná, bá ye bɔ ná abwiññ bot é lés. ⁶Míní nkún wók ná melúmán mé nga nzu yaá, ya fe meñŋ melúmán. Ve tɔbɔgán nkée ná míní táa sigan, amú ná dá yian bɔban; ve, ásúgánn dáá bé ó véa. ⁷Amú ná ayɔŋ dá ye tébe ayɔŋ avósó á ngamm áyát, édzwée ngómán dá é tébe édzwée ngómán evósó á ngamm áyát; nzeñ da ye bɔ, mífógán mí sí myá ye bɔban ébe mevóm ya mevóm. ⁸Ve mam méte mése mé ne fáve átáraga mitéñ mí mye.

⁹Édo ná, bá ye mína kee ná míní yén midzuúk; bá ye mína ywiñ, meyɔŋ mése má ye mína víni akála éyola dam. ¹⁰Édo ná, abwiññ bot dá ye dzímle mbwínánn, bevósó bá ye kuan ébá bevósó, bevósó bá ye víni ébá bevósó. ¹¹Abwiññ minéneá bekúlu medzó dá ye váma, bé nga

duk abwiññ bot. ¹²Édziñ abwiññ bot dá ye vóbo, amú ná ntsamann metsiñ wá ye vém. ¹³Ve é mot aa ye nzomo akekwiñ asúgánn, mot te éñe aa ye tɔbo nkoránn. ¹⁴Éde, é mbamba fwéñ ye Édzwée ngómán ní aa ye katban eniñ ngúra, ané ngañiá á mfá meyoñ mése, véa, éñe asúgánn dá ye bɔ.

¹⁵Édo ná, éyoñ mína ye yén é dzam Nzamá aa víni, edí dá sɔ ya ntsamann, edí Nkúlu medzó Daniel a ngá dzó ya dɔ, é ntéle é vóm ó ne eki (Wa, é mot wa lán, wókge), ¹⁶tám te, é bot bá ye tɔbo á Judea, bé túpge bé kéñ míkoó. ¹⁷Éde, é mot aa ye tɔbo á ndzií áyóp, a táa sigi ná a twáa byém é ndá dzeñ été. ¹⁸Éñi aa ye tɔbo áfúp, a táa búlán ó mvús ná aa twáa ékót deñ. ¹⁹Ve, ngwáa ya é biningá bá ye bɔ mebum, ya ébá bá ye ñéa bwán melú méte! ²⁰Ve yaglánán ná ntúpbán wenan ó táa bɔban á mbéa metám mé mveñ ya avép, ngé mos Sátará; ²¹amú ná tám te, midzuúk myá ye bɔ abwiññ, ámvála dáá bé tara bɔban atéé ye átaraga eniñ anzukwiñ áwola dí, dáá ye ki bera bɔban eyoñ enziñ. ²²Éde, ngé melú méte mé bɔ kaa ákígi, ngé mot enziñ áá ye tɔbo nkoránn; ve, ya akála é bot bé ne mitópbán, melú méte má ye kígi.

²³Éde ngé mot aa dzó mína ná, ‘Dággán, Kristo éñe ní,’ ngé ki ná, ‘A ne ólwí,’ míní táa ní yébe. ²⁴Amú ná minéneá bekristo ya minéneá bekúlu medzó myá ye váma, bé nga lére bora mendem ya biyágán bí mam á mfá ábo ná bot bé lés, atwaa ébá bé ne mitópbán, ngé dá é ne ki bɔban. ²⁵Yénján ná me tara yaá mína dɔ dzó. ²⁶Édo ná, ngé bé dzó mína ná, ‘Dággán, a ne ólwí, éyáñ été,’ míní táa ke; ngé ki ná, ‘Dággán, a ne bídziná été,’ míní táa yébe. ²⁷Amú ná amvála ané vevés da téé é vóm nlódzóp wá kwíñ á nga yéne akekwiñ é vóm wá dzím, néa fe, ássó é Mwán Mot wá ye bɔ. ²⁸É vóm mbim ó bóo, vóm te éñe mikúñ myá ye kóán.”

Ássó é Mwán Mot

²⁹“Ve, niané midzuúk míye melú méte myá ye mana, etéñ te ébyen,

‘Nlódzóp wá ye bɔ dzíbi,
ngomdan da dáá ye ki vé éyéá deñ,
atéteñ dá ye kóbo á dzóp,
ané menguu méye á dzóp má ye sukban.’

³⁰Eyoñ te éde é ndem é Mwán Mot dá ye yéne á dzóp; éde meyoñ mése méye é sí ní má ye tɔbo eywiññ, véa éñe bá ye yén é Mwán Mot eé sɔ míkút míye á dzóp été, ya nguu ya mora dúmá. ³¹Éde aa ye lóm é baángel beñ ya mora kíñ tón, bá ye kóán mítópbán mí bot myeñ ébe mífá mí sí mí nii, atéé ye é vóm dzóp dá tara akekwiñ é vóm dá mana.”

Ayágale é nganán elé Igera

³²“Biññán ayágale é nganán elé Igera: Éyɔɔ mitem myeñ mí ntɔɔ numm, mí nga kúlu mifefeñ mékyéññ, mína yem ná esep é ntɔɔ bebeñ. ³³Amvála te fe mína, éyɔɔ mína ye yén é mam mése má, yemñán ná tám é ntɔɔ bebeñ á míbéñ. ³⁴Ma dzó mína bébélá ná myee bot wí wǎá ye lot, akekwiñ ná mam méte mése má bɔban. ³⁵Dzóp ya sí byá ye lot, ve bífiá byam byǎá ye lot amvála enziɔ.”

Mot enziɔ ǎá yem áwola te

³⁶“Ve mfá mos te ya áwola te, mot enziɔ ǎá yem, atwaa baängel béye á dzóp été, [ngé ki Mwán,] fáve Éséá etámm. ³⁷“Amú ná amvála ané mélú Noé, éñe fe dá ye bɔ néa áśś é Mwán Mot. ³⁸Amú ná mélú méte kaa ná mora mveɔ á nɔɔ, bot bé ngá dzí ya ñú, béé lúk, béé kee fe bengwan mélúk, akekwiñ é mos Noé a ngá ñíi árka été. ³⁹Éde béé ndzí wók akekwiñ éyɔɔ mora mveɔ a ngá sɔ e mana bó vea bésesé; éñe fe dá ye bɔ néa áśś é Mwán Mot.

⁴⁰Tám te bot bé beañ bá ye tɔbɔ áfúp, bá ye ñɔɔ mbɔɔ ye été, éñí mbɔɔ ñá bé lígi. ⁴¹Biningá bé beañ bá ye kwa bidzí akwá avɔɔ, bá ye ñɔɔ mbɔɔ ye été, éñí mbɔɔ ñá bé lígi. ⁴²Édo ná, tɔbɔgán evévéñ, amú ná mínǎá yem nzá mos Ntí wenan aa ye sɔ. ⁴³Ve, yemñán é dzam dí ná, ngé myenn ndá á yem tám fé ye á alú ndzídzip wá ye sian, ngé aa ye tɔbɔ evévéñ kaa álík ná ndzídzip ó bwíñ é ndá dzeñ. ⁴⁴Amú dzam te, mína tɔbɔgán fe nkomann, amú ná é Mwán Mot aa ye sɔ áwola mínǎá yem.”

Mbamba oloá ya mbéa oloá

⁴⁵“Nzá a ne óloá wá túga dzálá ya mfefák, éñí é mása weñ a ngá téle kabatás é ndá dzeñ, á mfá ye ná á vé edí avɔɔ ngap bidzí é tám dá yian? ⁴⁶Abwará ya óloá te, éwí é mása weñ aa ye koan ya wó, weé bɔ amvála te, éyɔɔ aa ye sɔ. ⁴⁷Ma dzó mína bébélá ná aa ye wó téle ná ó dzwée é byém byeñ bíse. ⁴⁸Ve, ngé mbéa oloá te ó dzó á nlém weñ été ná, ‘É mása wɔm aa bem,’ ⁴⁹ó nga tára ná wá yít edí avɔɔ, ó tébe fe ná wá dzí, ya áñú bábe bífian meywa. ⁵⁰É mása oloá te aa ye sian é mos oloá te wǎá yana; ya fe áwola ó ne kaa áyem; ⁵¹aa ye wó bíra lére bindáglé aa kee fe é ngap deñ bábe bot meduk; ó weñ éñe miyónn myá ye bɔ ya fe álaran mesoɔɔ.

É nganán awóm bindúnn bingwan

25 ¹“Éde, édzwée ngómán ye á dzóp dá ye fonan ya awóm bindúnn bingwan, ébyɔ bí ngá twáa béláma beba, ané bé ngá kólo ná bá ke koan ya é fám da lúk miningá. ²Bé tán béye été bé mbé

mekút, bé tán bevóó bá nkée. ³Amú ná ébá bé mbé mekút, bá twáa beláma beba, ve bá kaa átwáa mbwánn fufúlu ya beláma; ⁴ve, ébá bé mbé nkée bé ngá ke ya mbwánn méfon été fufúlu ya beláma beba.

⁵Niané é fám da lúk e ngá bem, ané bésesé bé ngá wók óyó, véa bé bómo ósí. ⁶Éde bé ngá wók kíng énzénzan alú, deé yónán ná, ‘Dággán ná, é fám da lúk miningá édo ní! Nzaán koan ya ní.’

⁷Ané bindúnn bingwan bíte bíse bí ngá vee óyó, éde bé ngá kom beláma beba. ⁸Éde ébá bé mbé mekút bé ngá dzó ébá bé mbé nkée ná, ‘Váán bía oyomm mbwánn wenan, amú ná beláma bea bé nga dzím yaá.’

⁹Ve, ébá bé mbé nkée bá bé ngá yalan ná, ‘Kaa, ó nza bo kaa bía áyian bíabe mína; dá yian ná míní ke ébe é bot bá kuan mbwánn, ná míní kus á mfá wenan.’

¹⁰Éde, ntéññ bé ngá ke kus, éñe é fám da lúk e ngá sian, ané ébá bé mbé nkomann bé ngá níi ó fét alúkgán bábe bó, éde bé ngá dzip mbéñ. ¹¹Véa, éñe ébá bevóó bá bé ngá sian, bé nga dzaa ná, ‘Á Ntí! Á Ntí! Kúugé bía mbéñ!’

¹²Ve, ní a ngá yalan ná, ‘Ma dzó mína bébélá ná mää yem mína.’

¹³Édo ná, tɔɔgán evévéñ! Amú ná mínáá yem mos, ngé ki áwola [é Mwán Mot aa ye sɔ].”

É nganán moann

¹⁴“Amú ná, édzwée ngómán ye á dzóp é ne amvála ané mot enziɲ, ná éyɔɲ a ngá ke ékena, aa lwée áloá deñ, éde a ngá lígi ya bó ya é byém byeñ. ¹⁵Ané a ngá kee mbóó baakúru bé tán, éñí mbóó baakúru bé beañ, éñí mbóó nía akúru mbóó, kada mot ya ábímm ngu deñ, véa a kéñ ékena.

¹⁶Éyɔɲ é mot a ngá ñɔɲ baakúru bé tán a ngá kólo, éde a ngá ke bo ya bó okira, véa aá wún baakúru bé tán befé. ¹⁷Amvála te fe, é mot a ngá ñɔɲ baakúru bé beañ, ní aá wún baakúru bé beañ befé. ¹⁸Ve, éñí ní a ngá ñɔɲ akúru mbóó a ngá ke, éde a ngá fá ébéññ ósí, ané a ngá swaale é moann é mása weñ.

¹⁹Niané abwiññ tám é ngá lot, ané é mása aloá te a ngá sɔ, á nga bo bó sitwá. ²⁰Éde éñí a ngá ñɔɲ baakúru bé tán a ngá sɔ ya baakúru bé tán befé, eé dzó ná, ‘Á mása, waá kee ma baakúru bé tán; dággé ná me wún yaá baakúru bé tán befé.’

²¹Ané é mása weñ a ngá dzó ní ná, ‘Á mbamba oloá bá tɔbo ya wɔ mebúnn, mvéañ! O dzálá yaá mvéañ ébe avítsan byém; ma ye wa téle ná o dzwée abwiññ. Nzaá níi mėsán é mása we!’

²²Éde, éñí a ngá ñɔɲ baakúru bé beañ ní a ngá sɔ fe. Ané a ngá dzó ná, ‘Á mása, waá kee ma baakúru bé beañ; dággé ná, me wún yaá bé beañ befé.’

²³Éde é mása weñ a ngá dzó ñí ná, ‘Á mbamba ya oloá bá tɔɔ ya wɔ mebúnn, mvéáñ! O dzálá yaá mvéáñ ébe avítsan byém; ma ye wa téle ná o dzwée abwiññ. Nzaá ñíi mészán é mása wel’

²⁴Ve, niané éñí a ngá ñɔɔ akúru mbɔɔ a ngá sɔ, éde a ngá dzó ná, ‘Á mása, me ngá yem ná o ne aleét mot, wa yoo é vóm weé ndzí beñ, wa kóán é vóm weé ndzí myea; ²⁵éde, amú wɔɔɔ, maá ke, me swaale akúru we á sí été; dágge ná é dzóm dwe édo dí.’

²⁶Ve, é mása weñ ñí a ngá yalan ya ñí ná, ‘Á mbéa oloá ya ndéndeát, o ngá yem ná ma yoo é vóm meé ndzí beñ, ma kóán fe é vóm meé ndzí myea. ²⁷Édo ná o ngá yian ke nii é moann wɔm é ndá bemoann, ná niané má sɔ ngé má ñɔɔ é moann wɔm ya miséɔɔ áyóp.

²⁸Édo ná, ñɔɔɔán ñí akúru, míní kee ñí é mot a belé awóm baakúru. ²⁹Amú ná é mot áse a belé, bá ye ñí bera vé, véa, aa ye belé abwiññ; ve, éñí ñí éé belé, atwaa édí a belé, dá bá ye ñí do ñɔɔ. ³⁰Éde, weagán oloá ó ne kaa eban te é dzíbi é ne átán; ó weñ éñe miyónn myá ye bɔ ya álaran mesoɔɔ.’ ”

Ákík meyoɔ misan

³¹“Ve, éyoɔ é Mwán Mot aa ye sɔ é dúmá deñ été, ya é [mifúfúp mí] baáɔgel bése bábe bɔ, tám te aa ye tɔɔ ósí étɔɔ édzwée ye é dúmá deñ; ³²ané meyoɔ mése má ye kóán ébe ású deñ; éde aa ye kána bevɔɔ ya ébá bevɔɔ, amvála ané nkálá mitómá aa kána mitómá bekábán été.

³³Aa ye téle mitómá á mfá meyóm weñ; ve, bekábán bá á mfá meyéa weñ. ³⁴Véa kéza aa ye dzó ébá bé ne mfá meyóm weñ ná, ‘Nzaán, mína é bot Tará a mana yaá vé abwará ya bɔ; ñɔɔɔán tsígá denan, édzwée ngómán é ntɔɔ mína nkomann atéé ye mvelann éniɔ. ³⁵Amú ná me ngá wók nzeñ, míní vé ma bidzí; me ngá wók evéé, míní ñúu ma mendzimm; me mbé nnéɔ, míní ñɔɔ ma; ³⁶me mbé swésweññ, míní bwára ma; me mbé nkúkwann, míní sɔ ma fép; me mbé á mbok, míní sɔ ébe ma.’

³⁷Véa benzósoó bé bot bá ye ñí dzó ná, ‘Á Ntí, tám fé bí ngá yén wa wók nzeñ, bí vé wa bidzí, ngé ki weé wók evéé, bí vé wa mendzimm? ³⁸Tám fé ki bí ngá yén wa ané nnéɔ, bí ñɔɔ wa, ngé ki swésweññ, bí bwára wa? ³⁹Tám fé ki bí ngá yén wa nkúkwann, ngé ki á mbok, bí sɔ wa fép?’

⁴⁰Kéza te aa ye yalan ya bɔ ná, ‘Bébélá ma dzó mína ná, é tám míní ngá bɔ do mot mbɔɔ ye é bɔbédzan bam bá, atwaa ébá bá dan ya avítsan, ma míní ngá bɔ do.’

⁴¹Véa, aa ye fe dzó ébá bé ne mfá méyéa weñ ná, ‘Kólogán ma ó mís, bot bí boɔle, keɔán é ndúán e ne mbéámbéa, éñí é ntɔɔ nkomann mfá déble ya é baáɔgel beñ. ⁴²Amú ná me ngá wók

nzeñ, mína kaa ma ávé bidzí; me ngá wók evéé, mína kaa ma ávé mendzímm; ⁴³me mbé nnéj, mína kaa ma áñɔɔj; me mbé swésweññ, mína kaa ma ábwará; me mbé nkúkwann, ya á mbok, mína kaa me nzu fép.’

⁴⁴Éde, bá bá ye fe yalan ná, ‘Á Ntí, tám fé bí ngá yén wa weé wók nzeñ, ngé ki evéé, ngé ki ané nnéj, ngé swésweññ, ngé ki nkúkwann, ngé ki á mbok; véa, bía kaa ábelan ya wa?’

⁴⁵Ané ñí aa ye bó dzó ná, ‘Bébélá, ma dzó mína ná é tám mína ngá bɔ dɔ kaa ábɔ mot mbóó ye ébá bá dan ya eban, míníí ndzí ki ma dɔ bɔ.’

⁴⁶Éde, ébá béte bá ye ke ákira é ne mbéámbéá, ve benzósoó bé bot bá éniɲ é ne mbéámbéá.”

Bá tébe Yesus enginiɲe

26 ¹A ngá bɔ ná, niané Yesus a ngá mana kóɔɔ mam méte mése, éde a ngá dzó báyága beñ ná,

²“Mína yem ná, nia melú mé beañ bá ye dzémle é fét Paskua, ané é Mwán Mot bá ye ñí kee ná bé ke ya ñí á krús.”

³Éde betébosú befára bábe mikúkúma míye áyɔɔj bé ngá kóan á yát ntébosú befára nnén bá lwée ná Kaifas. ⁴Ané, bé ngá tébe enginiɲe bébyen ya bébyen ná ya meduk bé biñ Yesus bé ywíñ fe ñí. ⁵Ve, bé ngá dzó ná, “Se tám fét, mfá ebíran é nza bɔ á bot été.”

Miningá aa wáa Yesus mbwánn énum

⁶Éde éyɔɔj Yesus a mbé á Betania, é ndá Simón, éñí a mbé a belé okwann nzamm; ⁷ané, miningá enziɲ a ngá sian a belé afoná mbwánn énum ó mbé mora tánj, éde a ngá swii wó Yesus nló éyɔɔj a mbé a tɔɔ ó téble. ⁸Ve, niané beyága bé ngá yén dzaɲ te, ané bé ngá wók abé, éde bé ngá dzó ná,

“Amú dzé bá ywíñ ntuk ámvála dí? ⁹Amú ná mbwánn énum wí bá tɔɔ wó kuan bora tánj, bé vé mitétéññ moann te.”

¹⁰Niané Yesus a ngá ñú dɔ tánj, éde a ngá dzó bó ná,

“Amú dzé mína bɔ miningá te sóm? A bɔ yaá ma mbamba dzaɲ.

¹¹Amú ná mína ye belé mitétéññ tám áse énzénzaɲ denan été, ve ma mínáá ye ma belé tám áse. ¹²Amú ná miningá te á swii ma mbwánn énum wí ó ñúu dam ná aa koman ma á mfá ndzepbann ó sɔɔj wɔm.

¹³Éde ma dzó mína bebélá ná, é vóm áse bá ye kat é mbamba fwéñ ñí, ébe éniɲ ngúra, bá ye fe kóɔɔ é dzaɲ é miningá ñí a mvá bɔ, ná bá síman ñí.”

Judas aa kuan Yesus

¹⁴Éde nyága mbóó ye báyága awóm ya bé beañ, éñí a mbé éyola ná Judas Iskariote, a ngá ke yén betébosú befára. ¹⁵Ané a ngá dzó bó ná,

“Nzá dzóm mína kómo ma vé á mfá ye ná me kuan mína ya ní?”

Éde bé ngá vak ní moann mí ngoós táŋ mewóm mé léa. ¹⁶ Ané, atéé ye eyɔŋ te a ngá tára ná aa dzéŋ é tám e ne mvéáñ á mfá ye ná aa ye kee bó ní.

Yesus aa dzí bidzí bíye ó Paskua

¹⁷ É mos ósúá ye é fét mífémm mí ne kaa levadura, beyága bé ngá ke kóan bábe Yesus, éde bé ngá síli ní ná,

“Vóm mbé wa kómo ná bí ke wa koman ná o dzí Paskua?”

¹⁸ Ané a ngá dzó ná,

“Kenján á kísoan, ébe mot enziŋ, míní dzó ní ná, ‘Nyágale aa dzó ná, “É tám dam é ntɔɔ bebeñ; ma ye dzémle Paskua é ndá dzwe bíabe beyága bam.”

¹⁹ Éde, beyága bé ngá bɔ ané Yesus a ngá mánan bó, amvála ané bé ngá koman Paskua.

²⁰ Niané á alú e ngá kwíñ, ané Yesus a ngá tɔbɔ ó téble bábe beyága awóm ya bé beañ. ²¹ Éde béé dzí, á nga dzó bó ná,

“Bébélá ma dzó mína ná mot mbɔɔ ye ébe mína aa ye ma kuan.”

²² Ané, bé ngá bíra tɔbɔ eywiññ, bé nga síli fe ní mbɔɔ ya mbɔɔ ná,

“Á Ntí, ye ma, ngeá?”

²³ Ve Yesus ní a ngá yalan ná,

“É mot á nii wéá éfela été bía ní, éñe a ne é mot aa ye ma kuan. ²⁴ É ntɔɔ ná, é Mwán Mot aa ke amvála ané é ne ntsilann á mfá weñ; ve, ngwáa ya é mot aa ye kuan é Mwán Mot! É mbé mot te mvéáñ ná a bɔ kaa ábyálá.”

²⁵ Éde Judas, éñí a mbé ná aa kuan ní a ngá síli ná,

“Á Rabí, ye ma, ngeá?”

Éde a ngá dzó ní ná,

“Wa o dzó yaá dɔ.”

²⁶ Éyɔŋ bé ngá dzí, ané Yesus a ngá ñɔŋ mfémm, niané a ngá vé abwará ya wó, a bák wó, a vé fe wó beyága beñ, éde a ngá dzó ná,

“Ñɔŋɔŋ; dzáán, é ñúu dam édo ní.”

²⁷ Ané a ngá ñɔŋ kóp, niané a ngá mana vé akíba, a kee bó dɔ, eé dzó ná,

“Náán dɔ mína bésese, ²⁸ amú ná mékií mam émo má, émá méye á [mfefeñ] élat, émo má swii ákála abwiññ bot á mfá ndzwiiann mísémm. ²⁹ Ma dzó mína ná, mää ye bera ñú ebumá ye á ndzík vino, atéé ye áwola dí akekwiñ é mos ma ye dɔ ñú mfefeñ bíabe mína édzwée ngómán Tará. ³⁰ Éde niané bé ngá mana yee dzeá, ané bé ngá kwíñ bé kéñ á nkoó Álíba.

³¹ Véa éñe, Yesus a ngá dzó bó ná, “Álú dí mína bésese mína ye mana dzímle mbwínánn ákála dam, amú é ne ntsilann ná,

‘Ma ye bími nkálá mitómá,

véa mítómá myá ye mana myean.’

³²Ve, niané ma ye wómo, ma ye mína ke ósú á Galilea.”

³³Éde Pedro a ngá dzó ñí ná,

“Ngé bot bése bá bá dzímle mbwínánn ákála dwe, ma mãá ye dzímle mbwínánn amvála enziḡ.”

³⁴Ané Yesus a ngá dzó ñí ná,

“Bébélá ma dzó wa ná álú dí, kaa ná nnóm kúp á lónḡ, wa ye ma kat tán biyḡ bí léa.”

³⁵Éde Pedro ñí a ngá dzó ñí ná,

“Atwaa ma ke wú bía wa, me sés wa kat eyḡ enziḡ.”

Ané báyága bése bevós bá bé ngá dzó fe ntéññ mbós.

Yesus aa yaglan á Getsemaní

³⁶Éde Yesus a ngá ke sian bábe bó é vóm bá lwée ná Getsemaní, ané a ngá dzó báyága beñ ná,

“Tɔbɔgán ósí ó vá, ntéññ ma ke yaglan ólwí.”

³⁷Éde a ngá ke bá Pedro, ya é bwán bé beañ Zebedeo, ané a ngá tára ná aa ywian, ya áwók nlém mitéñ. ³⁸Éde a ngá dzó bó ná,

“Nsísim wɔm wá bíra wórán eywiññ áwú; líggán ó vá, tɔbɔgán fe evéveññ bíabe mína.”

³⁹Ané a ngá yit ósú avítsaḡ, a ku ású ósí, á nga yaglan ná, “Á Tará, ngé é ne boban ná é kóp ñí eé lot ma áyóp; fáve ná é táa bɔ amvála ané ma ma kómo, ve amvála wa wa kómo. ⁴⁰Éde, a ngá búlán ébe báyága, á koan ya bó béé ke óyó. Éde a ngá dzó Pedro ná,

“Ye ná míní sés tɔbɔ evéveññ bíabe mína tán áwola avós? ⁴¹Tɔbɔgán evéveññ, yaglánán fe á mfá ye ná míní nza ku mébóblé été; bebélá nsísim ó belé nkómánn, ve é ñúu mison da e ne ateák.”

⁴²Éde, a ngá bera kólo éyḡ beañ, ané a ngá yaglan ná, “Á Tará, nde é kóp ñí e sés ma lot áyóp kaa ná ma ñú dɔ, nkómánn we éwɔ ó bósge.”

⁴³Niané a ngá búlán, á bera koan ya bó béé ke óyó, amú ná bé ngá bíra wók óyó. ⁴⁴Éde, a ngá bera bó lík, a kéñ yaglan éyḡ léa, eé bera dzó bifíá bivós ya bivós. ⁴⁵Ané, a ngá sɔ ébe beyága, a dzóo bó ná,

“Ye ná míní ngén míní bóo óyó ya awaabé? Dággán ná, áwola é kwíñ yaá, éde ná é Mwán Mot a ntós nkeán é mó bebo misémm. ⁴⁶Tébégán, bí kenján! Dággán ná é mot aa kuan ma a ntós bebeñ.”

Bá biñ Yesus

⁴⁷Ákoan ná Yesus a ngén aa kóbo, ané Judas, mbós ye báyága awóm ya bé beañ, a ngá sian bábe nkuna bot, bé belé mibéḡḡ mílé ya nzwaakenḡ, béé sɔ ébe betébosú befára, beyem metsiḡḡ, ya ébe mikúkúmá míye áyḡ. ⁴⁸Éde é mot a ngá kuan ñí, aá vé bó ndem, eé dzó ná, “É mot ma ñánḡ

amánɲ, mot te éñe ñí; biñɲán ñí.” ⁴⁹Etéññ te ébyen ané a ngá yit Yesus bebeñ eé dzó ñí ná,

“Á mbóló, á Rabí!”

Éde a ngá ñán ñí amánɲ. ⁵⁰Ané Yesus a ngá dzó ñí ná,

“Á mwíí, bóoge é dzam o sɔ bɔ.”

Éde bé ngá yit bebeñ, bé kee Yesus mó ó ñúu, béé biñ ñí.

⁵¹Ané mot mbɔɔ ye é bot bábe Yesus bé mbé, eé sám wéá, éde a ngá vea nzwaokenɲ weñ, ané a ngá baa oloá ntébosú befára, a kík ñí aló. ⁵²Éde Yesus a ngá dzó ñí ná,

“Niigé nzwaokenɲ we é vóm weñ; amú ná é bot bése bá twáa nzwaokenɲ, bá ye fe wú ya nzwaokenɲ. ⁵³Ye wa tém ná me sés dzaa Tará, ñí a vé fe ma misámá binzuk mí baáŋgel áwola dí ébyen á lot tán awóm ya mí beañ?

⁵⁴Ve, nzá amvála fe Mitsili myá myá ye dzálában, émi myá dzó ná, néa éñe dá yian bɔ?”

⁵⁵Véa éñe, Yesus a ngá síli nkuna bot ná,

“Ye mína nzu ya mibéɲɲ mílé ya nzwaakenɲ ébe ma, amvála ané ngé bá biñ nzeé midzɔɲɲ? Kada mos má tɔɔ á templo, meé yágale bot, mína kaa ma ábiñ. ⁵⁶Ve dzam te áse dá bɔban á mfá ye ná Mítsili bekúlu medzó mí dzálában.”

Éde beyága bése bé ngá lík ñí, bé túp.

Yesus a ne ékóánn bá kík misanɲ

⁵⁷Ané, é bot bé ngá biñ Yesus bé ngá ke ya ñí ébe ntébosú befára nnén Kaifas, é vóm beyágale métsinɲ ya mikúkúamá bé mbé bé kóán. ⁵⁸Ve Pedro a ngá ke aa bee ñí oyaáp ómvús, akekwiñ á yát ntébosú befára nnén, éde a ngá ñíí, a tɔbɔ ósí bábe mewasíli mfá áyén asúgánn ye dzam te áse.

⁵⁹Véa, betébosú befára ya ekóánn ése, bé ngá dzén ná bé belé é ngañiá a ne minéa ébe Yesus á mfá ye ná bé ywíñ ñí, ⁶⁰ve bá kaa ákoan ya ñí, afánɲo ná minéneá bengañiá mí mbé abwiññ. Ve ó mvús véa bot bé beañ bé ngá sian, ⁶¹bé ɲga dzó ná,

“É mot ñí a ngá dzó ná, ‘Me ne tsam é templo Nzamá, mé bera fe dɔ lɔɲ tán melú mé léa.’ ”

⁶²Éde, ntébosú befára nnén, a ngá tébe, eé dzó ñí ná,

“Ye ná wáá yalan dzam enziɲ? Nzá dzam é bot bá, bá bwaale wa ya dɔ dí?” ⁶³Ve Yesus ñí a ngá sis evóó. Éde ntébosú befára nnén a ngá dzó ñí ná,

“Ma dzaa wa ya nkanann sɔɲ ébe éyola é Nzamá a ne ntétéa ná, o kat bía ngé wa o ne Kristo, é Mwán Nzamá.”

⁶⁴Ané Yesus ñí a ngá dzó ñí ná,

“Wámyen o dzó yaá dɔ; ve, ma dzó mína ná,

‘Atéé ye áwola dí mína ye yén

é Mwán Mot a tɔɔ á mfá méyóm
éñí a ne Nguu,
eé sɔ fe míkút míye á dzóp été.”

⁶⁵Éde ntébosú befára nnén a ngá ñap bítóp byeñ, eé dzó ná,
“Ákɔbo nkɔbo abyann! Nzá dzam fé bía bera yi ya do ya benganiá? Dággán
ná, áwola dí ébyen míní wók yaá nkɔbo abyann weñ; ⁶⁶mína yén á yá?”
Ané bé ngá yalan ná,
“Aa yian wú!” ⁶⁷Éde bé ngá túp ñí menden á sú, bé nga bími ñí bikúra,
ébá bevɔɔ bá bé nga vé ñí mebéañ ánu, ⁶⁸bée dzó ná,
“Á Kristo, túpge! Nzá á bími wa?”

Pedro aa kat Yesus

⁶⁹Ve Pedro ñí a mbé a tɔɔ átán, á yát été, ané mbo biséññ miningá
enzin a ngá yit ñí bebeñ a dzóo ñí ná,
“Wa wa tɔɔ fe mínabe Yesus mwann Galileo.”
⁷⁰Ve ñí a ngá kat do ébe á sú bésesé, eé dzó ná,
“Mää yem é dzam wa dzó.”
⁷¹Ve, éyɔɔ a ngá nzu kwíñ mbéñ, miningá mfé ñí a ngá yén ñí, ané a
ngá dzó é bot bé mbé ó véa ná,
“E mot ñí a tɔɔ bábe Yesus, mwann Nasareo.”
⁷²Éde a ngá bera do kat, ya nkanann sɔɔ, eé dzó ná,
“Mää yem mot te!”
⁷³Niané oyomm tám ó ngá lot, éde é bot bé mbé ó véa bé ngá nzu koan
ya Pedro, ané bé ngá dzó ñí ná,
“É ne été ná o ne mot mbɔɔ ye ébe bó; amú ná atwaa ámvála wa kɔbo
dá dá lére do.”
⁷⁴Éyɔɔ te a ngá tára ná aa boɔ ya fe ákan sɔɔ, ná,
“Mää yem mot te!”
Etéññ te ébyen éde nnóm kúp a ngá lɔɔ. ⁷⁵Ané Pedro a ngá síman é
dzam Yesus a ngá dzó, ná, “Kaa ná nnóm kúp á lɔɔ, wa ye ma kat tán
bíyɔɔ bí léa.” Éde, a ngá kwíñ átán, á nga daɔ bíra yi.

Bé ke ya Yesus ébe Pilato

27 ¹Niané kírí e ngá léne, betébosú befára bése ya mikúkú má míye
áyɔɔ bé ngá bo ekóánn mfá ámvála bé ne ywíñ Yesus. ²Éde
niané bé ngá mana ñí ká, bé kéñ ya ñí, ná bá kee ñí ngóvina Pilato.

Áwú Judas

³Éde Judas, éñí a ngá kuan Yesus, niané a ngá yén ná bé vé yaá ñí
meku, á nga wórán bidzo á nlém weñ été, ané a ngá ke búlu betébosú
befára ya mikúkú má moann mí ngoós mewóm mé léa, ⁴eé dzó ná,

“Me ɓo yaá nsémm, ná ma kee mékií mé ne kaa bidzo.”

Ve bá bé ngá dzó ní ná,

“É ne bía dzé? Wámyen ó wéñ!”

⁵Éde a ngá wea ngoós te á templo été, a kéñ; niané a ngá ke á ywíñ émyen ya nkɔɔ ó kíŋŋ.

⁶Ve betébosú befára bá bé ngá twáa ngoós te, ané bé ngá dzó ná, ‘Atsiŋŋ dáá yébe ná bí nii é dzóm dí éwála moann ye á templo, amú ná a ne ntáŋ mékií.’

⁷Éde niané bé ngá ɓo ekóánn, ané bé ngá kus áfúp é mot a ngá lwíñ byém ya sí ekwánn ya moann míte, á mfá ádzep beyéŋ. ⁸Ya akála te bá lwée afúp te anzukwíñ émuú ná, Afóo sí Mekií. ⁹Amvála te édo, édí nkúlu medzó Jeremías a ngá dzó, é ngá dzálában ná,

‘Bé ngá ñoŋ moann mí ngoós mewóm mé léa,
é táŋ bwán béye Israel bé ngá kík.

¹⁰Éde, bé ngá kus áfúp é mot a ngá ɓo byém ya sí ekwánn ya moann míte, amvála ané Ntí a ngá mánan ma.’ ”

Yesus a ne ébe ásu Pilato

¹¹Éde Yesus a mbé téle ébe ásu ŋgɔvina, ané ŋgɔvina te a ngá síli ní ná, “Ye wa o ne é kéza bejudio?”

Éde Yesus a ngá dzó ní ná,

“Wa wa dzó do.”

¹²Éde, betébosú befára ya mikúkúma bá béé sómán ní, ní kaa áyalan dzam enziŋ. ¹³Ané Pilato a ngá dzó ní ná,

“Ye wáá wók ábímm mam bá bwaale wa ya mo dí?”

¹⁴Ve Yesus ní eé ndzí yalan ya ní atwaa ya efiá evɔɔ ya evɔɔ; éde ŋgɔvina a ngá bíra voŋbe ya do.

Bá kík nsaŋ ná Yesus aa wú

¹⁵Édo ná, kada fét, ŋgɔvina a ngá ɓo eé suu áyɔŋ mbok mbɔɔ, éwí bébyen bá kómo. ¹⁶Véa, bá bé mbé bé belé mbok enziŋ ó belé abwiññ éwógá, béé lwée wo ná [Jesús] Barrabás. ¹⁷Niané bé ngá ɓo ekóánn, éde Pilato a ngá síli bó ná,

“Mína kómo ná me suu mína nzá? Ye Barrabás, ngé ki Yesus, éñí bá lwée ná Kristo?”

¹⁸Amú a ngá yem ná bé ngá kee ní Yesus ya akála evínn.

¹⁹Éde Pilato ní a tɔɔ étɔɔ bá kík misaŋ, ané ngéa a ngá lóm ná bé ke ní dzó ná, “O táa ñíi ádzó é nzósoó mot te été, amú ná me bíra dzuk biyéyemm émuú ya ákála deñ.”

²⁰Ve, betébosú befára ya mikúkúma bá bé ngá mana fuk mikuna mí bot ná bé dzaa Barrabás, ve Yesus ñá bé ywíñ. ²¹Éde, ŋgɔvina a ngá síli bó ná,

“Mbé ye bé beañ bá, mína kómo ná me suu mína?”

Ané bé ngá yalan ná,

“Barrabás!”

²²Éde Pilato a ngá síli b́ ná,

“Nzá dzam ma ye b́ Yesus, éńí bá lwée ná Kristo?

Éde bésesé bé ngá dzó ná,

“Á kẹ́j á krús!” ²³Ané Pilato a ngá síli ná,

“Amú dzé? Nzá mbéa dzam á b́?

Ve bá bé ngá dan yónyónan ná,

“Á kẹ́j á krús!”

²⁴Éde Pilato eé yén ná a sés twáa dzam été, fáve ná ebírán édo é ngá b́, ané a ngá ñon mendzím, á nga sop mó ébe ásu nkuna bot, eé dzó ná,

“Mé ne nkeñ ébe mékií é mot ñí; mína bébyen ó weñ.”

²⁵Éde bot bése bé ngá yalan ná,

“Mékií meñ mé kpá míló myea áyóp, ya émi é bwán bea!”

²⁶Ané a ngá kúlu b́ Barrabás; ve niané bé ngá mana yít Yesus, éde a ngá kee b́ ñí á mfá ye ná bé ywín ñí á krús.

Bá kpógo Yesus

²⁷Éde bénzima ngóvina bé ngá ke ya Yesus á kpatéle, ané nsámá benzima te óse ó ngá mana ñí boman; ²⁸bé nga swala ñí bitóp bé bwára ñí mbamba étóp ó ñúu. ²⁹Véa, niané bé ngá mana tsin korona kát biyóó, bé bwát ñí do nló, bé kee fe ñí ntúmm é wéa meyóm weñ; bé nga kút ñí mebóngh ébe ásu deñ, bé nga kpógo fe ñí, béé dzó ná,

“É kéza bejudio ó yóp!”

³⁰Éde, béé túp ñí menden, bé nga bími ñí ntúmm nló. ³¹Niané bé ngá mana ñí kpógo, éde bé ngá swala ñí mbamba étóp, bé bwára ñí bitóp byeñ, éde bé ngá ke ya ñí á krús.

Bá dómle Yesus á krús

³²É tám bé ngá ke ya ñí, véa bé koan ya mot enziñ ye á Sirene, a tóó éyola ná Simón, ané bé ngá yémle ya ñí ná á бага é krús Yesus.

³³Niané bé ngá kwín é vóm bá lwée ná Gólgota, dá yíli ná, “Vóm ye Ékpékpéññ Nló”, ³⁴éde bé ngá vé ñí é vino a mbé ayoo ná á ñú; ve niané a ngá kyak wó, eé ndzí wó kómo ñú.

³⁵Ákoan ná bé dómle yaá ñí á krús, ané bé ngá kapban bitóp byeñ, béé kyak bema (á mfá ye ná édí nkúlu medzó a ngá dzó é dzálában ná, ‘bé ngá kapban bitóp byam, béé kyak bema é byém byam’). ³⁶Éde bé ngá tóbó ósí ó véa, béé kálá ñí. ³⁷Éde, bé ngá kele ñí á nló áyóp ésómán deñ, é tóó ntsilann ná, “Yesus éñe ñí, é kéza bejudio.”

³⁸Éde bé ngá dómle á krús benzeé midzɔŋŋ bé beañ bábe bó, mbɔ́ ó tɔ́ ní mfá meyóm, éwí mbɔ́ wá ó tɔ́ ní mfá meyéá. ³⁹Ané é bot bé ngá lot ó véa bá bé nga tea ní, béé sigle miló, ⁴⁰béé dzó ná,

“Wa é mot wa tsam templo, o bera fe dɔ lɔŋ nia melú mé léa! Korogé wámyen ngé o ne é Mwán Nzamá, siggé fe á krús!”

⁴¹Amvála te fe, betébosú befára bábe beyágale métsiŋŋ, (ya befariseo) ya mikúkúmá bá bé nga kpógo fe ní, béé dzó ná,

⁴²“A ngá koro bot befé, ve a sés koro émyen! A tɔ́ fe kéza ye Israel! Á siggé á krús áwola dí, véa bía ye ní bwíni. ⁴³Aá tɔ́ɔ ya Nzamá mebúnn; Nzamá te á korogé ní áwola dí ngé aa kómo; amú á dzó ná, ‘Me ne é Mwán Nzamá.’ ”

⁴⁴Ámvála te ébyen fe benzeé midzɔŋŋ bá bé mbé bé tɔ́ ndómlán á krús bábe bó bá bé nga kɔ́ɔ fe ní abé.

Áwú Yesus

⁴⁵Éde, dzíbi é ngá ku sí ngúrá atéé ye amyeré akekwiñ méwola mé léa ye ngɔ́gáse. ⁴⁶Ané, bebeñ méwola mé léa, éñe Yesus a ngá yónán ya kíŋŋ oyaáp ó yóp, eé dzó ná, “Éli, Éli, lema sabaktani?” Dzam te dá yíli ná, “É Nzamá wɔm, É Nzamá wɔm, amú dzé o lama yaá ma?” ⁴⁷Éde, bot benziŋ béye é bot bé mbé ó véa, niané bé ngá wók dɔ, bé nga dzó ná,

“Éní aa lwée Elías.”

⁴⁸Etéñ te ébyen, éde mot mbɔ́ ye été a ngá ke mbíí, a ñɔŋ efús etóp, a du dɔ é vino a ne saŋŋ été, á nga ká dɔ á ntén elé, a vé ní dɔ ná á nú.

⁴⁹Ve é bot bevɔ́ bá bé nga dzó ní ná,

“Líkgán ní, bí ben yén ngé Elías aa nzu ní koro.”

⁵⁰Ve Yesus a ngá bera yónán ya kíŋŋ oyaáp ó yóp, éde a ngá suu nsísim. ⁵¹Véa mfim étóp á templo ó ngá ñaba bifas bí beañ, atéé ye ó yóp akekwiñ ó sí, ané sí e ngá fógan, mekwá má mé nga bólo, ⁵²mésɔŋ mé nga yóŋbe; éde abwiññ mífúfúp mí bot émí mí mbé óyó [nwúán] mí ngá wómo. ⁵³Éde, niané Yesus a ngá wómo, véa bá bé ngá kólo mésɔŋ, bé níí á mfúfúp kísoan, bé nga yéne ébe abwiññ bot.

⁵⁴Niané kaba ye á Roma ya é bot bábe bó bé ngá kálá Yesus bé ngá yén mí sukban mí sí, ya é mam mé ngá bɔ́ban, éde bé ngá bíra kɔ wɔŋŋ, béé dzó ná,

“Bébélá é mot ní a tɔ́ é Mwán Nzamá!”

⁵⁵Abwiññ biningá é ngá nzu dá bee Yesus, atéé ye á Galilea béé belan ya ní, dá é mbé fe ó véa, béé dága bé téle oyaáp; ⁵⁶bé mbé été ná; María Magdalena, María níá Jakobo bá José, ya é bwán Zebedeo níá.

Bá dzep Yesus

⁵⁷Niané ngɔ́gɔ e ngá kwiñ, nkúkúmm mot enziŋ ye á Arimatea ó ngá sɔ́, béé lwée ní ná José, ní á mbé fe nyága Yesus; ⁵⁸éde mot te a ngá ke

yén Pilato, aa dzaa ñí mbim Yesus. Ané Pilato a ngá mánan ná bé kee ñí wó. ⁵⁹Véa José a ngá ñɔŋ mbim, éde a ngá vígile wó á mbamba mfúbánn étóp été. ⁶⁰Éde a ngá bwíi wó á mfefeñ sɔŋ weñ, éwí a ngá mana fá ákwá été, éde niané bé ngá bígle mora akwá á mbéñ sɔŋ, a kéñ. ⁶¹Ve, María Magdalena a mbé ó véa, bá é María mbóó, bé tɔó ósí á sɔŋ ósú.

Benzima bá kálá é sɔŋ Yesus

⁶²É mos ó ngá belan véa, nia álot éwí bá koman, éde betébosú befára bábe befariseo, bé ngá ke koán ébe Pilato. ⁶³béé dzó ñí ná,

‘Á Ndzwée, bía síman ná éyɔŋ nduk bot te a mbé ntétéá, a ngá dzó ná, ‘Nia melú mé léa ma ye wómo.’ ⁶⁴Édo ná, mánanán ná bot bé ke túga kálá sɔŋ akekwiñ álú léa, a nza bɔ ná ngé báyága beñ bé kéñ, bé dzíp mbim, véa bé dzó bot ná a wómo yaá míwúán été. Éde méduk má súgan má ye danɗan ya abé álot éma ósúá.

⁶⁵Ané Pilato a ngá dzó bó ná,

“Kenján ya benzima! Míni kéñ do túga kálá amvála mína yem.” ⁶⁶Éde, bé ngá ke túga dzíp sɔŋ, béé vé sitám ákwá ya benzima.

É fwéñ áwómó Yesus

28 ¹Niané Sátará a ngá lot, ekúná kírí ye é mos ósúá ye á sóánn, ané María Magdalena bá é María mbóó, bé ngá ke yén sɔŋ. ²Véa éñe bora sukban sí ó ngá boban, amú ná ángel Ntí a ngá sigi á dzóp été, niané a ngá sian a bígle akwá, a tɔbɔ fe do áyóp. ³A ngá yéne amvála ané vevés, étóp deñ dá mfúm amvála ané nieve. ⁴Ya é wɔŋŋ bé ngá kɔ ñí, benzima bé ŋga ku ngom, véa bé kpéñ ané mibim.

⁵Éde ángel, eé kóbo, a ngá dzó biningá ná,

“Míni táa kɔ wɔŋŋ; amú ma yem ná mína dzéŋ Yesus, éñí bé ngá ywíñ á krús. ⁶A sés ó vá, amú ná a wómo yaá ámvála a ngá dzó. Nzaán áyén é vóm a mbé a bóo! ⁷Édo ná, kenján avóó, míni kat báyága beñ ná, ‘Á wómo yaá míwúán été; éde ná aa ke mína ósú á Galilea; ó wéñ éñe mína ye ñí yén.’ Dágán ná ma me dzó yaá mína do.”

Biningá bá yén Yesus

⁸Éde biningá bé ngá dzíga kólo ó sɔŋ ya wɔŋŋ, béé bíra fe sán, ané bé ngá ke mbíi bé kat báyága beñ fwéñ. [Éyɔŋ bá bé ngá ke kat beyága fwéñ,] ⁹véa éñe, Yesus a ngá toban ya bó, eé dzó ná, “Á mbólán!” Éde bá bé ngá yit ñí beben, bé kútbe ó sí bé ŋga kan ñí, béé wúbán ñí ya mebo. ¹⁰Ané Yesus a ngá dzó bó ná,

“Míni táa kɔ wɔŋŋ. Kenján, katgán bobédzan fwéñ ná bé ke á Galilea, éñe fe bá ye ma yén ó wéñ.”

É fwéñ bénzima bé ngá kálá sɔŋ

¹¹Véa bá béé ke, ané benzima benziŋ béye été bé ngá ke á kísoan, bé kat betébosú befára é mam mése mé ngá boban. ¹²Éde, niané bé ngá

mana kóán bábe mikúkúma, bée bu fak, ané bé ngá kee benzima béte abwiññ moann, ¹³bée dzó ná,

“Dzógán ná, ‘Béyága beñ bé só á alú, bé dzíp mbim weñ ntéññ bía bóo óyó.’

¹⁴Éde ngé ngóvina ñí a wók ddam te, bía bía ye ñí sili nlém ósí, véa bí kam fe ya mína ébe ntée óse.”

¹⁵Ébá bé ngá ñɔɔ moann, bá bé bɔ fe ámvála bé ngá lére bó. Ané ndzóán te ó ngá mana kwíñ éndendaɔ béjudio éte, anzukwíñ émuú.

Yesus aa lóm béyága beñ

¹⁶Édo ná awóm béyága ya mbóó bá bé ngá ke a Galilea, á nkoó Yesus a ngá dzó bó ya wó. ¹⁷Niané bé ngá yén ñí bé kútbe ó sí bé nga kaɔ ñí; afáɔbɔ ná bevóó benziɔ bá bé ngá yep. ¹⁸Niané Yesus a ngá ke koan ya bó, ané a ngá dzó ná,

“Nguu Édzwée ése ye á dzóp, ye fe á sí ó vá, bé vé yaá ma do.

¹⁹Édo é ne ná, keɔán, bɔgán fe beyága ébe meyɔɔ mése, míní du bó ébe éyola Éséá, ébe édí Mwán, ya ébe édí Mfúfúp Nsísim; ²⁰míní vé bó ayágalé ná bé dzálá é mam mése me mánan yaá mína. Dággán fe ná, me tɔó bíabe mína mélu mése, akekwiñ áségánn ye é tám ñí.”